

বিশ্বভারতী

বায়োপ্রযুক্তি ঠাকুর



বিশ্বভারতী একাডেমিক বিভাগ  
কলিকাতা



শাস্তিনিকেতন-বিষ্ণুলয়ের পঞ্চাশদ্বর্ষপূর্তি উপলক্ষে

প্রথম প্রকাশ : ৭ পৌষ ১৩৫৮

পুনরূদ্ধৃণ : জ্যৈষ্ঠ ১৩৭০

আষাঢ় ১৩৯৬

পুলিনবিহারী সেন -কর্তৃক সংকলিত

© বিশ্বভারতী

প্রকাশক শ্রীজগদিস্ত্র ভৌমিক

বিশ্বভারতী । ৬ আচার্য জগদীশ বসু রোড । কলিকাতা ১১

মুদ্রক স্বপ্না প্রিণ্টিং ওয়ার্কস প্রাইভেট লিমিটেড

৫২ রাজা রামমোহন রাম সরণী । কলিকাতা ৯

বিশ্বভারতী

বিশ্বভারতীয় প্রতিষ্ঠাকাল হইতে ১৩৪৭ সাল  
পর্যন্ত কুড়ি বৎসরের অধিককাল শাস্তি-  
নিকেতন-আশ্রমবিদ্যালয় ও বিশ্বভারতীয়  
আদর্শ সমষ্টে ব্রহ্মীকুন্নাধ যেসকল বক্তৃতা দিয়া-  
ছিলেন, বিভিন্ন সাময়িক পত্র হইতে এই  
গ্রন্থে তাহার অধিকাংশই সংকলিত হইল।  
এগুলি ইতিপূর্বে কোনো পুস্তকে প্রকাশিত  
হয় নাই।

এই বিষয়ে ব্রহ্মীকুন্নাধের অন্তর্গত বাংলা  
রচনা নিম্নোক্ত গ্রন্থগুলিতে পাওয়া যাইবে—  
শিক্ষা ; আশ্রমের রূপ ও বিকাশ ; প্রাক্তনী ;  
প্রতিষ্ঠাদিবসের উপদেশ ও প্রথম কার্য-  
প্রণালী।

এতদ্ব্যতীত, শাস্তিনিকেতনে অধ্যাপক  
ও ছাত্রদিগকে আশ্রমের আদর্শ সমষ্টে  
বিদ্যালয়ের প্রতিষ্ঠাকাল হইতে আশ্রমগুরু  
জীবনের বিভিন্ন পর্বে যে অসংখ্য চিঠিপত্র  
লিখিয়াছেন তাহার কতক অংশ বিভিন্ন  
সাময়িক পত্রে বা গ্রন্থে প্রকাশিত হইয়াছে,  
অবশিষ্ট অংশ মুদ্রণ-অপেক্ষায় আছে।

॥ যত্র বিশ্বং ভবত্যেকনৌড়ম् ॥



## ১

মানবসংসারে জ্ঞানালোকের দিয়ালি-উৎসব চলিতেছে।  
 প্রত্যেক জাতি আপনার আলোটিকে বড়ো করিয়া  
 জালাইলে তবে সকলে মিলিয়া এই উৎসব সমাধা হইবে।  
 কোনো জাতির নিজের বিশেষ প্রদীপধানি ষদি ভাঙ্গিবা  
 দেওয়া ষাঘ, অথবা তাহার অঙ্গ ভুলাইয়া দেওয়া ষাঘ,  
 তবে তাহাতে সমস্ত জগতের ক্ষতি করা হয়।

এ কথা প্রমাণ হইয়া গেছে যে, ভারতবর্ষ নিজেরই  
 মানসশক্তি দিয়া বিশ্বসমস্তা গভীরভাবে চিন্তা করিয়াছে  
 এবং আপন বুদ্ধিতে তাহার সমাধানের চেষ্টা পাইয়াছে।  
 সেই শিক্ষাই আমাদের দেশের পক্ষে সত্য শিক্ষা ষাহাতে  
 করিয়া আমাদের দেশের নিজের মনটিকে সত্য আহরণ  
 করিতে এবং সত্যকে নিজের শক্তির দ্বারা প্রকাশ করিতে  
 সক্ষম করে। পুনরাবৃত্তি করিবার শিক্ষা মনের শিক্ষা নহে,  
 তাহা কলের দ্বারা ঘটিতে পারে।

## বিশ্বভারতী

ভারতবর্ষ যখন নিজের শক্তিতে মনন করিয়াছে তখন তাহার মনের এক্য ছিল— এখন সেই মন বিচ্ছিন্ন হইয়া গেছে। এখন তাহার মনের বড়ো বড়ো শাখাগুলি একটি কাণ্ডের মধ্যে নিজেদের বৃহৎ ঘোগ অনুভব করিতে ভুলিয়া গেছে। অঙ্গপ্রত্যঙ্গের মধ্যে এক-চেতনাস্থানের বিচ্ছেদই সমস্ত দেহের পক্ষে সাংঘাতিক। সেইরূপ, ভারতবর্ষের যে মন আজ হিন্দু বৌদ্ধ জৈন শিখ মুসলমান খুস্টানের মধ্যে বিভক্ত ও বিশিষ্ট হইয়া আছে সে মন আপনার করিয়া কিছু গ্রহণ করিতে বা আপনার করিয়া কিছু দান করিতে পারিতেছে না। দশ আঙুলকে যুক্ত করিয়া অঙ্গলি বাঁধিতে হয়— নেবার বেলাও তাহার প্রয়োজন, দেবার বেলাও। অতএব ভারতবর্ষের শিক্ষাব্যবস্থায় বৈদিক পৌরাণিক বৌদ্ধ জৈন মুসলমান প্রভৃতি সমস্ত চিত্তকে সম্প্রিলিত ও চিত্তসম্পদকে সংগৃহীত করিতে হইবে ; এই নানা ধারা দিয়া ভারতবর্ষের মন কেমন করিয়া প্রবাহিত হইয়াছে তাহা জানিতে হইবে। এইরূপ উপায়েই ভারতবর্ষ আপনার নানা বিভাগের মধ্য দিয়া আপনার সমগ্রতা উপসর্কি করিতে পারিবে। তেমনি করিয়া আপনাকে বিস্তীর্ণ এবং সংশ্লিষ্ট করিয়া না জানিলে, যে শিক্ষা সে গ্রহণ করিবে তাহা ডিক্ষার মতো গ্রহণ করিবে। সেইরূপ ডিক্ষাজীবিতায় কথমও কোনো জাতি সম্পদশালী হইতে পারে না।

বিতীয় কথা এই যে, শিক্ষার প্রকৃত ক্ষেত্র সেইখানেই থেকানে বিদ্যার উন্নাবনা চলিতেছে। বিশ্ববিদ্যালয়ের মুখ্য

## বিশ্বভারতী

কাজ বিষ্ণার উৎপাদন, তাহার গোণ কাজ সেই বিষ্ণাকে  
দান করা। বিষ্ণার ক্ষেত্রে সেই-সকল মনৌষীদিগকে  
আহ্বান করিতে হইবে যাহারা নিজের শক্তি ও সাধনা  
-স্থারা অচুসক্ষান আবিষ্কার ও স্ফটির কার্যে নিবিষ্ট আছেন।  
তাহারা যেখানেই নিজের কাজে একত্র মিলিত হইবেন  
সেইখানে স্বভাবতই জ্ঞানের উৎস উৎসারিত হইবে, সেই  
উৎসধারার নির্বাচিণী তটেই দেশের সত্য বিশ্ববিদ্যালয়ের  
প্রতিষ্ঠা হইবে। বিদেশী বিশ্ববিদ্যালয়ের নকল করিয়া  
হইবে না।

তৃতীয় কথা এই যে, সকল দেশেই শিক্ষার সঙ্গে দেশের  
সর্বাঙ্গীণ জীবনযাত্রার যোগ আছে। আমাদের দেশে  
কেবলমাত্র কেরানিগিরি ওকালতি ডাক্তারি ডেপুটিগিরি  
দারোগাগিরি মুন্সেফি প্রভৃতি ভদ্রসমাজে-প্রচলিত কয়েকটি  
ব্যবসায়ের সঙ্গেই আমাদের আধুনিক শিক্ষার প্রত্যক্ষ যোগ।  
যেখানে চাষ হইতেছে, কলুর ধানি ও কুমারের চাক  
ঘূরিতেছে, সেখানে এ শিক্ষার কোনো স্পর্শও পৌছায় নাই।  
অন্ত কোনো শিক্ষিত দেশে এমন দুর্যোগ ঘটিতে দেখা যায়  
না। তাহার কারণ, আমাদের নৃতন বিশ্ববিদ্যালয়গুলি  
দেশের মাটির উপরে নাই, তাহা পরগাছার মতো পরদেশীয়  
বনস্পতির শাখায় ঝুলিতেছে। ভারতবর্ষে ষদি সত্য  
বিদ্যালয় স্থাপিত হয় তবে গোড়া হইতেই সে বিদ্যালয়  
তাহার অর্থশাস্ত্র, তাহার কুষিতত্ত্ব, তাহার স্বাস্থ্যবিষ্ণা,  
তাহার সমস্ত ব্যাবহারিক বিজ্ঞানকে আপন প্রতিষ্ঠা-

## বিশ্বভারতী

স্থানের চতুর্দিকবর্তী পল্লীর মধ্যে প্রয়োগ করিয়া দেশের জীবনযাত্রার কেন্দ্রস্থান অধিকার করিবে। এই বিদ্যালয় উৎকৃষ্ট আদর্শে চাষ করিবে, গোপালন করিবে, কাপড় বুনিবে এবং নিজের আর্থিক সহজ - লাভের অন্ত সমবায়-প্রণালী অবলম্বন করিয়া ছাত্র শিক্ষক ও চারি দিকের অধিবাসীদের সঙ্গে জীবিকার ঘোগে ঘনিষ্ঠভাবে যুক্ত হইবে।

এইরূপ আদর্শ বিদ্যালয়কে আমি ‘বিশ্বভারতী’ নাম দিবার প্রস্তাব করিয়াছি।

প্র. বৈশাখ ১৩২৬

## বিশ্বভারতী

২

বর্তমান কালে আমাদের দেশের উপরে যে শক্তি, যে শাসন, যে ইচ্ছা করছে সমস্তই বাইরের দিক থেকে। সে এত প্রবল যে তাকে সম্পূর্ণ অতিক্রম করে আমরা কোনো ভাবনাও ভাবতে পারি নে। এতে করে আমাদের মনের যনীয়া প্রতিদিন ক্ষীণ হয়ে যাচ্ছে। আমরা অঙ্গের ইচ্ছাকে বহন করি, অঙ্গের শিক্ষাকে গ্রহণ করি, অঙ্গের বাণীকে আবৃত্তি করি, তাতে করে প্রকৃতিস্থ হতে আমাদের বাধা দেয়। এইজন্মে মাঝে মাঝে যে চিত্তক্ষেত্র উপস্থিত হয় তাতে কল্যাণের পথ থেকে আমাদের ভ্রষ্ট করে। এই অবস্থায় একদল লোক গর্হিত উপায়ে বিদ্যেষবুদ্ধিকে তৃপ্তিদান করাকেই কর্তব্য বলে মনে করে, আর-এক দল লোক চাটুকারবৃত্তি বা চরবৃত্তির দ্বারা যেমন করে হোক অপমানের অন্ন খুঁটে ধাবার জন্মে রাষ্ট্রীয় আবর্জনাকুণ্ডের আশেপাশে ঘূরে ঘূরে বেড়ায়। এমন অবস্থায় বড়ো করে দৃষ্টি করা বা বড়ো করে স্মৃতি করা সম্ভবপর হয় না ; মানুষ অন্তরে বাহিরে অত্যন্ত ছোটো হয়ে যায়, নিজের প্রতি শ্রদ্ধা হারায়।

যে ফলের চারাগাছকে বাইরে থেকে ছাগলে মুড়িয়ে ধাবার আশঙ্কা আছে সেই চারাকে বেড়ার মধ্যে রাখার দরকার হয়। সেই নিষ্ঠত আশ্রয়ে থেকে গাছ ব্যথন বড়ো

## বিশ্বভারতী

হয়ে ওঠে তখন সে ছাগলের নাগালের উপর উঠে থাষ ।  
প্রথম যখন আশ্রমে বিষ্ণুলয়-স্থাপনের সংকল্প আমার মনে  
আসে তখন আমি মনে করেছিলুম, ভারতবর্ষের মধ্যে  
এইখানে একটি বেড়া-দেওয়া স্থানে আশ্রয় নেব । সেখানে  
বাহু শক্তির ধারা অভিভূতির থেকে রক্ষা করে আমাদের  
মনকে একটু স্বাতন্ত্র্য দেবার চেষ্টা করা যাবে । সেখানে  
চাঙ্গল্য থেকে, বিপুর আক্রমণ থেকে মনকে মুক্ত রেখে  
বড়ো করে শ্রেয়ের কথা চিন্তা করব এবং সত্য করে শ্রেয়ের  
সাধনা করতে থাকব ।

আজকাল আমরা রাষ্ট্রনৈতিক তপস্তাকেই মুক্তির  
তপস্তা বলে ধরে নিয়েছি । দল বেঁধে কান্নাকেই সেই  
তপস্তার সাধনা বলে মনে করেছিলুম । সেই বিবাট  
কান্নার আয়োজনে অন্ত সকল কাজকর্ম বন্ধই হয়ে গিয়ে-  
ছিল । এইটেতে আমি অত্যন্ত পীড়াবোধ করেছিলুম ।

আমাদের দেশে চিরকাল জানি, আস্তার মুক্তি এমন  
একটা মুক্তি যেটা লাভ করলে সমস্ত বন্ধন তুচ্ছ হয়ে যায় ।  
সেই মুক্তিটাই, সেই স্বার্থের বন্ধন বিপুর বন্ধন থেকে  
মুক্তিটাই আমাদের লক্ষ্য ; সেই কথাটাকে কান দিয়ে  
শোনা এবং সত্য বলে জানার একটা জায়গা আমাদের  
থাকা চাই । এই মুক্তিটা যে কর্মহীনতা শক্তিহীনতার  
ক্রপান্তর তা নয় । এতে যে নিরাসকি আনে তা তামসিক  
নয় ; তাতে মনকে অভয় করে, কর্মকে বিশুद্ধ করে, লোড  
ঘোহকে দূর করে দেয় ।

## বিশ্বভারতী

তাই বলে একথা বলি নে যে, বাইরের বঙ্গনে কিছুমাত্র শ্রেয় আছে ; বলি নে যে, তাকে অলংকার করে গলায় অড়িয়ে রেখে দিতে হবে। সেও মন্দ, কিন্তু অস্তরে যে মুক্তি তাকে এই বঙ্গন পরাভূত ও অপমানিত করতে পারে না। সেই মুক্তির তিলক ললাটে ষদি পরি তা হলে রাজসিংহাসনের উপরে মাথা তুলতে পারি এবং বণিকের ভূরিসঞ্চলকে তুচ্ছ করার অধিকার আমাদের জন্মে।

ষাই হোক, আমার মনে এই কথাটি ছিল যে, পাশ্চাত্য দেশে মানুষের জীবনের একটা লক্ষ্য আছে ; সেখানকার শিক্ষা দীক্ষা সেই লক্ষ্যের দিকে মানুষকে নানা রূক্ষে বল দিচ্ছে ও পথ নির্দেশ করছে। তাই সঙ্গে সঙ্গে অবাস্তৱ-ভাবে এই শিক্ষাদীক্ষায় অন্য দশরকম প্রয়োজনও সিদ্ধ হয়ে যাচ্ছে। কিন্তু বর্তমানে আমাদের দেশে জীবনের বড়ো লক্ষ্য আমাদের কাছে জাগ্রত হয়ে ওঠে নি, কেবলমাত্র জীবিকার লক্ষ্যই বড়ো হয়ে উঠল।

জীবিকার লক্ষ্য শুধু কেবল অভাবকে নিয়ে, প্রয়োজনকে নিয়ে ; কিন্তু জীবনের লক্ষ্য পরিপূর্ণতাকে নিয়ে — সকল প্রয়োজনের উপরে সে। এই পরিপূর্ণতার আদর্শ সম্বলে যুরোপের সঙ্গে আমাদের যতভেদ থাকতে পারে, কিন্তু কোনো-একটা আদর্শ আছে যা কেবল পেট ভরাবার না, টাকা করবার না, এ কথা ষদি না মানি তা হলে নিতান্ত ছোটো হয়ে ষাই।

এই কথাটা মানব, মানতে শেখাব, এই মনে করেই

## বিশ্বভারতী

এখানে প্রথমে বিদ্যালয়ের পত্রন করেছিলুম। তার প্রথম সোপান হচ্ছে বাইরে নানাপ্রকার চিত্রবিক্ষেপ থেকে সরিয়ে এনে মনকে শান্তির মধ্যে প্রতিষ্ঠিত করা। সেইজন্তে এই শান্তির ক্ষেত্রে এসে আমরা আসন গ্রহণ করলুম।

আজ এখানে যাঁরা উপস্থিত আছেন তাঁদের অনেকেই এর আরম্ভ-কালের অবস্থাটা দেখেন নি। তখন আর যাই হোক, এর মধ্যে ইস্কুলের গুরু ছিল না বললেই হয়। এখানে যে আহ্বানটি সবচেয়ে বড়া ছিল সে হচ্ছে বিশ্ব-প্রকৃতির আহ্বান, ইস্কুলমাস্টারের আহ্বান নয়। ছাত্রদের সঙ্গে তখন বেতনের কোনো সম্বন্ধ ছিল না, এমন-কি বিচান। তৈজসপত্র প্রভৃতি সমস্ত আমাকেই জোগাতে হত।

কিন্তু আধুনিক কালে এত উজান-পথে চলা সম্ভবপর নয়। কোনো-একটা ব্যবস্থা যদি এক জায়গায় থাকে এবং সমাজের অন্য জায়গায় তার কোনো সামঞ্জস্যই না থাকে তা হলে তাতে ক্ষতি হয় এবং সেটা টি কতে পারে না। সেইজন্তে এই বিদ্যালয়ের আকৃতি প্রকৃতি তখনকার চেয়ে এখন অনেক বদল হয়ে এসেছে। কিন্তু হলেও, সেই মূল জিনিসটা আছে। এখানে বালকেরা ঘতদূর সম্ভব মুক্তির স্বাদ পায়। আমাদের বাহি মুক্তির লীলাক্ষেত্র হচ্ছে বিশ্বপ্রকৃতি, সেই ক্ষেত্র এখানে প্রশস্ত।

তার পরে ইচ্ছা ছিল, এখানে শিক্ষার ভিত্তি দিয়ে ছেলেদের মনের দাসত্ব মোচন করব। কিন্তু শিক্ষাপ্রণালী

## বিশ্বভারতী

যে জালে আমাদের দেশকে আপাদমন্ত্রক বেঁধে ফেলেছে, তার থেকে একেবারে বেরিয়ে আসা শক্ত। দেশে বিদেশে শিক্ষার যে-সব সিংহদ্বার আছে আমাদের বিদ্যালয়ের পথ ধরি সেই দিকে পৌছে না দেয়, তা হলে কী জানি কী হয়, এই ভয়টা মনের ডিতর ছিল। পুরোপুরি সাহস করে উঠতে পারি নি, বিশেষত আমার শক্তি ও যৎসামান্য, অভিজ্ঞতাও তদ্রপ। সেইজন্যে এখানকার বিদ্যালয়টি ম্যাট্রিকুলেশন পরীক্ষার উপযুক্ত করে গড়ে তুলতে হয়েছিল। সেই গভীর মধ্যে যতটা পারি স্বাতন্ত্র্য রাখতে চেষ্টা করেছি। এই কারণেই আমাদের বিদ্যালয়কে বিশ্ববিদ্যালয়ের শাসনাধীনে আনতে পারি নি।

পূর্বেই বলেছি, সকল বড়ো দেশেই বিদ্যাশিক্ষার নিম্নতর লক্ষ্য ব্যাবহারিক সুযোগ-লাভ, উচ্চতর লক্ষ্য মানবজীবনের পূর্ণতা-সাধন। এই লক্ষ্য হতেই বিদ্যালয়ের স্বাভাবিক উৎপত্তি। আমাদের দেশের আধুনিক বিদ্যালয়গুলির সেই স্বাভাবিক উৎপত্তি নেই। বিদেশী বণিক ও রাজা তাদের সংকীর্ণ প্রয়োজন-সাধনের জন্য বাইরে থেকে এই বিদ্যালয়গুলি এখানে স্থাপন করেছিলেন। এমন-কি তখনকার কোনো কোনো পুরনো দপ্তরে দেখা যায়, প্রয়োজনের পরিমাণ ছাপিয়ে শিক্ষাদানের জন্যে শিক্ষককে কর্তৃপক্ষ তিরস্কার করেছেন।

তার পরে যদিচ অনেক বদল হয়ে এসেছে, তবু কৃপণ প্রয়োজনের দাসত্বের দাগা আমাদের দেশের সরকারি

## বিশ্বভারতী

শিক্ষার কপালে-পিঠে এখনও অঙ্গিত আছে। আমাদের অভাবের সঙ্গে অম্বচিন্তার সঙ্গে জড়িয়ে আছে বলেই এই বিদ্যাশিক্ষাকে ঘেমন করে হোক বহন করে চলেছি। এই ভয়ংকর অবর্দন্তি আছে বলেই শিক্ষাপ্রণালীতে আমরা স্বাতন্ত্র্য প্রকাশ করতে পারছি নে।

এই শিক্ষাপ্রণালীর সকলের চেয়ে সাংঘাতিক দোষ এই যে, এতে গোড়া থেকে ধরে নেওয়া হয়েছে যে আমরা নিঃস্ব। যা-কিছু সমস্তই আমাদের বাইরে থেকে নিতে হবে— আমাদের নিজের ঘরে শিক্ষার পৈতৃক মূলধন ধেন কানাকড়ি নেই। এতে কেবল যে শিক্ষা অসম্পূর্ণ থাকে তা নয়, আমাদের মনে একটা নিঃস্ব-ভাব জন্মায়। আত্মাভিমানের তাড়নায় যদি-বা মাঝে মাঝে সেই ভাবটাকে ঝেড়ে ফেলতে চেষ্টা করি, তা হলেও, সেটাও কেমনতরো বেস্ত্রো রকম আস্ফালনে আত্মপ্রকাশ করে। আজকালকার দিনে এই আস্ফালনে আমাদের আন্তরিক দীনতা কিছুই ঘোচে নি, কেবল সেই দীনতাটাকে হাস্তকর ও বিরক্তিকর করে তুলেছি।

যাই হোক, মনের দাসত্ব যদি ঘোচাতে চাই তা হলে আমাদের শিক্ষার এই দাসভাবটাকে ঘোচাতে হবে। আমাদের আশ্রমে শিক্ষার যদি সেই মুক্তি দিতে না পারি তা হলে এখানকার উদ্দেশ্য ব্যর্থ হয়ে যাবে।

কিছুকাল পূর্বে শ্রদ্ধাস্পদ পণ্ডিত বিধুশেখর শাস্ত্রী মহাশয়ের মনে একটি সংকল্পের উদয় হয়েছিল। আমাদের

## বিশ্বভারতী

টোলের চতুর্পাঠীতে কেবলমাত্র সংস্কৃত শিক্ষাই দেওয়া হয় এবং অন্য সকল শিক্ষাকে একেবারে অবস্থা করা হয়। তার ফলে সেখানকার ছাত্রদের শিক্ষা অসম্পূর্ণ থেকে যায়। আমাদের দেশের শিক্ষাকে মূল-আধ্যাত্মিক অবলম্বন করে তার উপর অন্য সকল শিক্ষার পত্তন করলে তবেই শিক্ষা সত্য ও সম্পূর্ণ হয়। জ্ঞানের আধারটিকে নিজের করে তার উপকরণ পৃথিবীর সর্বত্র হতে সংগ্রহ ও সঞ্চয় করতে হবে। শাস্ত্ৰীয়হাশয় তাঁর এই সংকলনটিকে কাজে পরিণত করতে প্রযুক্ত হয়েছিলেন। কিন্তু নানা বাধায় তখন তিনি তা পারেন নি। এই অধ্যবসায়ের টানে কিছুদিন তিনি আশ্রম ত্যাগ করে গিয়েছিলেন।

তার পর তাঁকে পুনরায় আশ্রমে আহ্বান করে আনা গেছে। এবার তাঁকে ক্লাস পড়ানো থেকে নিষ্ঠতি দিলুম। তিনি ভাষাতত্ত্বের চর্চায় প্রবৃত্ত রাইলেন। আমার মনে হল — এইরকম কাজই হচ্ছে শিক্ষার যজ্ঞক্ষেত্রে ষথাৰ্থ যোগ্য। যারা যথাৰ্থ শিক্ষার্থী তারা যদি এইরকম বিচার সাধকদের চারি দিকে সমবেত হন তা হলে তো ভালোই; আর যদি আমাদের দেশের কপাল-দোষে সমবেত না হন, তা হলেও এই যজ্ঞ ব্যৰ্থ হবে না। কথাৱ মানে এবং বিদেশের বাধা বুলি মুখ্য কৱিয়ে ছেলেদের তোতাপাথি করে তোলাৰ চেয়ে এ অনেক ভালো।

এমনি করে কাজ আৱস্থা হল। এই আমাদের বিশ্বভারতীৰ প্রথম বৌজৰপন।

## বিশ্বভারতী

বিশ-পঞ্চাশ লক্ষ টাকা কুড়িয়ে নিয়ে বিশ্ববিদ্যালয়  
পত্রন করবার সাধ্য আমাদের নেই। কিন্তু সেজন্তে  
হতাশ হতেও চাই নে। বীজের যদি প্রাণ থাকে তা  
হলে ধীরে ধীরে অঙ্গুলিত হয়ে আপনি বেড়ে উঠবে।  
সাধনার মধ্যে যদি সত্য থাকে তা হলে উপকরণের অভাবে  
ক্ষতি হবে না।

আমাদের আসনগুলি ভবে উঠেছে। সংস্কৃত পালি  
প্রাকৃতভাষা ও শাস্ত্র -অধ্যাপনার জন্য বিধুশেখর শাস্ত্রী  
মহাশয় একটিতে বসেছেন, আর-একটিতে আছেন সিংহলের  
মহাস্থবির ; ক্ষিতিমোহনবাবু সমাগত ; আর আছেন  
ভৌমশাস্ত্রী মহাশয়। ও দিকে এগুজের চারি দিকে ইংরেজি-  
সাহিত্যপিপাসুরা সমবেত। ভৌমশাস্ত্রী এবং দিনেন্দ্রনাথ  
সংগীতের অধ্যাপনার ভার নিয়েছেন, আর বিষ্ণুপুরের  
নকুলেশ্বর গোস্বামী তার স্বরবাহার নিয়ে এঁদের সঙ্গে  
যোগ দিতে আসছেন। শ্রীমান নন্দলাল বসু ও শ্রীরেন্দ্রনাথ  
কর চিত্রবিদ্যা শিক্ষা দিতে প্রস্তুত হয়েছেন। দূর দেশ  
হতেও তাদের ছাত্র এসে জুটছে। তা ছাড়া আমাদের  
যার যতটুকু সাধ্য আছে কিছু কিছু কাজ করতে প্রযুক্ত হব।  
আমাদের একজন বিহারী বন্ধু সত্ত্ব আসছেন। তিনি  
পারুসি ও উরুচি শিক্ষা দেবেন, ও ক্ষিতিমোহনবাবুর  
সহায়তার প্রাচীন হিন্দিসাহিত্যের চৰ্চা করবেন। মাঝে  
মাঝে অন্তর হতে অধ্যাপক এসে আমাদের উপদেশ দিয়ে  
যাবেন এমনও আশা আছে।

## বিশ্বভারতী

শিশু দুর্বল হয়েই পৃথিবীতে দেখা দেয়। সত্য  
যখন সেইরকম শিশুর বেশে আসে তখনই তার উপরে  
আস্থা স্থাপন করা ষাঠ। একেবারে দাঙ্গির্গোক-সূক্ষ্ম  
ষদি কেউ জন্মগ্রহণ করে তা হলে জানা ষাঠ সে একটা  
বিকৃতি। বিশ্বভারতী একটা মন্ত্র ভাব, কিন্তু সে অতি  
ছোটো দেহ নিয়ে আমাদের আশ্রমে উপস্থিত হয়েছে।  
কিন্তু ছোটোর ছদ্মবেশে বড়োর আগমন পৃথিবীতে প্রতি-  
দিনই ঘটে, অতএব আনন্দ করা ষাঠক, মনস্তশঙ্খ বেজে  
উঠুক। একাস্তমনে এই আশা করা ষাঠক যে, এই শিশু  
বিধাতার অমৃতভাণ্ডার থেকে অমৃত বহন করে এনেছে;  
সেই অমৃতই একে ভিতর থেকে বাঁচাবে, বাঢ়াবে, এবং  
আমাদেরও বাঁচাবে ও বাড়িয়ে তুলবে।

১৮ আবাচ ১৩২৬

শাস্তিনিকেতন

## বিশ্বভারতী

৩

আজ বিশ্বভারতী-পরিষদের প্রথম অধিবেশন। কিছু-  
দিন থেকে বিশ্বভারতীর এই বিদ্যালয়ের কাজ আরম্ভ  
হয়েছে। আজ সর্বসাধারণের হাতে তাকে সমর্পণ করে  
দেব। বিশ্বভারতীর ধারা হিতৈষীবৃন্দ ভারতের সর্বত্র ও  
ভারতের বাইরে আছেন, এর ভাবের সঙ্গে ধারের মনের  
মিল আছে, ধারা একে গ্রহণ করতে স্থিতি করবেন না,  
তাদেরই হাতে আজ একে সমর্পণ করে দেব।

আমাদের পরম সৌভাগ্য যে, হঠাৎ আজ আমাদের  
মধ্যে কয়েকজন হিতৈষী বক্ষু সমাগত হয়েছেন, ধারা দেশে  
ও দেশের বাইরে প্রতিষ্ঠা লাভ করেছেন। সকলে জানেন  
—আজ এখানে ডাক্তার ব্রজেন্দ্রনাথ শীল, ডাক্তার নীলগুপ্ত  
সরকার এবং ডাক্তার শিশিরকুমার মৈত্র উপস্থিত আছেন।  
আমাদের আরও সৌভাগ্য যে, সমুদ্রপার থেকে এখানে  
একজন মনীষী এসেছেন, ধার খ্যাতি সর্বত্র বিস্তৃত। আজ  
আমাদের কর্মে যোগদান করতে পরমসুজ্জন আচার্য সিলভ্য  
লেভি মহাশয় এসেছেন। আমাদের সৌভাগ্য যে, আমাদের  
এই প্রথম অধিবেশনে, যখন আমরা বিশ্বের সঙ্গে বিশ্ব-  
ভারতীর যোগসাধন করতে প্রবৃত্ত হয়েছি সেই সভাতে,  
আমরা একে পাশ্চাত্য দেশের প্রতিনিধি-কূপে পেয়েছি।  
ভারতবর্ষের চিন্তার সঙ্গে এর চিন্তার সম্বন্ধবন্ধন অনেক

## বিশ্বভারতী

দিন থেকে স্থাপিত হয়েছে। ভারতবর্ষের আতিথ্য তিনি আশ্রমে আমাদের মধ্যে লাভ করুন। যে-সকল শৃঙ্খল আজ এখানে উপস্থিত আছেন তারা আমাদের হাত থেকে এবং ভার গ্রহণ করুন। এই বিশ্বভারতীকে আমরা কিছুদিন লালনপালন করলুম, একে বিশ্বের হাতে সমর্পণ করবার এই সময় এসেছে। একে এঁরা প্রসম্ভচিতে গ্রহণ করুন, এবং সঙ্গে আপনার চিত্তের সম্বন্ধ স্থাপন করুন। এই কামনা নিয়ে আমি আচার্য শীল মহাশয়কে সকলের সম্মতিক্রমে বরণ করেছি ; তিনি সভাপতির আসন গ্রহণ করে কর্ম সম্পন্ন করুন, বিশ্বের প্রতিনিধিক্রমে আমাদের হাত থেকে একে গ্রহণ করে বিশ্বের সম্মুখে স্থাপন করুন। তিনি এ বিষয়ে যেমন করে বুঝবেন তেমন আর কেউ পারবেন না। তিনি উদার দৃষ্টিতে জ্ঞানরাজ্যকে দেখেছেন। কেবল অসাধারণ পাণ্ডিত্য থাকলেই তা হতে পারে না, কারণ অনেক সময়ে পাণ্ডিত্যের দ্বারা ভেদ-বুদ্ধি ঘটে। কিন্তু তিনি আত্মিক দৃষ্টিতে জ্ঞানরাজ্যের ভিতরের এক্যকে গ্রহণ করেছেন। আজকের দিনে তার চেয়ে বিশ্বভারতীকে গ্রহণ করবার ঘোগ্য আর কেউ নেই। আনন্দের সহিত তার হাতে একে সমর্পণ করছি। তিনি আমাদের হয়ে সকলের সামনে একে উপস্থিত করুন এবং তার চিত্তে যদি বাধা না থাকে তবে নিজে এতে স্থান গ্রহণ করুন, একে আপনার করে বিশ্বের সঙ্গে ঘোগ্যুক্ত করুন।

## বিশ্বভারতী

বিশ্বভারতীর মর্মের কথাটি আগে বলি, কারণ অনেকে হয়তো ভালো করে তা জানেন না। কয়েক বৎসর পূর্বে আমাদের পরমসুহৃদ বিশ্বশেখর শাস্ত্রী মহাশয়ের মনে সংকল্প হয়েছিল যে, আমাদের দেশে সংস্কৃতশিক্ষা যাকে বলা হয় তার অঙ্গুষ্ঠান ও প্রণালীর বিস্তারসাধন করা দরকার। তাঁর খুব ইচ্ছা হয়েছিল যে, আমাদের দেশে টোল ও চতুর্পাঠী রূপে ষে-সকল বিজ্ঞান আছে তার অধিকারকে প্রসারিত করতে হবে। তাঁর মনে হয়েছিল যে, ষে কালকে আশ্রয় করে এদের প্রতিষ্ঠা সে কালে এদের উপরোগিতার কোনো অভাব ছিল না। কিন্তু কালের পরিবর্তন হয়েছে। বর্তমানে গবর্নেন্টের দ্বারা ষে-সব বিজ্ঞান প্রতিষ্ঠিত হয়েছে সেগুলি এই দেশের নিজের স্থষ্টি নয়। কিন্তু আমাদের দেশের প্রকৃতির সঙ্গে আমাদের পুরাকালের এই বিজ্ঞানগুলির মিল আছে; এরা আমাদের নিজের স্থষ্টি। এখন কেবল দরকার এদের ভিতর দিয়ে নৃতন ঘুগের স্পন্দন, তার আঙ্গুষ্ঠান, প্রকাশ পাওয়া; না যদি পাও তো বুঝতে হবে তারা সাড়া দিচ্ছে না, মরে গেছে। এই সংকল্প মনে রেখে তিনি নিজের গ্রামে ঘান ; সে স্থূলে তাঁর সঙ্গে আমাদের সমস্ক তথনকার মতো বিযুক্ত হওয়াতে দুঃখিত হয়েছিলুম, যদিও আমি জ্ঞানতুম ষে ভিতরকার দিক দিয়ে সে সমস্ক বিছিন্ন হতে পারে না। তার পর নানা বাধায় তিনি গ্রামে চতুর্পাঠী স্থাপন করতে পারেন নি। তখন আমি তাঁকে আশ্বাস

## বিশ্বভারতী

দিলাম, তাঁর ইচ্ছাসাধন এখানেই হবে, এই স্থানই তাঁর প্রকৃষ্ট ক্ষেত্র। এমনিভাবে বিশ্বভারতীর আরম্ভ হল।

~ গাছের বীজ ক্রমে ক্রমে প্রাণের নিয়মে বিস্তৃতি লাভ করে। সে বিস্তার এমন করে ঘটে যে, সেই বীজের সীমাবর্ধনে তাকে আর ধরেই না। তেমনি প্রথমে যে শিক্ষার আয়তনকে মনে করেছিলাম দেশের প্রয়োজনের মধ্যেই অবকল্প থাকবে, ক্রমে তা বৃহৎ আকাশে মুক্তিলাভের চেষ্টা করতে লাগল। যে অঙ্গান সত্য তাঁর উপরে দাবি সমস্ত বিশ্বের; তাকে বিশেষ প্রয়োজনে খর্ব করতে চাইলে তাঁর সত্যতাকেই খর্ব করা হয়। এবার পশ্চিমে গিয়ে দেখেছি যে, পূর্ব-মহাদেশ কী সম্পদ দিতে পারে তা সকলে জানতে চাচ্ছে। আজ মানুষকে বেদনা পেতে হয়েছে। সে পুরাকালে যে আশ্রয়কে নির্মাণ করেছিল তাঁর ভিত্তি বিদীর্ণ হয়ে গেছে। তাতে করে মানুষের মনে হয়েছে, এ আশ্রয় তাঁর অভাবকে পূর্ণ করবার উপযোগী নয়। পশ্চিমের মনীষীরাও এ কথা বুঝতে পেরেছেন, এবং মানুষের সাধনা কোন্ পথে গেলে সে অভাব পূর্ণ হবে তাঁদের তা উপরকি করবার ইচ্ছা হয়েছে।

কোনো জাতি যদি স্বাজ্ঞাত্যের ঔন্ত্য-বশত আপন ধর্ম ও সম্পদকে একান্ত আপন বলে মনে করে তবে সেই অহংকারের প্রাচীর দিয়ে সে তাঁর সত্য সম্পদকে বেষ্টন করে রাখতে পারবে না। যদি সে তাঁর অহংকারের ধারা সত্যকে কেবলমাত্র স্বীকীয় করতে থায় তবে তাঁর সে সত্য

## বিশ্বভারতী

বিনষ্ট হয়ে যাবে। আজ পৃথিবীর সর্বত্র এই বিশ্ববোধ উদ্বৃক্ষ হতে যাচ্ছে। ভারতবর্ষে কি এই যুগের সাধনা স্থান পাবে না? আমরা কি এ কথাই বলব যে, মানবের বড়ো অভিপ্রায়কে দূরে রেখে ক্ষুদ্র অভিপ্রায় নিয়ে আমরা থাকতে চাই? তবে কি আমরা মানুষের যে গৌরব তার থেকে বঞ্চিত হব না? স্বজাতির অচল সীমানার মধ্যে আপনাকে সংকীর্ণভাবে উপলব্ধি করাই কি সবচেয়ে বড়ো গৌরব?

এই বিশ্বভারতী ভারতবর্ষের জিনিস হলোও একে সমস্ত মানবের তপস্তার ক্ষেত্র করতে হবে। কিন্তু আমাদের দেবার কী আছে। কল্যাণকূপী শিব তাঁর ভিক্ষার ঝুলি নিয়ে বেরিয়েছেন। সে ঝুলিতে কে কী দান করবে? শিব সমস্ত মানুষের কাছে সেই ঝুলি নিয়ে এসেছেন। আমাদের কি তাঁকে কিছু দেবার নেই? হ্যাঁ, আমাদের দেবার আছে—এই কথা ভেবেই কাজ করতে হবে। এইজন্যই ভারতের ক্ষেত্রে বিশ্বভারতীকে প্রতিষ্ঠিত করতে চাই।

৮ পৌষ ১৩২৮

শাস্তিনিকেতন



বিষ্ণু রামৈ পরিষদ সভার প্রতিষ্ঠা - উৎসব

মিলান্তা। লেভির কাস



## বিশ্বারতী

8

কোনো জিনিসের আরম্ভ কী করে হয় তা বলা যায় না। সেই আরম্ভকালটি অহস্তে আবৃত থাকে। আমি চলিশ বৎসর পর্যন্ত পদ্মার বোটে কাটিয়েছি, আমার প্রতিবেশী ছিল বালিচরের চক্রবাকের দল। তাদের মধ্যে বসে বসে আমি বই লিখেছি। হয়তো চিরকাল এই-ভাবেই কাটাতুম। কিন্তু মন হঠাৎ কেন বিদ্রোহী হল, কেন ভাবজগৎ থেকে কর্মজগতে প্রবেশ করলাম ?

আমি বাল্যকালের শিক্ষাব্যবস্থায় মনে বড়ো পীড়া অন্তর্ভুক্ত করেছি। সেই ব্যবস্থায় আমাকে এত ক্লেশ দিত আঘাত করত যে বড়ো হয়েও সে অন্যায় ভুলতে পারিনি। কারণ প্রকৃতির বক্ষ থেকে, মানবজীবনের সংস্পর্শ থেকে স্বতন্ত্র করে নিয়ে শিশুকে বিদ্যালয়ের কলের মধ্যে ফেলা হয়। তার অস্বাভাবিক পরিবেষ্টনের নিষ্পেষণে শিশুচিত্ত প্রতিদিন পীড়িত হতে থাকে। আমরা নর্মাল ইন্সুলে পড়তাম। সেটা ছিল মলিকদের বাড়ি। সেখানে গাছপালা নেই, মার্বেলের উঠান আর ইটের উচু দেওয়াল যেন আমার দিকে কটমট করে তাকিয়ে থাকত। আমরা, যাদের শিশুপ্রকৃতির মধ্যে প্রাণের উত্তম সতেজ ছিল, এতে বড়োই দুঃখ পেতাম। প্রকৃতির সাহচর্য থেকে দূরে থেকে আর মাস্টারদের সঙ্গে প্রাণগত ঘোগ থেকে

## বিশ্বভারতী

বঞ্চিত হয়ে আমাদের আস্থা যেন শুকিয়ে যেত। মাস্টারৱা  
সব আমাদের মনে বিভীষিকার স্থষ্টি করত।

প্রাণের সম্বন্ধ থেকে বিচ্ছিন্ন হয়ে এই-যে বিষ্ঠা শাভ  
করা যায় এটা কথনও জীবনের সঙ্গে অস্তরঙ্গ হয়ে উঠতে  
পারে না।

আমি এ বিষয়ে কথনও কথনও বক্তৃতাও দিয়েছিলেম।  
কিন্তু যখন দেখলাম যে আমার কথাগুলি শ্রতিমধুর কবিতা  
হিসাবে সকলে নিলেন এবং ধারা কথাটাকে মানলেন  
তারা এটাকে কাজে খাটাবার কোনো উৎসোগ করলেন  
না, তখন আমার ভাবকে কর্মের মধ্যে আকার দান  
করবার জন্য আমি নিজেই কৃতসংকল্প হলাম। আমার  
আকাঙ্ক্ষা হল, আমি ছেলেদের খুশি করব, প্রকৃতির  
গাছপালাই তাদের অন্তর্ম শিক্ষক হবে, জীবনের সহচর  
হবে— এমনি করে বিষ্ঠার একটি প্রাণনিকেতন নৌড় তৈরি  
করে তুলব।

তখন আমার ঘাড়ে মন্ত একটা দেনা ছিল; সে দেনা  
আমার সম্পূর্ণ স্বরূপ নয়, কিন্তু তার দায় আমারই একজার।  
দেনার পরিমাণ লক্ষ টাকারও অধিক ছিল। আমার  
এক পয়সার সম্পত্তি ছিল না, মাসিক বরাদ্দ অতি সামান্য।  
আমার বইয়ের কপিরাইট প্রতি আমার সাধ্যায়ত্ত  
সামগ্রী কিছু কিছু সওদা করে অসাধ্যসাধনে লেগে  
গেলাম। আমার ডাক দেশের কোথাও পৌছয় নি।  
কেবল ব্রহ্মবাদী উপাধ্যায়কে পাওয়া গিয়েছিল, তিনি

## বিশ্বভারতী

তথনও রাজনীতিক্ষেত্রে নামেন নি। ঠাঁর কাছে আমাৰ এই সংকল্প খুব ভালো লাগল, তিনি এখানে এলেন। কিন্তু তিনি জমবাৰ আগেই কাজ আৱস্থা কৰে দিয়েছিলাম। আমি পাঁচ-ছয়টি ছেলে নিয়ে জামগাছ-তলায় তাদেৱ পড়াতাম। আমাৰ নিজেৰ বেশি বিদ্যে ছিল না। কিন্তু আমি যা পাৰি তা কৰেছি। সেই ছেলে-কম্বটিকে নিয়ে বুস দিয়ে ভাব দিয়ে রামায়ণ মহাভাৰত পড়িয়েছি—তাদেৱ কাঁদিয়েছি হাসিয়েছি, ঘনিষ্ঠভাৱে তাদেৱ সঙ্গে যুক্ত থেকে তাদেৱ মানুষ কৰেছি।

এক সময়ে নিজেৰ অনভিজ্ঞতাৰ খেদে আমাৰ হঠাৎ মনে হল যে, একজন হেডমাস্টারেৰ নেহাত দৱকাৰ। কে যেন একজন লোকেৰ নাম কৰে বললে, ‘অমুক লোকটি একজন ওস্তাদ শিক্ষক, যাকে ঠাঁৰ পাশেৰ সোনাৰ কাঠি ছুঁইয়েছেন সেই পাশ হয়ে গেছে।’ — তিনি তো এলেন, কিন্তু কয়েক দিন সব দেখেননে বললেন, ‘ছেলেৰা গাছে চড়ে, চেঁচিয়ে কথা কয়, দৌড়্য, এ তো ভালো না।’ আমি বললাম, ‘দেখুন, আপনাৰ বয়সে তো কথনও তাৰা গাছে চড়বে না। এখন একটু চড়তেই দিন-না। গাছ যখন ডালপালা মেলেছে তখন সে মানুষকে ডাক দিছে। ওৱা ওতে চ'ড়ে পা ঝুলিয়ে থাকলই-ব।’ তিনি আমাৰ মতিগতি দেখে বিৱৰণ হলেন। মনে আছে, তিনি কিণ্ডাৰগাটেন-প্ৰণালীতে পড়াবাৰ চেষ্টা কৰতেন। তাল গোল, বেল গোল, মানুষেৰ মাথা গোল— ইত্যাদি সব

## বিশ্বভারতী

পাঠ শেখাতেন। তিনি ছিলেন পাশের ধূরস্কর পণ্ডিত, ম্যাট্রিকের কর্ণধার। কিন্তু এখানে তাঁর বনল না, তিনি বিদ্যায় নিলেন। তাঁর পর থেকে আর হেডমাস্টার রাখি নি।

এ সামাজিক ব্যাপার নয়, পৃথিবীতে অন্ত বিদ্যালয়েই ছেলেরা এত বেশি ছাড়া পেয়েছে। আমি এ নিয়ে মাস্টারদের সঙ্গে লড়াই করেছি। আমি ছেলেদের বললাম, ‘তোমরা আশ্রম-সশ্বিলনী করো, তোমাদের ভার তোমরা নাও।’ আমি কিছুতে আমার সংকল্প ত্যাগ করি নি— আমি ছেলেদের উপর জবরদস্তি হতে দিই নি। তাঁরা গান গায়, গাছে চড়ে, ছবি আঁকে, পরম্পরার সঙ্গে অন্তরঙ্গ ও বাধামুক্ত সম্বন্ধে যুক্ত হয়ে আছে।

এখানকার শিশুশিক্ষার আর-একটা দিক আছে। সেটা হচ্ছে— জীবনের গভীর ও মহৎ তাৎপর্য ছোটো ছেলেদের বুঝতে দেওয়া। আমাদের দেশের সাধনার মন্ত্র হচ্ছে, যা মহৎ তাতেই স্থথ, অন্তে স্থথ নেই। কিন্তু একা রাজনীতিই এখন সেই বড়ো মহত্ত্বের স্থান সমস্তাই জুড়ে বসে আছে। আমার কথা এই যে, সবচেয়ে বড়ো যে আদর্শ মানুষের আছে তা ছেলেদের জ্ঞানতে দিতে হবে। তাই আমরা এখানে সকালে সন্ধ্যায় আমাদের প্রাচীন তপোবনের মহৎ কোনো বাণী উচ্চারণ করি, স্থির হয়ে কিছুক্ষণ বসি। এতে আর-কিছু না হোক, একটা স্মীকারণোক্তি আছে। এই অনুষ্ঠানের দ্বারা ছোটো

## বিশ্বভারতী

চেলেরা একটা বড়ো জিনিসের ইশারা পায়। হয়তো তারা উপাসনায় বসে হাত-পা নাড়ছে, চঞ্চল হয়ে উঠছে, কিন্তু এই আসনে বসবার একটা গভীর তাৎপর্য দিনে দিনে তাদের মনের মধ্যে গিয়ে পৌছছে।

এখানে চেলেরা জীবনের আরম্ভকালকে বিচিত্র রূপে পূর্ণ করে নেবে, এই আমার অভিপ্রায় ছিল। প্রকৃতির সঙ্গে নিত্যযোগে গানে অভিনয়ে ছবিতে আনন্দরস আন্দাদনের নিত্যচর্চায় শিশুদের মগ্ন চৈতন্যে আনন্দের স্ফুতি সঞ্চিত হয়ে উঠবে, এইটকেই লক্ষ্য করে কাজ আরম্ভ করা গেল।

কিন্তু শুধু এটাকেই চরম লক্ষ্য বলে এই বিদ্যালয় স্বীকার করে নেয় নি। এই বিদ্যালয় প্রতিষ্ঠিত করবার আমার প্রথম উদ্দেশ্য ছিল, বাঙালির চেলেরা এখানে মাঝুষ হবে, কৃপে রূপে গক্ষে বর্ণে চিত্রে সংগীতে তাদের জুন্য শতদলপন্থের মতো আনন্দে বিকশিত হয়ে উঠবে। কিন্তু আমার মনের পরিণতির সঙ্গে সঙ্গে এর উদ্দেশ্যও গভীরতর হল। এখানকার এই বাঙালির চেলেরা তাদের কলহাস্ত্রের দ্বারা আমার মনে একটি ব্যাকুল চঞ্চলতার স্থষ্টি করল। আমি স্বৰ্ক হয়ে বসে এদের আনন্দপূর্ণ কঠস্বর শুনেছি। দূর থেকে তাদের দিকে তাকিয়ে থাকতে থাকতে আমার মনে হয়েছে যে, এই আনন্দ, এ যে নিখিল মানবচিত্ত থেকে বিনিঃস্ত অমৃত-উৎসের একটি ধারা। আমি এই শিশুদের মধ্যে সেই স্পর্শ পেয়েছি।

## বিশ্বভাষাবৃত্তি

বিশ্বচিত্রের বহুভূরার সমস্ত মানবসম্প্রদান যেখানে আনন্দিত হচ্ছে সেই বিরাট ক্ষেত্রে আমি হৃদয়কে বিস্তৃত করে দিয়েছি। যেখানে মানুষের বৃহৎ প্রাণময় তীর্থ আছে, যেখানে প্রতিদিন মানুষের ইতিহাস গড়ে উঠছে, সেখানে আমার মন যাত্রা করেছে। পঞ্চাশ বছর পর্যন্ত ইংরেজি লিখি নি, ইংরেজি যে ভালো করে জানি তা ধারণা ছিল না। মাতৃভাষাই তখন আমার সম্মল ছিল। যখন ইংরেজি চিঠি লিখতাম তখন অজিত বা আর-কাউকে দিয়ে লিখিয়েছি। আমি তেরো বছর পর্যন্ত ইন্ডুলে পড়েছি, তার পর থেকে পলাতক ছাত্র। পঞ্চাশ বছর বয়সের সময় যখন আমি আমার লেখার অনুবাদ করতে প্রবৃত্ত হলাম তখন গীতাঞ্জলির গানে আমার মনে ভাবের একটা উদ্বোধন হয়েছিল বলে সেই গানগুলিই অনুবাদ করলাম। সেই তর্জনির বই আমার পশ্চিম-মহাদেশ-যাত্রার যথার্থ পাথেয়স্থরূপ হল। দৈবক্রমে আমার দেশের বাইরেকার পৃথিবীতে আমার স্থান হল, ইচ্ছা করে নয়। এই সম্মানের সঙ্গে সঙ্গে আমার দায়িত্ব বেড়ে গেল।

যতক্ষণ বৌজি বৌজই থাকে ততক্ষণ সে নিজের মধ্যেই থাকে। তার পরে যখন অঙ্গুরিত হয়ে বৃক্ষরূপে আকাশে বিস্তৃতি লাভ করে তখন সে বিশ্বের জিনিস হয়। এই বিশ্বালয় বাংলার এক প্রান্তে কয়েকটি বাঙালির ছেলে নিয়ে তার ক্ষুদ্র সামর্থ্যের মধ্যে কোণ আঁকড়ে পড়ে ছিল। কিন্তু সব সঙ্গীব পদার্থের মতো তার অন্তরে পরিণতির

## বিশ্বভারতী

একটা সময় এল। তখন সে আর একান্ত সীমাবদ্ধ মাটির  
জিনিস রইল না, তখন সে উপরের আকাশে মাথা  
তুলল, বড়ো পৃথিবীর সঙ্গে তার অন্তরের ষোগসাধন হল;  
বিশ্ব তাকে আপন বলে দাবি করল।

আধুনিক কালের পৃথিবীর ভৌগোলিক সীমা ডেঙে  
গেছে, মানুষ পরস্পরের নিকটতর হয়েছে, এই সত্যকে  
আমাদের গ্রহণ করতে হবে। মানুষের এই মিলনের  
ভিত্তি হবে প্রেম, বিদ্বেষ নয়। মানুষ বিষয়ব্যবহারে আজ  
পরস্পরকে পীড়ন করছে, বঞ্চিত করছে, এ কথা আমি  
অস্বীকার করছি না। কিন্তু সত্যসাধনায় পূর্ব-পশ্চিম নেই।  
বুদ্ধদেবের শিক্ষা ভারতবর্ষের মাটিতে উত্তৃত হয়ে চীনদেশে  
গিয়ে মানবচিত্তকে আঘাত করল এবং ক্রমে সমস্ত এশিয়াকে  
অধিকার করল। চিরস্তন সত্যের মধ্যে পূর্ব-পশ্চিমের  
ভেদ নেই। এই বিশ্বভারতীতে সেই সত্যসাধনার ক্ষেত্রকে  
আমার গড়ে তুলতে হবে। পৃথিবীর সঙ্গে আমাদের  
দেওয়া-নেওয়ার সম্বন্ধ স্থাপিত হওয়া দরকার। আমরা  
এতদিন পর্যন্ত ইংরেজি বিশ্ববিদ্যালয়ের ‘স্কুলবয়’ ছিলাম,  
কেবলই পশ্চিমের কাছে হাত পেতে পাঠ শিখে নিয়েছি।  
কিন্তু পশ্চিমের সঙ্গে আমাদের আদানপ্রদানের সম্বন্ধ  
হয় নি। সাহসপূর্বক যুরোপকে আমি আমাদের শিক্ষা-  
কেন্দ্রে আমন্ত্রণ করে এসেছি। এখানে এইরূপে সত্যসম্মিলন  
হবে, জ্ঞানের তীর্থক্ষেত্র গড়ে উঠবে। আমরা বাণীভূতি-  
ক্ষেত্রে খুব মৌখিক বড়াই করে থাকি, কিন্তু অন্তরে

## বিশ্বভারতী

আমাদের আত্মবিশ্বাস নেই, যথেষ্ট দীনতা আছে। যেখানে মনের গ্রিষ্ঠরের প্রকৃত গ্রাচুর্য আছে সেখানে কার্পণ্য সম্ভবপুর হয় না। আপন সম্পদের প্রতি যে জাতির যথার্থ আশা ও বিশ্বাস আছে অন্তর্কে বিতরণ করতে তার সংকোচ হয় না, সে পরকে ডেকে বিলোতে চায়। আমাদের দেশে তাই গুরুর কঠে এই আহ্বানবাণী এক সময় ঘোষিত হয়েছিল— আয়স্ত সর্বতঃ স্বাহা।

আমরা সকলের থেকে দূরে বিচ্ছিন্ন হয়ে বিদ্যার নির্জন কারাবাসে ঝুঁক হয়ে থাকতে চাই। কারারক্ষী যা দয়া করে থেতে দেবে তাই নিয়ে টিঁকে থাকবার মতলব করেছি। এই বিচ্ছিন্নতার থেকে ভারতবর্ষকে মুক্তিদান করা সহজ ব্যাপার নয়। সেবা করবার ও সেবা আদায় করবার, দান করবার ও দান গ্রহণ করবার সম্বন্ধকে আমাদের তৈরি করে তুলতে হবে। বিশ্বের জ্ঞানজগৎ থেকে ভারতবর্ষ একঘরে হয়ে আছে, তাকে শিক্ষার ছিটে-ফোটা দিয়ে চিরকেলে পাঠশালার পোড়ো করে রাখা হয়েছে। আমরা পৃথিবীর জ্ঞানধারার সঙ্গে যুক্ত হয়ে এই আধ্যাত্মিক ও বৃক্ষিগত অবমাননা থেকে মুক্তি পেতে চাই।

ভারতবর্ষ তার আপন মনকে জ্ঞানুক এবং আধুনিক সকল শাস্ত্রনা থেকে উদ্ধার লাভ করুক। রামানুজ শংকরাচার্য বৃক্ষদেব প্রভৃতি বড়ো বড়ো মনীষীরা ভারতবর্ষে বিশ্বসম্ম্বাদ যে সমাধান করবার চেষ্টা করেছিলেন তা

## বিশ্বভারতী

আমাদের জ্ঞানতে হবে। জোরাপ্তেরীয় ইসলাম প্রভৃতি  
এশিয়ার বড়ো বড়ো শিক্ষাসাধনার সঙ্গে পরিচিত হতে  
হবে। ভারতবর্ষের কেবল হিন্দুচিত্তকে স্বীকার করলে  
চলবে না। ভারতবর্ষের সাহিত্য শিল্পকলা স্থপতিবিজ্ঞান  
প্রভৃতিতেও হিন্দুমুসলমানের সংমিশ্রণে বিচিত্র স্থষ্টি জেগে  
উঠেছে। তাই পরিচয়ে ভারতবর্ষীয়ের পূর্ণ পরিচয়।  
সেই পরিচয় পাবার উপযুক্ত কোনো শিক্ষাস্থানের প্রতিষ্ঠা  
হয় নি বলেই তো আমাদের শিক্ষা অসম্পূর্ণ ও দুর্বল।

ভারতের বিরাট সত্তা বিচিত্রকে আপনার মধ্যে একত্র  
সম্মিলিত করবার চেষ্টা করছে। তার সেই তপস্থাকে  
উপলক্ষি করবার একটা সাধনক্ষেত্র আমাদের চাই তো।  
বিশ্বভারতীতে সেই কাজটি হতে পারে। বিশ্বের হাটে  
যদি আমাদের বিদ্যার যাচাই না হয় তবে আমাদের জ্ঞান  
সম্পূর্ণ হল না। ঘরের কোণে বসে আহুয়স্বজনে বৈঠকে  
যে অহংকার নিবিড় হতে থাকে সেটা সত্য পদ্মাৰ্থ নয়।  
মানুষের জ্ঞানচর্চার বৃহৎ ক্ষেত্রের সঙ্গে যোগ হলেই তবে  
আমাদের বিদ্যার সার্থকতা হবে। বিশ্বভারতীর এই লক্ষ্য  
সার্থক হোক।

২০ ফাল্গুন ১৩২৮

শাস্তিনিকেতন

## বিশ্বভারতী

৫

আপনারা যারা আজ এখানে সমবেত হয়েছেন, আপনাদের  
সকলের সঙ্গে ক্রমশ আমাদের যোগ ঘনিষ্ঠ হবে, সাক্ষাৎসম্বন্ধ  
স্থাপিত হবে। বিশ্বভারতীর ভিতরকার আদর্শ ক্রমে  
দিনে দিনে আপনাদের কাছে পরিষ্কৃট হবে। বিশ্বভারতীর  
সব প্রতিষ্ঠানগুলি যেমন যেমন জেগে উঠতে থাকবে তেমন  
তেমন তার মধ্য দিয়ে এর ভিতরকার ক্লপটি আপনাদের  
কাছে জাগতে থাকবে। বাইরে থেকে এ সম্বন্ধে কথা  
বলতে কুণ্ঠা বোধ হয়, কারণ ভিতরের বড়ো আইডিয়ালকে  
বাইরে আকার দান করতে গেলে দুইয়ের মধ্যে অসামঞ্জস্য  
থেকে যাবেই। বাইরের অস্পূর্ণতার সঙ্গে কোনো আই-  
ডিয়ালের ভিতরের মহস্তের মধ্যকার ব্যবধান যখন চোখে  
পড়ে তখন গোড়াকার বাক্যাড়ম্বরের পরে তা অনেকের  
কাছে হতাশার ও লজ্জার কারণ হয়। আইডিয়ালকে  
প্রকাশ করে তোলা কারও একলাই সাধ্য নয়, কারণ তা দু-  
একজনের বিশেষ সময়কার কর্ম নয়। প্রথমে যে অনুধাবনায়  
আরম্ভ হয় সেই প্রথম ধাক্কাই তার যথার্থ পরিচয় নয়।  
হৃদয় কর্ম ও জীবন দিয়ে নানা কর্মীর সহায়তায় তা  
ফুটে উঠতে থাকে। তার প্রথমকার চেহারা ভিতরকার  
সেই সত্যটিকে যথার্থ ব্যক্ত করতে পারে না। এইজন্তই  
এই প্রতিষ্ঠান সম্বন্ধে কিছু বলতে আমি কৃত্তিত হই।

## বিশ্বভারতী

বিশ্বভারতী যে ভাব ও আদর্শকে পোষণ করছে, যে পূর্ণসত্যটিকে অন্তরে ধারণ করে রয়েছে, তা বাইরে থেকে সমাগত অতিথিরা এবং এর কর্মভারপ্রাপ্ত ব্যক্তিরা অনেকে নানা অসম্পূর্ণতার মধ্য দিয়েও গ্রহণ করেছেন ও শুন্ধা করেছেন। এতে আমাদের উৎসাহের সঞ্চার হয়েছে। স্বদেশের সকলের সঙ্গে এর যথার্থ আন্তরিক সম্বন্ধ স্থাপিত হয় নি। এমনকি এই প্রতিষ্ঠানের সঙ্গে যাঁরা যুক্ত হয়ে রয়েছেন তাঁরাও অনেকে ভিতরের সত্যমূর্তিটিকে না দেখে এর পক্ষতি অহুষ্ঠান উপকরণ-সংগ্রহ প্রভৃতি বাহুন্দপটিকে দেখেছেন, সেখানে আপনার অধিকার নিয়ে আক্ষেপ করছেন। এর কারণ হচ্ছে যে, আমি যে ভাবটিকে প্রকাশ করতে চাই বর্তমান কালে সকলের চিত্ত সে দিকে নেই। তাঁরা কতকগুলি আকস্মিক ও আধুনিক চেষ্টায় নিযুক্ত আছেন, বড়ো প্রয়োজনের সমাদর করতে তাঁদের মন চাচ্ছে না। কিন্তু হয়তো আমার নিজের অক্ষমতা ও দুর্ভাগ্য এর কারণ হতে পারে। হয়তো আমার নিজের জীবনের যা লক্ষ্য অন্তরের কাছ থেকে তার স্বীকৃতি পাবার আমার শক্তি নেই। যার ডাক পড়ে, যার আপনার থেকে আদেশ আসে তারই তাতে গরজ আর দায়িত্ব আছে। যদি সে তার জীবনের উদ্দেশ্য সকলের কাছে এমন করে না ধরতে পারে ষাতে করে তা অপরের গ্রহণযোগ্য হয় তবে তারই নিজের অক্ষমতা প্রকাশ পায়। হয়তো আমারই চরিত্রের এমন অসম্পূর্ণতা আছে ষাতে

## বিশ্বভারতী

আমাৱ আপনাৱ কৰ্ম দেশেৱ কৰ্ম হয়ে উঠতে পাৱছে ন। কিন্তু আমাৱ আশা আছে যে, সমস্তই নিষ্ফল হয় নি। কাৰণ প্ৰতিষ্ঠানটিকে তো শুধু আমাৱ একলাৱ জিনিস বলতে পাৱি ন। সেখানে যাৱা মিলিত হয়েছে তাৰেৱ ধাৰা। স্বজ্ঞনকাৰ্য নিৱন্ত্ৰণ চলেছে। সেখানে দিনে দিনে যে আবহাওয়া তৈৱি হয়ে উঠছে, প্ৰতি শিখটি পৰ্যন্ত তাৰেৱ অবকাশমুখৰিত সংগীত অভিনয় কলহাস্ত্রেৱ ধাৰাও তাৱ সহায়তা কৱছে। প্ৰত্যেকটি শিখ প্ৰত্যেকটি ছাত্ৰ ও অধ্যাপক না বুঝেও অগোচৰে সত্যসাধনায় সহযোগিতা কৱছেন। তাদেৱ ধাৰা ষেটুকু কৰ্ম পৱিব্যক্ত হচ্ছে তাৱ উপৱ আমাৱ 'বিশ্বাস' আছে; আশা আছে যে, একদিন এৱ বৌজ নিঃসন্দেহ পৱিপূৰ্ণ বৃক্ষ-কূপে উপৱেৱ আকাশে মাথা তুলবে।

আমাৱ মনে হয়েছে যে, আমাৰে এই প্ৰদেশবাসীদেৱ মধ্যে যেসব ছাত্ৰেৱ উৎসাহ ও কৌতুহল আছে তাৱা কেন এই বৃক্ষেৱ ফল ভোগ কৱবে ন। বিশ্বভারতীতে আমৱা যে চিন্তা কৱছি, যে সত্য সন্ধান কৱছি সেখানে স্বদেশী ও বিদেশী পণ্ডিতেৱা যে তত্ত্বালোচনায় ব্যাপৃত আছেন, তাৱা যা-কিছু দিছেন, ছোটো জ্ঞানগায় সেই উৎপন্ন পদাৰ্থেৱ নিঃশেষ হয়ে গেলে তাৱ অপব্যয় হবে। তা অল্প পৱিধিতে বদ্ধ থাকলে তাতে সকলেৱ গ্ৰহণ কৱিবাৱ সুযোগ হয় ন। যদিচ শাস্ত্ৰনিকেতনই আমাৱ কেন্দ্ৰস্থল তবুও সেখানে যাৱা সমাগত হবে যাৰে

## বিশ্বভারতী

হাতে কলমে কাজ করাতে হবে তারাই যে শুধু আই-ডিয়াল গ্রহণ করবার যথার্থ যোগ্য তা তো নয়। তাই আমার মনে হয়েছে এবং অনেক ছাত্র ও ছাত্রবন্ধুরা আমাকে বলেছেন যে, বিশ্বভারতীতে যে স্ফটি হচ্ছে, যে সত্য আবিষ্কৃত হচ্ছে, তা যাতে কলকাতার ছাত্রমণ্ডলীও জানতে পারে, যাতে তারাও উপলব্ধি করতে পারে যে, সেখানে জীবনের সাধনা হচ্ছে, শুধু পুর্খিগত বিদ্যার চর্চা হচ্ছে না, সেজন্য সংগীত শিল্প সাহিত্যের নানা অঙ্গসমূহের মধ্য দিয়ে তার পরিচয়ের ব্যবস্থা করা উচিত। আমি এই প্রস্তাবে সম্মত হয়েছিলুম, কিন্তু অতি সসংকোচে; কারণ দেশের ছাত্রদের সঙ্গে আমার তেমন পরিচয় নেই। তব্য হয়েছিল যে, যে লোকেরা এত কাল এত ভুল বুঝে এসেছে হয়তো তারা বিদ্রূপ করবে। বড়ো আইডিয়ালকে নিয়ে বিদ্রূপ করার মতো এত সহজ জিনিস আর নেই। যে খুব ছোটো সেও কোনো বড়ো জিনিসে ধূলো দিতে পারে, তাকে বিকৃত করতে পারে।

এই আইডিয়ালের সঙ্গে এখনকার কালের যোগ নেই, এই কথা অন্তর্ভুক্ত করেছিলাম বলেই আমি বিশ বছর পর্যন্ত নিভৃত কোণে ছিলুম। এত গোপনে আমার কাজ করে গেছি যে, আমার পরমাত্মায়েরাও জানেন নি, বোঝেন নি। আমি কৌ লক্ষ্য নিয়ে কেন অনুসব কাজ ছেড়ে দিয়ে অবকাশ ত্যাগ করে কোন্ ডাকে কোন্ আনন্দে এই কাজে লিপ্ত হয়েছি আমার সহকর্মীরাও অনেকে তা

## বিশ্বভারতী

পুরোপুরি জানে না। তৎসত্ত্বে আমি আমার বিদ্যালয়ের ছেলেদের মধ্যে যে আনন্দের ছবি, যে স্বাধীন বিকাশের প্রমাণ পেয়েছি তাতে নিশ্চিত জেনেছি যে, এরা এখান থেকে কিছু পেয়েছে। এইসকল কারণেই আমি এতদিন বাহিরে বেরিয়ে আসি নি।

বিশ্বভারতীকে দুইভাবে দেখা যেতে পারে— প্রথম হচ্ছে শান্তিনিকেতনে তার যে কাজ হচ্ছে সেই কাজের দায়িত্ব গ্রহণ করা ; দ্বিতীয়ত শান্তিনিকেতনের কর্মানুষ্ঠানের ফল বাহিরে থেকে ভোগ করা, তার সঙ্গে বাহিরে থেকে যুক্ত হওয়া। বিশ্বভারতীর আইডিয়ালের সঙ্গে যার সহানুভূতি আছে তিনি সেই প্রতিষ্ঠানের সভ্য হয়ে তার আদর্শ-পোষণের ভার নিতে পারেন। তিনি তার জন্ম চিন্তা করবেন, চেষ্টা করে গড়ে তুলবেন, তাকে আঘাত থেকে রক্ষা করবেন। এটা হল এর দায়িত্বের দিক এবং আভীয়-সমাজের লোকদের কাজ। এর জন্ম বিশ্বভারতীর দ্বারা উদ্ঘাটিত রয়েছে। কিন্তু লোকে তো এ কথা বলতে পারে যে, আমাদের এসব ভালো লাগে না, বিদেশ থেকে কেন এসব অধ্যাপকদের আনানো ; ভারতবর্ষ তো আপনার পরিধির মধ্যেই বেশ ছিল। যারা এ কথা বলেন তাদের সঙ্গেও আমাদের কোনো বাদপ্রতিবাদ নেই। তারা এই প্রতিকূলতা সত্ত্বেও কলকাতার এই ‘বিশ্বভারতী সমিলনী’র সভ্য হতে পারেন, তাতে কারও আপত্তি নেই। যদি আমরা কিছু গান সংগ্রহ করে আনি তবে তারা যে তা

## বিশ্বভারতী

শুনবেন না এমন ক্ষেনো কথা নেই, কিন্তু আমাদের  
ষদি কিছু বলবার থাকে তবে তাও ঠারা শুনতে  
আসতে পারেন— এই ষেমন ক্ষিতিমোহনবাবু সেদিন  
কবীর সংস্কৃত বললেন, বা আজ যে আচার্য লেভির  
বিদায়ের পূর্বে ঠাকে সম্মধন করা হল। এই পণ্ডিত  
বিদেশী হলেও তো একে বিশেষ কোনো দেশের লোক  
বলা চলে না— ইনি আমাদের আপনার লোক হয়ে গেছেন,  
আমাদের দেশকে গভীরভাবে হৃদয়ে গ্রহণ করেছেন।  
এর সঙ্গে যে পরিচয়সাধন হল এতে করে তো কেউ  
কোনো আঘাত পান নি।

বর্তমান যুগে ইতিহাস হঠাৎ যেন নতুন দিকে বাঁক  
নেবার চেষ্টা করছে। কেন? আপনার জাতির একান্ত  
উৎকর্ষের জন্য যারা নিয়ত চেষ্টা করছে হঠাৎ তাদের মধ্যে  
মূষ্টলপর্ব কেন দেখা দিলে? পূর্বে বলেছি, মানুষের সত্য  
হচ্ছে, আপনাকে অনেকের মধ্যে লাভ করলে তবেই সে  
আপনাকে লাভ করে। এতদিন ছোটো সীমার মধ্যে  
এই সত্য কাজ করছিল। ভৌগোলিক বেষ্টন যতদিন  
পর্যন্ত সত্য ছিল ততদিন সেই বেষ্টনের মধ্যে প্রত্যেক  
ব্যক্তি আপনার জাতির সকলের সঙ্গে মিলনে নিজেকে  
সত্য বলে অনুভব করার দ্বারা বড়ো হয়েছে। কিন্তু  
বর্তমান যুগে সে বড়ো ভেঙে গেছে; জলে স্থলে দেশে  
দেশে যেসকল বাধা মানুষকে বাহির থেকে বিভক্ত করেছিল  
সেসব ক্রমশ অপসারিত হচ্ছে। আজ আকাশপথে

## বিশ্বভারতী

পর্যন্ত মানুষ চলাচল করছে। আকাশযানের উৎকর্ষ ক্রমে  
ঘটবে, তখন পৃথিবীর সমস্ত স্থুল বাধা মানুষ ডিঙিয়ে চলে  
যাবে, দেশগত সীমানার কোনো অর্থই থাকবে না।

ভূগোলের সীমা ক্ষীণ হয়ে মানুষ পরস্পরের কাছে  
এসে দাঙিয়েছে। কিন্তু এতবড়ো সত্যটা আজও বাহিরের  
সত্য হয়েই রইল, মনের ভিতরে এ সত্য স্থান পেলে না।  
পুরাতন যুগের অভ্যাস আজও তাকে জড়িয়ে আছে, সে  
যে-সাধনার পাথেয় নিয়ে পথে চলতে চায় তা অতীত  
যুগের জিনিস ; স্বতরাং তা বর্তমান যুগের সামনের পথে  
চলবার প্রতিকূলতা করতে থাকবে।

বর্তমান যুগে যে-সত্যের আবির্ভাব হয়েছে তার কাছে  
সত্যভাবে না গেলে মার খেতে হবে। তাই আজ  
মারামারি বেধেছে— নানা জাতির মিলনের ক্ষেত্রেও  
আনন্দ নেই, শান্তি নেই। কাটাকাটি মারামারি সন্দেহ  
হিংসা যে পুঁজীভূত হয়ে উঠছে তাতেই বুঝছি যে, সত্যের  
সাধনা হচ্ছে না। যে সত্য আজ মানবসমাজবারে অতিথি  
তাঁর অভ্যর্থনার সাধন। বিশ্বভারতী গ্রহণ করেছে।

দারিদ্র্য যতই হোক, বাহিরে থেকে দুর্গতি তাঁর যতই  
হোক, এই ভার নেবার অধিকার ভারতবর্ষের আছে।  
এ কথা আজ বোলো না, ‘তুমি দারিদ্র পরাধীন, তোমার  
মুখে এসব কথা কেন?’ আমাদেরই তো এই কথা।  
ধনের গৌরব তো এ সত্যকে স্বীকার করতে চায় না।  
ধনসম্পদ তো ভেদ সৃষ্টি করে, সত্যসম্পদই ভেদকে

## বিশ্বভারতী

অতিক্রম করবার শক্তি রাখে। ধনকে যে মানুষ চরম  
আশ্রয় বলে বিশ্বাস করে না, যে মৈত্রেয়ীর মতো বলতে  
পেরেছে, যেনাহং নাম্নতাস্মাম্ কিমহং তেন কুর্যাম্, সেই  
তো ধনঞ্জয়, সেই তো ধনের বেড়া ভেঙে মানবাদ্বার  
অধিকারকে সর্বত্র উদ্ঘাটিত করতে পারে। সেই  
অধিকারকে বিশ্বভারতী স্বীকার করুক। দেশবিদেশের  
তাপস এই বিশ্বভারতীতে আসন গ্রহণ করুন। আয়ন্ত  
সর্বতঃ স্বাহা, এই কথা আমরা আশ্রমে বসে বলব। ভারতবর্ষ  
আধ্যাত্মিক ঐক্যসাধনার যে তপস্থা করেছেন সেই  
তপস্থাকে এই আধুনিক যুগের মধ্যে প্রতিষ্ঠিত করতে  
পারলে তবেই আমাদের সমস্ত অগোরব দূর হবে—  
বাণিজ্য করে নয়, লড়াই করে নয়, সত্যকে স্বীকার করার  
স্বারাই তা হবে। মনুষ্যত্বের সেই পূর্ণগৌরবসাধনের  
আয়োজনে বিশ্বভারতী আজ হতে নিযুক্ত হোক, এই  
আমাদের সংকল্প।

১ ভাস্তু ?, ১৩২৯

কলিকাতা

## বিশ্বভারতী

৬

বিশ্বভারতী সম্বন্ধে একটা কথা মনে রাখতে হবে যে, আমার মনে এর ভাবটি সংকল্পটি কোনো একটি বিশেষ সময়ে যে ভেবেচিষ্টে উদ্দিত হয়েছে এমন নয়। এই সংকল্পের বীজ আমার মগ্ন চৈতন্যের মধ্যে নিহিত ছিল, তা ক্রমে অগোচরে অঙ্কুরিত হয়ে জেগে উঠেছে। এর কারণ আমার নিজের জীবনের মধ্যেই রয়েছে। বাল্যকাল থেকে আমি যে জীবন অতিবাহিত করে এসেছি তার ভিতর থেকে এই প্রতিষ্ঠানের আদর্শটি জাগ্রত হয়ে উঠেছে।

আপনারা জানেন যে, আমি যথোচিতভাবে বিজ্ঞাশিক্ষার ব্যবস্থার সঙ্গে যোগ রক্ষা করে চলি নি। আমার পরিবারে আমি যে ভাবে মানুষ হয়েছি তাতে করে আমাকে সংসার থেকে দূরে নিয়ে গিয়েছিল, আমি একান্তবাসী ছিলাম। মানবসমাজের সঙ্গে আমার বাল্যকাল থেকে ঘনিষ্ঠ যোগ ছিল না, আমি তার প্রাণে মানুষ হয়েছি। ‘জীবনশূন্তি’তে এর বিবরণ পড়ে থাকবেন। আমি সমাজের থেকে দূরে বাস করতুম বলে তার দিকে বাতায়নের পথ দিয়ে দৃষ্টিপাত করেছি। তাই আমার কাছে দূরের দুর্লভ জিনিসের প্রতি আকর্ষণ খুব গভীর ছিল। কলকাতা শহরে আমার বাস ছিল, কাজেই ইটকাঠপাথরের মধ্যে আমার গতিবিধি সংকীর্ণ সীমায় আবদ্ধ ছিল। আমাদের চারি দিকেই

## বিশ্বভারতী

বাড়িগুলি মাথা তুলে থাকত, আর তাদের মাঝখানে অল্প পরিধির মধ্যে সামান্য কয়েকটি গাছপালা আর একটি পুকুরণী ছিল। কিন্তু দূরে আমাদের পাড়ার বাইরে বেশি বড়ো বাড়ি ছিল না, একটু পাড়াগাঁা গোছের ভাব ছিল।

সে সময় আমাকে বাইরের প্রকৃতি ডাক দিয়েছিল। মনে আছে মধ্যাহ্নে লুকিয়ে একলা ছাদের কোণটি গ্রহণ করতুম। উন্মুক্ত নৌলাকাশ, চিলের ডাক, আর পাড়ার গলির জনতার বিচ্চির ছোটো ছোটো কল্ঘবনির মধ্য দিয়ে বাড়ির ছাদের উপর থেকে যে জীবনযাত্রার খণ্ড খণ্ড ছবি পেতুম তা আমার হৃদয়কে আলোড়িত করেছিল। এর মধ্যে মানবপ্রকৃতিরও একটা ডাক ছিল। দূর থেকে কথনও-বা লোকালয়ের উপর রাত্রের ঘুম-পাড়ানো স্বর, কথনও-বা প্রভাতের ঘুম-জাগানো গান, আর উৎসব-কোলাহলের নানারকম ধ্বনি আমার হৃদয়কে উতলা করে দিয়েছিল। বর্ষার নবমেষাগমে আকাশের লীলাবৈচিত্র্য আর শরতের শিশিরে ছোটো বাগানটিতে ঘাস ও নারিকেল-রাজির ঝলমলানি আমার কাছে অপূর্ব হয়ে দেখা দিত। মনে আছে অতি প্রত্যুষে সূর্যোদয়ের আবির্ভাবের সঙ্গে তাল রাখবার জন্য তাড়াতাড়ি উঠে পড়ে তার অপেক্ষা করেছি। সকালের সেই শিশিরের উপর সোনার আলো আমার হৃদয়ে নিবিড় গভীর আনন্দবেদনার সঞ্চার করেছে। বিশ্বজগৎ যেন আমাকে বার বার করে আহ্বান করে বলেছে, ‘তুমি আমার আপনার। আমার মধ্যে যে সত্য

## বিশ্বভারতী

আছে তা সকলের সঙ্গে যোগের প্রতীক্ষা রাখে, কিন্তু তবুও  
তোমায়-আমায় এই বিরহের মধ্যেও মাধুর্য রয়েছে।’  
তখনও এই বহিবিশ্বের উপলক্ষি আমার মনের ভিতরে  
অস্পষ্টভাবে ঘনিষ্ঠে উঠেছে। ছোটো ঘরের ভিতরকার  
মানুষটিকে বাইরের ডাক গভীরভাবে মুঝ করেছিল।

তার পর আমার মনে আছে যে, প্রথম যখন আমাদের  
শহরে ডেঙ্গুজ্জর দেখা দিল, এই ব্যাধি আমার কাছে বেরিয়ে  
পড়ার মন্ত্র ছয়োগের মতো এল। গঙ্গার ধারে পেনেটির  
বাগানে আমরা বাস করতে লাগলুম। এই প্রথম  
অপেক্ষাকৃত নিকটভাবে প্রকৃতির স্পর্শ পেলাম। এ যে  
কত মনোহর তা ব্যক্ত করতে পারি না। আপনারা  
অনেকে পল্লীগ্রাম থেকে আসছেন, অনেকেরই পল্লীর সঙ্গে  
অতিনিকট সম্বন্ধ। আপনারা তার শামল শস্ত্রক্ষেত্র ও  
বনরাজি দেখে থাকবেন, কিন্তু আমার মনোভাব ঠিক  
উপলক্ষি করতে পারবেন না। ইটকাটের কারাগার থেকে  
বহিরাকাশে মুক্তি পেয়ে প্রকৃতির সঙ্গে সেই প্রথম পরিচয়  
লাভ করা যে কত মূল্যবান তা আমার জীবনে যেমন  
বুঝেছিলুম অল্প লোকের ভাগেয়েই তা ঘটে। সকালে কুঠির  
পানশি দক্ষিণ দিকে যেত, সঙ্ক্ষয়ান্ত তা উত্তরগামী হত।  
নদীর দু ধারে এই জনতার ধারা, জলের সঙ্গে মানুষের এই  
জীবন্যাত্মার যোগ, গ্রামবাসীদের এই জ্ঞান পান তর্পণ,  
এইসকল দৃশ্য আমার অন্তরকে স্পর্শ করেছিল। গ্রামগুলি  
যেন গঙ্গার দুই পারকে আকড়ে রয়েছে, পিপাসাৰ জলকে

## বিশ্বভারতী

স্তুতিসের মতো গ্রহণ করে নিয়েছে। আমার গন্ধার দ্বারে  
এই প্রথম যাওয়া। আর সে সময়ে সেখানকার স্থরের  
উদ্ঘাটন যে আমার কাছে কৌ অপরূপ লেগেছিল তা কী  
বলব। এই যে বিশ্বজগতে প্রতি মুহূর্তে অনিবচনীয় মহিমা  
উদ্ঘাটিত হচ্ছে আমরা তাৰ সঙ্গে যুক্ত থাকলেও অতি-  
পরিচয়ের জন্য তা আমাদের কাছে ম্লান হয়ে যাব।  
ওঅড়্স্মত্তর্থের কবিতায় আপনারা তাৰ উল্লেখ  
দেখেছেন। কেজো মানুষৰে কাছে বিশ্বপ্রকৃতিৰ অপূর্বতা  
একেবাৰে ‘না’ হয়ে গেছে, নেই বললেই হয়। তাৰ রহস্য  
মাধুৰ্য তাৰ মনে তেমন সাড়া দেয় না। আকাশে দিনেৱ  
পৱ দিন যেন আশ্চৰ্য একটি কাব্যগ্রন্থেৰ পাতাৰ পৱ পাতা  
উদ্ঘাটন করে বিশ্বকবিৰ মৰ্মকথাটি বাৰ বাৰ প্রকাশ  
কৱতে থাকে। আমৰা মানুখান থেকে অতিপরিচয়েৰ  
অন্তৱালে তাৰ রস থেকে বঞ্চিত হই। তাই প্রকৃতিৰ  
ৱস্থারার স্পৰ্শে আমাৰ মন সে সময়ে যেৱকম উৎসুক  
হয়ে উঠেছিল আজও তাৰ প্ৰবলতা ক্ষীণ হয়ে যায় নি,  
এ কথাটা বলাৰ দৱকাৰ আছে। এতটা আমি ভূমিকা-  
স্বৰূপ বললুম। যে যে ষটনা আমাৰ জীবনকে নানা  
সম্পর্কেৰ মধ্য দিয়ে একটা বিশেষ দিকে চালনা কৱছিল  
এই সময়কাৰ জীবনযাত্রা তাৰ মধ্যে সৰ্বপ্ৰধান ব্যাপার।

এমনি আৱ-একটি অনুকূল ষটনা ষটল যথন আমি পদ্মা-  
নদীৰ তীৱে গিয়ে বাস কৱতে লাগলুম। পদ্মাতটেৰ সেই  
আম জাম ঝাউ বেত আৱ শৰ্ষেৰ খেত, ফাল্কনেৰ মুছ

## বিশ্বভারতী

সৌগন্ধি ভারাক্রান্ত বাতাস, নির্জন চরে কলঘনিমুখরিত  
বুনো ইঁসের বসতি, সন্ধ্যাতারায়-জলজল-করা নদীর স্বচ্ছ  
গভীরতা, এসব আমার সঙ্গে নিবিড় আত্মীয়তা স্থাপন  
করেছিল। তখন পল্লীগ্রামে মানুষের জীবন ও প্রকৃতির  
সৌন্দর্যে সম্মিলিত জগতের সঙ্গে পরিচয় লাভ করে আমার  
গভীর আনন্দ পাবার উপলক্ষ হয়েছিল।

অল্প বয়সে আমি আর-একটি জিনিস পেয়েছি। মানুষের  
থেকে দূরে বাস করলেও এবং উন্মুক্ত প্রকৃতির কোল থেকে  
বিচ্ছিন্নভাবে কাটিয়ে থাকলেও আমি বাড়িতে আত্মীয়-  
বন্ধুদের সংগীত সাহিত্য শিল্পকলার চর্চার আবহাওয়ার  
মধ্যে মানুষ হয়েছি। এটি আমার জীবনের খুব বড়ো  
কথা। আমি শিশুকাল থেকে পলাতক ছাত্র। মাস্টারকে  
বরাবর ভয় করে এড়িয়ে চলেছি। কিন্তু বিশ্বসংসারের  
যেসকল অদৃশ্য মাস্টার অলক্ষ্য থেকে পাঠ শিখিয়ে দেন  
তাদের কাছে কোনোরকমে আমি পড়া শিখে নিয়েছি।  
আমাদের বাড়িতে নিয়ত ইংরেজি ও বাংলা সাহিত্যের  
ও সংগীতের আলোচনা হত, আমি এসবের মধ্যে বেড়ে  
উঠেছি। এইসকল বিদ্যা যথার্থভাবে শিক্ষালাভ না  
করলেও এ থেকে ভিতরে ভিতরে আশপাশ হতে নানা  
উপায়ে মনে মনে আনন্দরস সঞ্চয় করতে পেরেছি। আমার  
বড়দাদা তখন ‘স্বপ্নপ্রয়াণ’ লিখতে নিরত ছিলেন। বনস্পতি  
যেমন স্বচ্ছন্দে প্রচুর ফুল ফুটিয়ে ফল ধরিয়ে ইতস্তত  
বিস্তর খসিয়ে ঝরিয়ে ফেলে দেয়, তাতে তার কোনো

## বিশ্বভারতী

অনুশোচনা নেই ; তেমনি তিনি খাতায় যতটি লেখা বক্ষা  
করতেন তার চেয়ে ছেড়া কাগজে বাতাসে ছড়াচড়ি যেত  
অনেক বেশি । আমাদের চলাফেরার রাস্তা সেইসব  
বিক্ষিপ্ত ছিন্নপত্রে আকীর্ণ হয়ে গেছে । মেইসকল অবারিত  
সাহিত্যরচনার ছিন্নপত্রের স্তুপ আমার চিত্তধারায় পলি-  
মাটির সঞ্চয় রেখে দিয়ে গিয়েছিল ।

তার পর আপনারা জানেন, আমি খুব অল্লব্যস  
থেকেই সাহিত্যচর্চায় মন দিয়েছি, আর তাতে করে  
নিন্দা খ্যাতি যা পেয়েছি তারই মধ্য দিয়ে লেখনী চালিয়ে  
গিয়েছি । তখন একটি বড়ো স্ববিধা ছিল যে, সাহিত্য-  
ক্ষেত্রে এত প্রকাশ্তা ছিল না, সাহিত্যের এত বড়ো বাজার  
বসে নি, ছোটো হাটেই পশরা দেওয়া-নেওয়া চলত ।  
তাই আমার বাল্যরচনা আপন কোণটুকুতে কোনো  
লজ্জা পায় নি । আত্মীয়বন্ধুদের যা একটু-আধটু প্রশংসা  
ও উৎসাহ লাভ করেছি তাই যথেষ্ট মনে করেছি ।  
তার পর ক্রমে বঙ্গসাহিত্যের প্রসার হল, তার চর্চা  
ব্যাপকতা লাভ করল । সাহিত্যক্ষেত্র জনতায় আক্রান্ত  
হল । দেখতে দেখতে রাত্রির আকাশে তারার আবির্ভাবের  
মতো সাহিত্যাকাশ অসংখ্য লেখকের দ্বারা খচিত হয়ে  
দেখা দিল । কিন্তু তৎসন্দেশেও আমার সাহিত্যচর্চার মধ্যে  
বরাবর সেই নির্জনতাই ছিল । এই বিরলবাসই আমার  
একান্ত আপনার জিনিস ছিল । অতিরিক্ত প্রকাশ্তাৱ  
আঘাতে আমি কখনও স্বস্থ বোধ কৰি নি । আমি

## বিশ্বভারতী

চল্লিশ-পঁয়তাল্লিশ বছর পর্যন্ত পদ্মাতীরের নিরালা আবাস-  
টিতে আপন খেয়ালে সাহিত্যরচনা করেছি। আমার কাব্য-  
সৃষ্টির যা-কিছু ভালো-মন্দ তা সে সময়েই লেখা হয়েছে।

যখন এমনি সাহিত্যের মধ্যে নিবিষ্ট হয়ে কাল কাটাচ্ছি  
তখন আমার অন্তরে একটি আহ্বান একটি প্রেরণা এল  
যার জন্য বাইরে বেরিয়ে আসতে আমার মন ব্যাকুল  
হল। যে কর্ম করবার জন্য আমার আকাঙ্ক্ষা হল তা  
হচ্ছে শিক্ষাদানকার্য। এটা খুব বিস্ময়কর ব্যাপার, কারণ  
শিক্ষাব্যবস্থার সঙ্গে যে আমার যোগ ছিল না তা তো  
আগেই বলেছি। কিন্তু এই ভারই যে আমাকে গ্রহণ  
করতে হল তার কারণ হচ্ছে, আমার মনে এই বিশ্বাস দৃঢ়  
ছিল যে, আমাদের শিক্ষাপ্রণালীতে গুরুতর অভাব  
রয়েছে, তা দূর না হলে শিক্ষা আমাদের জীবন থেকে  
স্বতন্ত্র হয়ে সম্পূর্ণ বাইরের জিনিস হয়ে থাকবে। আমি  
এ কথা বলছি না যে, এই গুরুতর অভাব শুধু আমাদের  
দেশেই আছে—সকল দেশেই ন্যূনাধিক পরিমাণে শিক্ষা  
সর্বাঙ্গীণ হতে পারছে না—সর্বত্রই বিদ্যাশিক্ষাকে জীবন  
থেকে বিচ্ছিন্ন করে অ্যাবস্ট্রাক্ট ব্যাপার করে ফেলা হয়।

তখন আমার মনে একটি দূরকালের ছবি জেগে উঠল।  
যে তপোবনের কথা পুরাণকথায় পড়া যায় ইতিহাস তাকে  
কতখানি বাস্তব সত্য বলে গণ্য করবে জানি না, কিন্তু  
সে বিচার ছেড়ে দিলেও একটা কথা আমার নিজের মনে  
হয়েছে যে, তপোবনের শিক্ষাপ্রণালীতে খুব একটি বড়ো

## বিশ্বভারতী

সত্য আছে। যে বিরাট বিশ্বপ্রকৃতির কোলে আমাদের জন্ম তার শিক্ষকতা থেকে বঞ্চিত বিচ্ছিন্ন হয়ে থাকলে মানুষ সম্পূর্ণ শিক্ষা পেতে পাবে না। বনস্থলীতে যেমন এই প্রকৃতির সাহচর্য আছে তেমনি অপর দিকে তপস্বী মানুষের শ্রেষ্ঠ বিদ্যাসম্পদ সেই প্রকৃতির মাঝখানে বসে যথন লাভ করা যায় তখনই যথার্থ ঘনিষ্ঠ সম্বন্ধের মধ্যে বাস করে বিদ্যাকে গুরুর কাছ থেকে পাওয়া যায়। শিক্ষা তখন মানবজীবন থেকে বঞ্চিত হবে একান্ত ব্যাপার হয় না। বনের ভিতর থেকে তপোবনের হোমধেনু দোহন করে অগ্নি প্রজ্জলিত করে নানা ভাবে প্রকৃতির সঙ্গে নিত্যযুক্ত হয়ে যে জীবনযাপনের ব্যবস্থা প্রাচীন কালে ছিল তার মধ্যে ঘনিষ্ঠতা ছিল। যাদের গুরুরূপে বরণ করা হয় তাদের সঙ্গে এইরূপ জীবনযাত্রার মধ্য দিয়ে একত্র মানুষ হয়ে উঠার মধ্যে খুব একটা বড়ো শিক্ষা আছে। এতে করে শিক্ষা ও জীবনের মধ্যে যথার্থ যোগ স্থাপিত হয়, গুরুশিষ্যের সঙ্গে সম্বন্ধ সত্য ও পূর্ণ হয়, বিশ্বপ্রকৃতি ও মানবপ্রকৃতির সঙ্গে মিলন মধুর ও স্বাস্থ্যকর হয়ে উঠে। তাই আমার মনে হয়েছিল যে, তখনকার দিনে তপোবনের মধ্যে মানবজীবনের বিকাশ একটি সহজ ব্যাপার ছিল বটে, কিন্তু তার সময়টি এখনও উত্তীর্ণ হয়ে যায় নি; তার মধ্যে যে সত্য ও সৌন্দর্য আছে তা সকল কালের। বর্তমান কালেও তপোবনের জীবন আমাদের আয়ত্তের অগম্য হওয়া উচিত নয়।

## বিশ্বভারতী

এই চিন্তা যখন আমার মনে উদিত হয়েছিল তখন  
আমি শাস্তিনিকেতনে অধ্যাপনার ভার নিলুম। সৌভাগ্য-  
ক্রমে তখন শাস্তিনিকেতন আমার পক্ষে তপোবনের  
ভাবে পূর্ণ ছিল। আমি বাল্যকালে আমার পিতৃদেবের  
সঙ্গে এখানে কাল্যাপন করেছি। আমি প্রত্যক্ষভাবে  
জানি যে, তিনি কী পূর্ণ আনন্দে বিশ্বের সঙ্গে পরমাত্মার  
সঙ্গে চিত্তের যোগসাধনের দ্বারা সত্যকে জীবনে একান্তভাবে  
উপলব্ধি করেছেন। আমি দেখেছি যে, এই অঙ্গুভূতি  
তাঁর কাছে বাহিরের জিনিস ছিল না। তিনি রাত্রি দুটোর  
সময় উন্মুক্ত ছাদে বসে তারাখচিত রাত্রিতে নিমগ্ন হয়ে  
অন্তরে অমৃতরস গ্রহণ করেছেন, আর প্রতিদিন বেদীতলে  
বসে প্রাণের পাত্রটি পূর্ণ করে সুধাধারা পান করেছেন।  
যিনি সমস্ত বিশ্বকে পূর্ণ করে রয়েছেন তাঁকে বিশ্ববির  
মধ্যে উপলব্ধি করা, এটি মহর্ষির জীবনে প্রত্যক্ষ সত্য  
হয়ে দেখা দিয়েছে। আমার মনে হল যে, যদি ছাত্রদের  
মহর্ষির সাধনস্থল এই শাস্তিনিকেতনে এনে বসিয়ে দিতে  
পারি তবে তাদের সঙ্গে থেকে নিজের ঘেটুকু দেবার  
আছে তা দিতে পারলে বাকিটুকুর জন্য আমাকে  
ভাবতে হবে না, প্রকৃতিই তাদের হস্তক্ষেপে পূর্ণ করে  
সকল অভাব মোচন করে দিতে পারবে। প্রকৃতির সঙ্গে  
এই যোগের জন্য সকলের চিত্তেই যে ন্যূনাধিক ক্ষুধার অংশ  
আছে তার নিযুক্তি করবার চেষ্টা করতে হবে, যে স্পর্শ  
থেকে মানুষ বক্ষিত হয়েছে তাকে জোগাতে হবে।

## বিশ্বভারতী

তখন আমাৰ সঙ্গী-সহায় থুবই অল্প। ভ্ৰম্বাৰকৰ উপাধ্যায় মহাশয় আমাৰ ভালোবাসতেন আৱ আমাৰ সংকলনে প্ৰকাৰ কৰতেন। তিনি আমাৰ কাজে এসে ঘোগ দিলেন। তিনি বললেন, ‘আপনি মাস্টাৱি কৰতে না জানেন, আমি সে ভাৱ নিছি।’ আমাৰ উপৰ ডাৰ বুইল ছেলেদেৱ সঙ্গ দেওয়া। আমি সক্ষ্যাবেলায় তাদেৱ নিয়ে রামায়ণ মহাভাৰত পড়িয়েছি, হাস্ত কল্প বৰসেৱ উদ্বেক কৰে তাদেৱ হাসিয়েছি কাদিয়েছি। তা ছাড়া নানা গল্প বানিয়ে বলতাম, দিনেৱ পৱ দিন একটি ছোটো গল্পকে টেনে টেনে লম্বা কৰে পাঁচ-সাত দিন ধৰে একটি ধাৰা অবলম্বন কৰে চলে ষেতাম। তখন মুখে মুখে গল্প তৈৱি কৰবাৰ আমাৰ শক্তি ছিল। এইসব বানানো গল্পেৱ অনেকগুলি আমাৰ ‘গল্পগুচ্ছ’ স্থান পেয়েছে। এমনি ভাবে ছেলেদেৱ ঘন ঘাতে অভিনয়ে গল্প গানে, রামায়ণ-মহাভাৰত-পাঠে সৱস হয়ে ওঠে তাৱ চেষ্টা কৰেছি।

আমি জানি, ছেলেদেৱ এমনি ভাবে ঘনেৱ ধাৰা ঠিক কৰে দেওয়া, একটা অ্যাটিচুড তৈৱি কৰে তোলা খুব বড়ো কথা। মানুষেৱ যে এতবড়ো বিশ্বেৱ মধ্যে এত-বড়ো মানবসমাজে জন্ম হয়েছে, সে যে এতবড়ো উত্তৱাধিকাৰ লাভ কৰেছে, এইটাৰ প্ৰতি তাৱ ঘনেৱ অভিমুখিতাকে থাটি কৰে তোলা দৱকাৱ। আমাদেৱ দেশেৱ এই দুর্গতিৰ দিনে আমাদেৱ অনেকেৱ পক্ষেই শিক্ষাৱ শেষ লক্ষ্য হয়েছে চাকুৱি, বিশ্বেৱ সঙ্গে বে

## বিশ্বভারতী

আনন্দের সম্বন্ধের দ্বারা বিশ্বসম্পদকে আত্মগত করা যায় তা থেকে আমরা বঞ্চিত হচ্ছি। কিন্তু মানুষকে আপন অধিকারটি চিনে নিতে হবে। সে যেমন প্রকৃতির সঙ্গে চিত্তের সামঞ্জস্য সাধন করবে তেমন তাকে বিরাট মানব-বিশ্বের সঙ্গে সম্মিলিত হতে হবে।

আমাদের দেশবাসীরা ‘ভূমৈব স্বথম’ এই ঋষিবাক্য ভুলে গেছে। ভূমৈব স্বথং— তাই জ্ঞানতপন্থী মানব দুঃসহ ক্লেশ স্বীকার করেও উত্তর-মেঝের দিকে অভিযানে বার হচ্ছে, আফ্রিকার অভ্যন্তরপ্রদেশে দুর্গম পথে যাত্রা করছে, প্রাণ হাতে করে সত্ত্বের সন্ধানে ধাবিত হচ্ছে। তাই কর্ম জ্ঞান ও ভাবের সাধনপথের পথিকেরা দুঃখের পথ অতিবাহন করতে নিষ্ক্রান্ত হয়েছে ; তারা জেনেছেন যে, ভূমৈব স্বথং— দুঃখের পথেই মানুষের স্বথ। আজ আমরা সে কথা ভুলেছি, তাই অত্যন্ত ক্ষুদ্র লক্ষ্য ও অকিঞ্চিত্কর জীবনযাত্রার মধ্যে আত্মাকে প্রচ্ছন্ন করে দিয়ে দেশের প্রায় সকল লোকেরই কাল কাটিছে।

তাই শিক্ষালয় স্থাপন করবার সময়ে প্রথমেই আমার এ কথা মনে হল যে, আমাদের ছাত্রদের জীবনকে মানসিক ক্ষীণতা থেকে ভৌকৃতা থেকে উদ্ধার করতে হবে। যে গঙ্গার ধারা গিরিশিখর থেকে উত্থিত হয়ে দেশদেশান্তরে বহমান হয়ে চলেছে মানুষ তার জলকে সংসারের ছোটো বড়ো সকল কাজেই লাগাতে পারে। তেমনি যে পাবনী বিদ্যাধারা কোনো উত্তুঙ্গ মানবচিত্তের উৎস থেকে উদ্ভূত

## বিশ্বভারতী

হয়ে অসৌমের দিকে প্রবাহিত হয়ে চলছে, যা পূর্ব-পশ্চিম-  
বাহিনী হয়ে দিকে দিকে নিরন্তর স্বতঃ-উৎসাহিত হচ্ছে,  
তাঁকে আমরা ক্ষুদ্র স্বার্থসিদ্ধির পরিধির মধ্যে বাঁধ বেঁধে ধরে  
রেখে দেখব না ; কিন্তু যেখানে তা পূর্ণ মানবজীবনকে সার্থক  
করে তুলেছে, তার সেই বিরাট বিশ্বরূপটি যেখানে পরিষ্কৃট  
হয়েছে সেখানে আমরা অবগাহন করে শুন্ধ নির্মল হব ।

‘স উপোহতপ্যত স তপস্তথু। ইদঃ সর্বমস্তুত ষদিদঃ  
কিঞ্চ।’ স্মষ্টিকর্তা তপস্তা করছেন, তপস্তা করে সমস্ত  
স্তুত করছেন । প্রতি অণুপরমাণুতে তাঁর সেই তপস্তা  
নিহিত । সেজন্ত তাদের মধ্যে নিরন্তর সংঘাত, অগ্নিবেগ,  
চক্রপথের আবর্তন । স্মষ্টিকর্তার এই তপঃসাধনার সঙ্গে  
সঙ্গে মানুষেরও তপস্তার ধারা চলেছে, সেও চুপ করে বসে  
নেই । কেননা মানুষও স্মষ্টিকর্তা, তার আসল হচ্ছে  
স্মষ্টির কাজ । সে যে সংগ্রহ করে সঞ্চয় করে এই তার  
বড়ো পরিচয় নয়, সে ত্যাগের দ্বারা প্রকাশ করে এই তার  
সত্য পরিচয় । তাই বিধাতার এই বিশ্বতপঃক্ষেত্রে তারও  
তপঃসাধনা । মানুষ হচ্ছে তপস্তী, এই কথাটি উপলক্ষ্মি  
করতে হবে । উপলক্ষ্মি করতে হলে সকল কালের সকল  
দেশের তপস্তার প্রয়াসকে মানবের সত্য ধর্ম বলে বড়ো  
করে জানতে হবে ।

আজকার দিনে যে তপঃক্ষেত্রে বিশ্বের সর্ব জাতির  
ও সর্ব দেশের মানবের তপস্তার আসন পাতা হয়েছে  
আমাদেরও সকল ভেদবুদ্ধি ভুলে গিয়ে সেখানে পৌছতে

## বিশ্বভারতী

হবে। আমি যখন বিশ্বভারতী স্থাপিত করলুম তখন এই সংকল্পই আমার মনে কাজ করছিল। আমি বাঙালি বলে আমাদের সাহিত্যরসের চৰা কেবল বাংলাসাহিত্যের মধ্যেই পরিসমাপ্ত হবে? আমি কি বিশ্বসংসারে জন্মাই নি? আমারই জন্ম জগতের ষত দার্শনিক ষত কবি ষত বৈজ্ঞানিক তপস্তা করছেন, এর যথার্থেপলক্ষির মধ্যে কি কম গৌরব আছে?

আমার মুখে এই কথা অহমিকার মতো শোনাতে পারে। আজকের কথাপ্রসঙ্গে তবু আমার বলা দরকার যে, যুরোপে আমি যে সম্মান পেয়েছি তা রাজামহারাজারা কোনো কালে পায় নি। এর দ্বারা একটা কথার প্রমাণ হচ্ছে যে, মানুষের অন্তর্গ্রদেশের বেদনা-নিকেতনে জ্ঞাতিবিচার নেই। আমি এমন-সব লোকের কাছে গিয়েছি যারা মানুষের গুরু, কিন্তু তারা স্বচ্ছন্দে নিঃসংকোচে এই পূর্বদেশবাসীর সঙ্গে শ্রদ্ধার আদানপ্রদান করেছেন। আমি কোথায় যে মানুষের মনে সোনার কাটি ছোয়াতে পেয়েছি, কেন যে যুরোপের মহাদেশ-বিভাগে এরা আমাকে আত্মীয়রূপে সমাদর করেছে, সে কথা ডেবে আমি নিজেই বিশ্বিত হই। এমনি ভাবেই স্তর জগদীশ বশ্বও ষেখানে নিজের মধ্যে সত্যের উৎসধারার সকান পেয়েছেন এবং তা মানুষকে দিতে পেয়েছেন সেখানে সকল দেশের জ্ঞানীরা তাকে আপনার বলেই অভ্যর্থনা করে নিয়েছেন।

## বিশ্বভারতী

পাঞ্চাত্য ভূখণ্ডে নিরস্তর বিষ্ণার সমাদৃষ্টি হচ্ছে। ফরাসি ও জর্মনদের মধ্যে বাইরের ঘোর রাষ্ট্রনৈতিক যুদ্ধ বাধলেও উভয়ের মধ্যে বিষ্ণার সহঘোগিতার বাধা কথনও ঘটে নি। আমরাই কেন শুধু চিরকেলে ‘স্থলবয়’ হয়ে একটু একটু করে মুখস্থ করে পাঠ শিখে নিয়ে পরীক্ষার আসরে নামব, তার পর পরীক্ষাপাশ করেই সব বিশ্বতির গর্তে ডুবিয়ে বসে থাকব? কেন সকল দেশের তাপসদের সঙ্গে আমাদের তপস্তার বিনিময় হবে না? এই কথা যনে রেখেই আমি বিশ্বভারতীতে আমাদের সাধনার ক্ষেত্রে যুরোপের অনেক মনস্বী ব্যক্তিদের আমন্ত্রণ করেছিলুম। তাঁরা একজনও সেই আমন্ত্রণের অবজ্ঞা করেন নি। তাঁদের মধ্যে একজনের সঙ্গে অস্তত আমাদের চাকুৰ পরিচয়ও হয়েছে। তিনি হচ্ছেন প্রাচ্যতত্ত্ববিদ् ফরাসি পণ্ডিত সিল্ভ্যা লেভি। তাঁর সঙ্গে যদি আপনাদের নিকটসম্বন্ধ ষট্টত তা হলে দেখতেন যে, তাঁর পাণ্ডিত্য যেমন অগাধ তাঁর জ্ঞান তেমনি বিশাল। আমি প্রথমে সংকোচের সঙ্গে অধ্যাপক লেভির কাছে গিয়ে আমার প্রস্তাব জানালুম। তাঁকে বললুম যে আমার ইচ্ছা যে, ভারতবর্ষে আমি এমন বিষ্ণাক্ষেত্র স্থাপন করি যেখানে সকল পণ্ডিতের সমাগম হবে, যেখানে ভারতীয় সম্পদের একত্র-সমাবেশের চেষ্টা হবে। সে সময় তাঁর হার্ডিঙ বিশ্ববিষ্ণালয় থেকে বক্তৃতা দেবার নিমন্ত্রণ এসেছিল। হার্ডিঙ পৃথিবীর বড়ো বিশ্ববিষ্ণালয়গুলির মধ্যে অন্ততম। কিন্তু আমাদের বিশ-

## বিশ্বভারতী

ভারতীর নামধার কেউ জানে না ; অথচ এই অখ্যাতনামা আশ্রমের আতিথ্য লেভি-সাহেব অতি শ্রদ্ধার সঙ্গে গ্রহণ করলেন ।

আপনারা মনে করবেন না যে তিনি এখানে এসে শ্রদ্ধা হারিয়েছেন । তিনি বার বার বলেছেন, ‘এ যেন আমার পক্ষে স্বর্গে বাস ।’ তিনি যেমন বড়ো পঙ্গিত ছিলেন, তাঁর তদনুকূপ যোগ্য ছাত্র যে অনেক পাওয়া গিয়েছিল তাও বলা যায় না, কিন্তু তিনি অবজ্ঞা করেন নি, তিনি ভাবের গৌরবেই কর্মগৌরব অঙ্গুভব করেছেন ; তাই এখানে এসে তৃপ্ত হতে পেরেছেন । এই প্রসঙ্গে আপনাদের এই সংবাদ জানা দরকার যে, ফ্রান্স জর্মনি স্থিতভারল্যাণ্ড অস্ট্রিয়া বোহিমিয়া প্রভৃতি যূরোপীয় দেশ থেকে অঙ্গু পরিমাণ বই দানকূপে শাস্তিনিকেতন লাভ করেছে ।

বিশ্বকে সহযোগীরূপে পাবার জন্য শাস্তিনিকেতনে আমরা সাধ্যমত আসন পেতেছি, কিন্তু এক হাতে যেমন তালি বাজে না তেমনি এক পক্ষের দ্বারা এই চিন্তসমবায় সম্ভবপৱ হয় না । যেখানে ভারতবর্ষ এক জায়গায় নিজেকে কোণঠেসা করে রেখেছে সেখানে কি সে তার কৃকৃ ভার খুলবে না ? ক্ষুদ্র বৃক্ষির দ্বারা বিশ্বকে একঘরে করে ব্রাহ্মার স্পর্ধাকে নিজের গৌরব বলে জ্ঞান করবে ?

আমার ইচ্ছা বিশ্বভারতীতে সেই ক্ষেত্রটি তৈরি হয় যেখানে বিশ্বের সঙ্গে ভারতের সম্বন্ধ স্বাভাবিক কল্যাণজনক ও আত্মীয়জনোচিত হয় । ভারতবর্ষকে অঙ্গুভব করতে হবে

## বিশ্বভারতী

ষে, এমন একটি জ্ঞানগা আছে যেখানে মানুষকে আত্মীয় বলে গ্রহণ করাতে অগোরব বা দুঃখের কারণ নেই, যেখানে মানুষের পরম্পরার সম্পর্কটি পীড়াজনক নয়। আমার পাশ্চাত্য বঙ্গুরা আমাকে কথনও কথনও জিজ্ঞাসা করেছেন, ‘তোমাদের দেশের লোকে কি আমাদের গ্রহণ করবে ?’ আমি তার উত্তরে জ্ঞানের সঙ্গে বলেছি, ‘হ্যাঁ নিশ্চয়ই, ভারতীয়েরা আপনাদের কথনও প্রত্যাধ্যান করবে না।’ আমি জানি যে, বাঙালির মনে বিদ্যার গৌরববোধ আছে, বাঙালি পাশ্চাত্যবিদ্যাকে অস্বীকার করবে না। রাষ্ট্রীয় ক্ষেত্রে নানা ভেদ ও মতবাদ সত্ত্বেও ভারতবর্ষের মধ্যে বাংলাদেশেই সর্বদেশীয় বিদ্যার প্রতি শ্রদ্ধা বাঙালির বক্তৃত্বে জিনিস হয়ে গেছে। যারা অতি দরিদ্র, যাদের কষ্টের সীমা নেই, তারাও বিদ্যাশিক্ষার দ্বারা ভদ্র পদবী লাভ করবে বলে আকাঙ্ক্ষা বাংলাদেশেই করে। বাঙালি যদি শিক্ষিত না হতে পারে তবে সে ভদ্রসমাজেই উঠতে পারল না। তাই তো বাঙালির বিধবা মা ধান ভেনে স্বতো কেটে প্রাণপাত করে ছেলেকে শিক্ষা দিতে ব্যগ্র হয়। তাই আমি মনে করেছিলুম যে, বাঙালি বিদ্যা ও বিদ্঵ানকে অবজ্ঞা করবে না ; তাই আমি পাশ্চাত্য জ্ঞানীদের বলে এসেছিলাম যে, ‘তোমরা নিঃসংকোচে নির্ভয়ে আমাদের দেশে আসতে পার, তোমাদের অভ্যর্থনার ক্রটি হবে না।’

আমার এই আশ্বাসবাক্যের সত্য পরীক্ষা বিশ্ব-ভারতীতেই হবে। আশা করি এইখানে আমরা প্রমাণ

## বিশ্বভারতী

করতে পারব যে, বৃহৎ মানবসমাজে যেখানে জ্ঞানের যজ্ঞ চলছে সেখানে সত্যহোমানলে আছতি দেবার অধিকার আমাদেরও আছে ; সমস্ত দেশ ও কালের জ্ঞানসম্পদ আমরা আপনার বলে দাবি করতে পারি এই গৌরব আমাদের। মানুষের হাত থেকে বর ও অর্ঘ্য গ্রহণের যে স্বাভাবিক অধিকার প্রত্যেক মানুষেরই আছে কোনো মোহুবশত আমরা তার থেকে লেশমাত্র বঞ্চিত নই। আমাদের মধ্যে সেই বর্ধরতা নেই যা দেশকালপাত্রনিরপেক্ষ জ্ঞানের আলোককে আত্মীয়কূপে স্বীকার করে না, তাকে অবজ্ঞা করে লজ্জা পায় না, প্রত্যাখ্যান করে নিজের দৈন্য অনুভব করতে পারে না।

৪ ভাস্তু ১৩২৯

কলিকাতা

## বিশ্বভারতী

৭

প্রত্যেক মূহর্তেই আমাদের মধ্যে একটি প্রেরণা আছে নিজেকে বিকশিত করবার। বিকাশই হচ্ছে বিশ্বজগতের গোড়াকার কথা। স্থষ্টির যে সৌলা, তার এক দিকে আবরণ আর-এক দিকে প্রকাশ। প্রকাশের যে আনন্দ, দেশকালের মধ্যে দিয়ে সে আপন আবরণ মোচনের দ্বারা আপনাকে উপলব্ধি করছে। উপনিষদ বলছেন—‘হিরণ্যমেন পাত্রেণ সত্যস্তাপিহিতঃ মুখম্,’ হিরণ্যমেন পাত্রের দ্বারা সত্যের মুখ আবৃত হয়ে আছে। কিন্তু একান্তই যদি আবৃত হয়ে থাকত তা হলে পাত্রকেই জানতুম, সত্যকে জানতুম না। সত্য যে প্রচলন হয়ে আছে এ কথা বলবারও জোর থাকত না। কিন্তু যেহেতু স্থষ্টির প্রক্রিয়াই হচ্ছে সত্যের প্রকাশের প্রক্রিয়া সেইজগ্নে উপনিষদের ঋষি মানুষের আকাঙ্ক্ষাকে এমন করে বলতে পেরেছেন, ‘হে শৰ্ষ, তোমার আঙ্গোকের আবরণ খোলো, আমি সত্যকে দেখি।’

মানুষ যে এমন কথা বলতে পেরেছে তার কারণ এই, মানুষ নিজের মধ্যে দেখছে যে, প্রত্যক্ষ যে অবস্থার মধ্যে সে বিবাজমান সেইটেই তার চরম নয়। তার লোভ আছে এবং লোভ চরিতার্থ করবার প্রবল বাসনা আছে; কিন্তু তার অস্তরাত্মা বলছে, লোভের আবরণ থেকে মনুষ্যকে মুক্তি দিতে চাই। অর্থাৎ যে পদ্ধার্থটা তার

## বিশ্বভাবতী

মধ্যে অতিরিক্তমাত্রায় প্রবল হয়ে আছে সেটাকে সে আপন মহুষস্ত্রের প্রকাশ বলে স্বীকার করে না, বাধা বলেই স্বীকার করে। যা আছে তাই সত্য, যা প্রতীয়মান তাই প্রতীতির ঘোগ্য, মানুষ এ কথা বলে নি। পশ্চবৎ বর্বর মানুষের মধ্যে বাহুশক্তি যতই প্রবল থাক, তার সত্য যে ক্ষীণ অর্থাৎ তার প্রকাশ যে বাধাগ্রস্ত এ কথা মানুষ প্রথম থেকেই কোনোরকম করে উপলব্ধি করেছিল বলেই সে যাকে সভ্যতা বলে সে পদার্থটা তার কাছে নিরর্থক হয় নি।

সভ্যতা-শব্দটার আসল মানে হচ্ছে, সভার মধ্যে আপনাকে পাওয়া, সকলের মধ্যে নিজেকে উপলব্ধি করা। সভা-শব্দের ধাতৃগত অর্থ এই যে, যেখানে আভা যেখানে আলোক আছে। অর্থাৎ মানুষের প্রকাশের আলো একলা নিজের মধ্যে নয়, সকলের সঙ্গে মিলনে। যেখানে এই মিলনত্বের যতটুকু খর্বতা সেইখানেই মানুষের সত্য সেই পরিমাণেই আচ্ছন্ন। এইজন্তেই মানুষ কেবলই আপনাকে আপনি বলছে—‘অপার্বণু’, খুলে ফেলো, তোমার একলা-আপনের ঢাকা খুলে ফেলো, তোমার সকল-আপনের সত্য প্রকাশিত হও; সেইখানেই তোমার দীপ্তি, সেইখানেই তোমার মুক্তি।

বীজ যখন অঙ্কুরকূপে প্রকাশিত হয় তখন ত্যাগের দ্বারা হয়। সে ত্যাগ নিজেকেই ত্যাগ। সে আপনাকে বিদীণ করে তবে আপনার সত্যকে মুক্তি দিতে পাবে। তেমনি, যে আপন সকলের— তাকে পাবার জন্তে মানুষেরও ত্যাগ

## বিশ্বভারতী

করতে হয় যে আপন তার একলাই, তাকে। এইজন্তে  
উশোপনিষদ বলেছেন, যে মানুষ আপনাকে সকলের মধ্যে  
ও সকলকে আপনার মধ্যে পায় ‘ন ততো বিজুগ্নপ্যতে’—  
সে আর গোপন থাকে না। অসত্য গোপন করে সত্যে  
প্রকাশ করে। তাই আমাদের প্রার্থনা, ‘অসতো মা  
সদ্গময়’— অসত্য থেকে আমাকে সত্যে নিয়ে যাও ;  
‘আবিরাবীর্ধ এধি’— হে প্রকাশস্বরূপ, আমার মধ্যে  
তোমার আবির্ভাব হোক।

. তা হলে দেখা যাচ্ছে, প্রকাশ হচ্ছে আপনাকে দান।  
আপনাকে দিতে গিয়ে তবে আপনাকে প্রকাশ করি,  
আপনাকে জানতে পাই। আপনাকে দেওয়া এবং  
আপনাকে জানা একসঙ্গেই ঘটে। নির্বাপিত প্রদীপ  
আপনাকে দেয় না, তাই আপনাকে পায় না। যে মানুষ  
নিজেকে সঞ্চয় ক'রে সকলের চেয়ে বড়ো হয় সেই প্রচলন,  
সেই অবকলন ; যে মানুষ নিজেকে দান ক'রে সকলের  
সঙ্গে এক হতে চায় সেই প্রকাশিত, সেই মুক্ত।

সওগাদ, তার উপরে নানা ঝঞ্জের চিত্র-করা ঝমাল  
ঢাকা। যতক্ষণ ঝমাল আছে ততক্ষণ দেওয়া হয় নি, ততক্ষণ  
সমস্ত জিনিসটা আমার নিজের দিকেই টানা। ততক্ষণ  
মনে হয়েছে, গ্রি ঝমালটাই মহামূল্য। ততক্ষণ আসল  
জিনিসের মানে পাওয়া গেল না, তার দাম বোঝা গেল না।  
যখন দান করবার সময় এল, ঝমাল যখন খোলা গেল,  
তখনই আসলের সঙ্গে বিশ্বের পরিচয় হল, সব সার্থক হল।

## বিশ্বভারতী

আমাদের আত্মনিবেদন যখন পূর্ণ হয় তখনই নিজেকে সম্পূর্ণ পাই। নইলে আমার আপন-নামক যে বিচির চাকাখানা আছে সেইটেই চরম বলে বোধ হয়, সেইটেকেই কোনোরকমে বাঁচাবার প্রাণপণ চেষ্টা মনে জাগতে থাকে। সেইটে নিয়েই যত ঝীর্ণা, যত ঝগড়া, যত দৃঃখ। যারা মৃঢ় তারা সেইটেরই ব্লঙ্গ দেখে ভুলে যায়। নিজের ষেটা সত্য রূপ সেইটেই হচ্ছে বিশ্বের সঙ্গে মিলনের রূপ।

আজ নববর্ষের দিন আমাদের আশ্রমের ভিতরকার সত্যকে প্রত্যক্ষ করবার দিন। যে তপস্তা এগানে স্থান পেয়েছে তার স্ফটিশক্তিটি কী তা আমাদের জানতে হবে। এর বাইরের একটা ব্যবস্থা আছে, এর ঘরবাড়ি তৈরি হচ্ছে, এর আইনকানুন চলছে, সে আমরা সকলে মিলে গড়ছি। কিন্তু এর নিজের ভিতরকার একটি তত্ত্ব আছে যা নিজেকে নিজে ক্রমশ উদ্ঘাটিত করছে, এবং সেই নিয়ত উদ্ঘাটিত করার প্রক্রিয়াই হচ্ছে তার স্ফটি। তাকে যদি আমরা স্পষ্ট করে দেখতে পাই তা হলেই আমাদের আত্ম-নিবেদনের উৎসাহ সম্পূর্ণ হতে পারে। সত্য যখন আমাদের কাছে অস্পষ্ট থাকে তখন আমাদের ত্যাগের ইচ্ছা বল পায় না।

সত্য আমাদের ত্যাগ করতে আহ্বান করে। কেননা ত্যাগের দ্বারাই আমাদের আত্মপ্রকাশ হয়। আমাদের আশ্রমের মধ্যেও সেই আহ্বান পরিষ্কৃট হয়ে উঠেছে সেই আহ্বানকে আমরা ‘বিশ্বভারতী’ নাম দিয়েছি।

## বিশ্বভারতী

স্বজাতির নামে মানুষ আন্ত্যাগ করবে এমন একটি আহ্বান কয়েক শতাব্দী ধরে পৃথিবীতে খুব প্রবল হয়ে উঠেছিল। অর্থাৎ স্বজাতিই মানুষের কাছে এতদিন মহুষ্যদ্বের সবচেয়ে বড়ো সত্য বলে প্রতীয়মান হয়েছিল। তার ফল হয়েছিল এই যে, এক জাতি অন্য জাতিকে শোষণ করে নিজে বড়ো হয়ে উঠবার জন্যে পৃথিবী জুড়ে একটা দশ্যবৃত্তি চলেছিল। এমনকি যেসব মানুষ স্বজাতির নামে জাল জালিয়াতি অত্যাচার নিষ্ঠুরতা করতে কুণ্ঠিত হয় নি, মানুষ নির্লজ্জভাবে তাদের নামকে নিজের ইতিহাসে সমৃজ্জল করে রেখেছে। অর্থাৎ যে ধর্মবিধি সর্বজনীন তাকেও স্বজাতির বেদীর কাছে অপমানিত করা মানুষ ধর্মেরই অঙ্গ বলে মনে করেছে। স্বজাতির গণিসীমার মধ্যে এই ত্যাগের চর্চা ; এর আঙুফল খুব লোভনীয় বলেই ইতিহাসে দেখা দিয়েছে। তার কারণ ত্যাগই স্মৃষ্টিশক্তি ; সেই ত্যাগ যতটুকু পরিধির পরিমাণেই সত্য হয় ততটুকু পরিমাণেই সে সার্থকতা বিস্তার করে। এইজন্যে নেশনের ইতিহাসে ত্যাগের দৃষ্টান্ত মহদৃষ্টান্ত বলেই সপ্রমাণ হয়েছে।

কিন্তু সত্যকে সংকীর্ণ করে কখনোই মানুষ চিরকাল সমৃদ্ধি লাভ করতে পারে না। এক জায়গায় এসে তাকে ঠেকতেই হবে। যদি কেবল উপরিতলের মাটি উর্বরা হয় তবে বনস্পতি দ্রুত বেড়ে ওঠে; কিন্তু অবশেষে তার শিকড় নীরস তলায় গিয়ে ঠেকে, তখন হঠাৎ একদিন তার

## বিশ্বভারতী

ডালপালা মুখড়ে যেতে আরম্ভ করে। মানুষের কর্তব্যবৃক্ষি  
স্বজাতির সীমার মধ্যে আপন পূর্ণথান্ত পায় না, তাই  
হঠাতে একদিন সে আপনার প্রচুর ঐশ্বর্যের মাঝখানেই  
দায়িত্বে এসে উত্তীর্ণ হয়। তাই যে যুরোপ নেশনস্টিল  
প্রধান ক্ষেত্র সেই যুরোপ আজ নেশনের বিভীষিকায় আর্ত  
হয়ে উঠেছে।

যুক্ত এবং সক্ষির ভিতর দিয়ে যে নির্দারণ তৎখ যুরোপকে  
আলোড়িত করে তুলেছে তার অর্থ হচ্ছে এই যে, নেশন-  
কুপের মধ্যে মানুষ আপন সত্যকে আবৃত করে ফেলেছে;  
মানুষের আত্মা বলছে, ‘অপারুণ’— আবরণ উদ্ঘাটন  
করো। মনুষ্যত্বের প্রকাশ আচ্ছন্ন হয়েছে বলে স্বজাতির  
নামে পাপাচরণ সম্বন্ধে মানুষ এতদিন এমন স্পষ্ট ঔদ্ধত্য  
করতে পেরেছে, এবং মনে করতে পেরেছে যে, তাতে তার  
কোনো ক্ষতি হয় নি, লাভই হয়েছে। অবশেষে আজ  
নেশন যখন আপনার মূল আপনি প্রসব করতে আরম্ভ  
করেছে তখন যুরোপে নেশন আপনার মূর্তি দেখে আপনি  
আতঙ্কিত হয়ে উঠেছে।

নৃতন যুগের বাণী এই যে, আবরণ খোলো, হে মানব,  
আপন উদার রূপ প্রকাশ করো। আজ নববর্ষের প্রথম  
দিনে আমাদের আশ্রমের মধ্যে আমরা সেই নবযুগের  
বাণীকে অন্তরের মধ্যে গ্রহণ করব। আমাদের আশ্রমকে  
আজ আমরা সর্বপ্রকার ভেদবৃক্ষির আবরণ-মুক্ত করে দেখি,  
তা হলেই তার সত্যরূপ দেখতে পাব।

## বিশ্বভারতী

আমাদের এখানে নানা দেশ থেকে নানা জাতির অতিথি এসেছে। তারা যদি অন্তরের মধ্যে কোনো বাধা না পায় তবে তাদের এই আসার স্বার্থাতেই আপনি এখানে নবযুগের একটি মিলনতীর্থ তৈরি হয়ে উঠবে। বাংলাদেশে নানা নদী এসে সমুদ্রে পড়েছে, সেই বহু নদীর সমুদ্রসংগম থেকেই বাংলাদেশ আপনি একটি বিশেষ প্রকৃতি লাভ করে তৈরি হয়ে উঠেছে। আমাদের আশ্রম যদি তেমনি আপন হৃদয়কে প্রসারিত করে দেয় এবং যদি এখানে আগস্তকেরা সহজেই আপনার স্থানটি পায় তা হলে এই আশ্রম সকলের সেই সশ্মিলনের স্বার্থা আপনিই আপনার সত্যজ্ঞপক্ষে লাভ করবে। তীর্থস্থানীয়া যে ভক্তি নিয়ে আসে, যে সত্যদৃষ্টি নিয়ে আসে, তার স্বার্থাই তারা তীর্থস্থানকে সত্য করে তোলে। আমরা ষার্বা এই আশ্রমে এসেছি, আমরা এখানে যে সত্যকে উপলক্ষ করব বলে শ্রদ্ধাপূর্বক প্রত্যাশা করি সেই শ্রদ্ধার স্বার্থা সেই প্রত্যাশা স্বার্থাই সেই সত্য এখানে সমুজ্জ্বল হয়ে প্রকাশ পাবে। আমরা এখানে কোন্ মন্ত্রের রূপ দেখব বলে নিয়ত প্রত্যাশা করব? সে মন্ত্র হচ্ছে এই যে—‘যত্ত বিশ্বং ভবত্যেকনৌড়ম’। দেশে দেশে আমরা মানুষকে তার বিশেষ স্বাজাতিক পরিবেষ্টনের মধ্যে খণ্ডিত করে দেখেছি, সেখানে মানুষকে আপন ব'লে উপলক্ষ করতে পারি নে। পৃথিবীর মধ্যে আমাদের এই আশ্রম এমন-একটি জায়গা হয়ে উঠুক যেখানে ধর্ম ভাষা এবং জাতিগত সকলপ্রকার

## বিশ্বভারতী

পার্থক্য সত্ত্বেও আমরা মানুষকে তার বাহ্যিকমূক্তরূপে  
মানুষ বলে দেখতে পাই। সেই দেখতে পাওয়াই ন্তন  
যুগকে দেখতে পাওয়া। সম্ভ্যাসী পূর্বাকাশে প্রথম  
অঙ্গনোদয় দেখবে বলে জেগে আছে। যখনই অঙ্ককারীর  
প্রাণে আলোকের আরম্ভ রেখাটি দেখতে পায় তখনই  
সে জানে যে, প্রভাতের জয়ধর্জা তিমিররাত্রির শ্রাকারের  
উপর আপন কেতন উড়িয়েছে। আমরা তেমনি করে  
ভারতের এই পূর্বপ্রাণে এই প্রাঞ্চরশেষে যেন আজ নব-  
বর্ষের প্রভাতে ভেদবাধার তিমির-মুক্ত মানুষের রূপ  
আমাদের এখানে সমাগত অতিথি বন্ধু সকলের মধ্যে  
উজ্জ্বল করে দেখতে পাই। সেই দেখতে পাওয়া থেকেই  
যেন মনের মধ্যে শ্রদ্ধা করতে পারি যে, মানবের  
ইতিহাসে নবযুগের অঙ্গনোদয় আরম্ভ হয়েছে।

১ বৈশাখ ১৩৩০

শাস্তিনিকেতন

## বিশ্বভারতী

৮

অন্ন কিছুকাল হল কালিঘাটে গিয়েছিলাম। সেখানে গিয়ে আমাদের পুরোনো আদিগঙ্গাকে দেখলাম। তার মন্ত্র দুর্গতি হয়েছে। সমুদ্রে আনাগোনার পথ তার চিরদিনের মতো বন্ধ হয়ে গেছে। যখন এই নদীটির ধারা সজীব ছিল তখন কত বণিক আমাদের ভারত ছাড়িয়ে সিংহল ও জরাট ইতাদি দেশে নিজেদের বাণিজ্যের সম্বন্ধ বিস্তার করেছিল। এ যেন মৈত্রীর ধারার মতো মানুষের সঙ্গে মানুষের মিলনের বাধাকে দূর করেছিল। তাই এই নদী পুণ্যনদী বলে গণ্য হয়েছিল। তেমনি ভারতের সিঙ্গু অঙ্গপুত্র প্রভৃতি যত বড়ো বড়ো নদনদী আছে সবগুলি সেকালে পবিত্র বলে গণ্য হয়েছিল। কেন? কেননা এই নদীগুলি মানুষের সঙ্গে মানুষের সম্বন্ধ-স্থাপনের উপায়স্বরূপ ছিল। ছোটো ছোটো নদী তো তের আছে—তাদের ধারার তীব্রতা থাকতে পারে; কিন্তু না আছে গভীরতা, না আছে স্থায়িত্ব। তারা তাদের জলধারায় এই বিশ্বমৈত্রীর রূপকে ফুটিয়ে তুলতে পারে নি। মানুষের সঙ্গে মানুষের মিলনে তারা সাহায্য করে নি। সেইজন্তু তাদের জল মানুষের কাছে তীর্থোদক হল না। ষেখোন দিয়ে বড়ো বড়ো নদী বয়ে গিয়েছে সেখানে কত বড়ো বড়ো নগর হয়েছে—সেসব দেশ সভ্যতার কেন্দ্রভূমি হয়ে

## বিশ্বভারতী

উঠেছে । এইসব নদী বয়ে মানুষের জ্ঞানের সাধনার সম্পদ  
নানা জায়গায় গিয়েছে । আমাদের দেশের চতুর্পাঠিতে  
অধ্যাপকেরা যখন জ্ঞান বিতরণ করেন, অধ্যাপকপত্নী  
তাদের অন্নপানের ব্যবস্থা করে থাকেন ; এই গঙ্গাও  
তেমনি একসময়ে যেমন ভারতের সাধনার ক্ষেত্র ধীরে  
ধীরে বিস্তারিত করেছিল তেমনি আর-এক দিকে দিয়ে  
সে তার ক্ষুধাতৃষ্ণা দূর করেছিল । সেইজন্তু গঙ্গার প্রতি  
মানুষের এত শ্রদ্ধা ।

তা হলে আমরা দেখলাম, এই পবিত্রতা কোথায় ?  
না, কল্যাণময় আহ্বানে ও স্বয়োগে মানুষ বড়ো ক্ষেত্রে  
মানুষের সঙ্গে মিলেছে— আপনার স্বার্থবুদ্ধির গভীর মধ্যে  
একা একা বন্ধ হয়ে থাকে নি । এ ছাড়া নদীর জলের মধ্যে  
এমন কোনো ধর্ম নেই যাতে করে তা পবিত্র হতে  
পারে ।

কিন্তু যখনই তার ধারা লক্ষ্যভূষ্ট হল, সমুদ্রের সঙ্গে  
তার অবাধ সম্বন্ধ নষ্ট হল, তখনই তার গভীরতাও কমে  
গেল । গঙ্গা দেখলাম, কিন্তু চিত্ত খুশি হল না । যদিও  
এখনও লোকে তাকে শ্রদ্ধা করে, সেটা তাদের অভ্যাস-  
মাত্র । জলে তার আর সেই পুণ্যরূপ নেই । আমাদের  
ভারতের জীবনেও ঠিক এই দশাই ঘটেছে । এক সময়  
পৃথিবীর সমস্ত দেশকে ভারত তার পুণ্যসাধনার পথে  
আহ্বান করেছিল, ভারতে সব দেশ থেকে লোক বড়ো  
সত্যকে লাভ করার জন্যে এসে মিলেছিল । ভারতও

## বিশ্বভারতী

তখন নিজের শ্রেষ্ঠ যা তা সমস্ত বিশ্বে বিলিয়ে দিয়েছিল।  
সমস্ত বিশ্বের সঙ্গে নিজের যোগ স্থাপন করেছিল বলে  
ভারত পুণ্যক্ষেত্র হয়ে উঠেছিল। গয়া আমাদের কাছে  
পুণ্যক্ষেত্র কেন হল? না, তার কারণ বুদ্ধদেব এখানে  
তপস্তা করেছিলেন, আর সেই তাঁর তপস্তার ফল ভারত  
সমস্ত বিশ্বে বণ্টন করে দিয়েছে। যদি তার পরিবর্তন  
হয়ে থাকে, আজ যদি সে আর অমৃত-অঞ্চল পরিবেশনের  
ভার না নেয়, তবে গয়াতে আর কিছুমাত্র পুণ্য অবশিষ্ট  
নেই। কিছু আছে যদি মনে করি তো বুঝতে হবে, তা  
আমাদের আগেকার অভ্যাস ; গয়ার পাঞ্জারা কি গয়াকে  
বড়ো করতে পারে, না তার মন্দির পারে ?

আমাদের এ কথা মনে রাখতে হবে, পুণ্যধর্ম মাটিতে  
বা হাওয়ায় নেই। চিন্তার দ্বারা, সাধনার দ্বারা পুণ্যকে  
সমর্থন করতে হবে। আমাদের আশ্রমে সে বাধা অনেক  
দূর হয়েছে। আপনা-আপনি বিদেশের অতিথিরা এখানে  
এসে তাঁদের আসন পাতচেন। তাঁরা বলছেন যে, তাঁরা  
এখানে এসে তৃপ্তি পেয়েছেন। এমনি করেই ভারতের  
গঙ্গা আমাদের আশ্রমের মধ্যে বইল। দেশবিদেশের  
অতিথিদের চলাচল হতে লাগল। তাঁরা আমাদের জীবনে  
জীবন মেলাচ্ছেন। এই আশ্রমকে অবলম্বন করে তাঁদের  
চিত্ত প্রসারিত হচ্ছে। এর চেয়ে আর সফলতা কিছু  
নেই। তৌরে মানুষ উত্তীর্ণ হয় বলেই তার নাম তৌর। এমন  
অনেক জ্ঞানগা আছে যেখানে এসে সকলে উত্তীর্ণ হয় না ;

## বিশ্বভারতী

সমস্ত পথিক যেখানে আসে চলে যাবার জন্মে, থাকবার  
জন্মে নয়। যেমন কলকাতার বড়োবাজার— সেখানে  
এসে প্রীতি মেলে না, বিরাম মেলে না, সেখানে এসে যাত্রা  
শেষ হয় না ; সেখানে লাভলোকসানের কথা ছাড়া আর  
কথা নেই। আমি কলকাতায় জন্মেছি— সেখানে আশ্রয়  
খুঁজে পাচ্ছি না। সেখানে আমার বাড়ি আছে, তবু  
সেখানে কিছু নিজের আছে বলে মনে করতে পারছি না।  
মানুষ যদি নিজের সেই আশ্রয়টি খুঁজে না পেলে তো  
মনুষের দেখে, বড়ো বড়ো বাড়িগুলির দেখে তার কী হবে।  
ওখানে কার আহ্বান আছে ? বণিকরাই কেবল সেখানে  
থাকতে পারে। ও তীর্থক্ষেত্র নয়। এ ছাড়া আমাদের  
যেগুলো তীর্থক্ষেত্র আছে সেখানে কী হয় ? সেখানে  
যারা পুণ্যপিপাস্ত তারা পাণ্ডাদের পায়ে টাকা দিয়ে আসে।  
সেখানে তো সব দেশের মানুষ মেলবার জন্মে ভিতরকার  
আহ্বান পায় না।

কাল একটি পত্র পেলাম। আমাদের স্বরূপের পল্লী-  
বিভাগের যিনি অধ্যক্ষ তিনি জাহাজ থেকে আমাকে  
চিঠি লিখেছেন। তিনি লিখেছেন যে, জাহাজের লোকেরা  
তাসখেলা ও অগ্নাত্ম এত ছোটোখাটো আমোদপ্রমোদ  
নিয়ে দিন কাটায় যে তিনি বিশ্বিত হয়ে আমাকে লিখেছেন  
যে, কেমন করে তারা এর মধ্যে থাকে ! যে জীবনে  
কোনো বড়ো প্রকাশ নেই, ক্ষুদ্র কথায় যে জীবন ভরে  
উঠেছে, বিশ্বের দিকে যে জীবনের কোনো প্রবাহ নেই,

## বিশ্বভারতী

তারা কেমন করে তার মধ্যে থাকে, কী করে তারা মনে  
তৃপ্তি পায় !

শ্রীযুক্ত এলম্হারস্ট এই-যে বেদনা অনুভব করেছেন  
তার কারণ কী ? কারণ এই যে, তিনি আশ্রমে বে  
কার্যের ভার নিয়েছেন তাতে করে তাকে বৃহত্তর  
ক্ষেত্রে এসে দাঢ়াতে হয়েছে। তিনি তাঁর কর্মকে  
অবলম্বন করে সমস্ত গ্রামবাসীদের কল্যাণক্ষেত্রে এসে  
দাঢ়িয়েছেন। এ কাজ তাঁর আপনার স্বার্থের জন্যে নয়।  
তিনি সমস্ত গ্রামবাসীদের মানুষ বলে শ্রদ্ধা করে সকলের  
সঙ্গে মেলবাবুর স্বয়োগ পেয়েছিলেন বলে এ জায়গা তাঁর  
কাছে তৌর্ধ্ব হয়ে উঠেছে। এই-যে আশেপাশের গরিব  
অজ্ঞ, এদের মধ্যে যাবার তিনি পথ পেয়েছিলেন। সেই-  
জন্যে তাঁর সঙ্গে যেসমস্ত বড়ো বড়ো ধনী ছিলেন— তাঁদের  
কেউ-বা জজ, কেউ-বা ম্যাজিস্ট্রেট— তাঁদের তিনি  
মনে মনে অত্যস্ত অকৃতার্থ বলে বুঝতে পেরেছিলেন।  
তাঁরা এখানে প্রভূত ক্ষমতা পেলেও, সমস্ত দেশবাসীর  
সহিত অব্যাহত মিলনের পথটি খুঁজে পান নি। তাঁরা  
ভারতে কোনো তীর্থে এসে পৌছিলেন না। তাঁদের  
কেউ-বা রাজতন্ত্রায় এসে ঠেকলেন, কেউ-বা লোহার  
সিক্কুকে এসে ঠেকলেন, তাঁরা পুণ্যতীর্থে এসে ঠেকলেন না।  
আমাদের সাহেব স্বরূপে এসে এর তীর্থের রূপটি উপলক্ষ্মি  
করতে পেরেছিলেন। আমরা এখানে থেকেও যদি সেটি  
উপলক্ষ্মি করতে না পারি তবে আমাদের মতো অকৃতার্থ

## বিশ্বভারতী

আর কেউ নেই। তাই বলছি, আমাদের এখানে কর্মের  
মধ্যে, এর জ্ঞানের সাধনার মধ্যে যেন কল্যাণকে উপজীব্তি  
করতে পারি ! এ জ্ঞায়গা শুধু পাঠশালা নয়, এই জ্ঞায়গা  
তীর্থ। দেশবিদেশ থেকে সোকেরা এখানে এসে যেন  
বলতে পারে— আ বাচলাম, আমরা ক্ষুদ্র সংসারের বাইরে  
এসে বিশ্বের ও বিশ্বদেবতার দর্শন লাভ করলাম।

৫ বৈশাখ ১৩৩০

শাস্ত্রনিকেতন



সিলভ্রা মেডি ইবোলাধের নিকট বাংলা শিখতেছেন



## বিশ্বভারতী

৯

আমাদের অভাব বিস্তুর, আমাদের নালিশের কথাও অনেক আছে। সেই অভাবের বোধ জাগাবার ও দূর করবার জন্যে, নালিশের বৃক্ষস্তু বোৰাবার ও তার নিষ্পত্তি করবার জন্যে যারা অকৃত্রিম উৎসাহ ও প্রাঞ্জলার সঙ্গে চেষ্টা করছেন তারা দেশের হিতকারী ; তাদের 'পরে আমাদের শুন্ধা অক্ষুণ্ণ থাকু ।

কিন্তু কেবলমাত্র অপমান ও দারিদ্র্যের স্বারা দেশের আহুপরিচয় হয় না, তাতে আমাদের প্রচ্ছন্ন করে। যে নক্ষত্রের আলোক নিবে গেছে অঙ্ককারই তার পক্ষে একমাত্র অভিশাপ নয়, নিখিল জ্যোতিষ্ক্রমগুলীর মধ্যে তার অপ্রকাশই হচ্ছে তার সবচেয়ে বড়ো অবমাননা। অঙ্ককার তাকে কেবল আপনার মধ্যেই বন্ধ করে, আলোক তাকে সকলের সঙ্গে যোগযুক্ত করে রাখে ।

ভারতের যেখানে অভাব, যেখানে অপমান, সেখানে সে বিশ্বের সঙ্গে বিচ্ছিন্ন । এই অভাবই যদি তার একান্ত হত, ভারত যদি মধ্য-আফ্রিকা-থণ্ডের মতো সত্যই দৈন্যপ্রধান হত, তা হলে নিজের নিরবচ্ছিন্ন কালিমার মধ্যেই অব্যক্ত হয়ে থাকা ছাড়া তার আর গতি ছিল না ।

কিন্তু কৃষ্ণপক্ষই ভারতের একমাত্র পক্ষ নয়, শুক্রপক্ষের আলোক থেকে বিধাতা তাকে বঞ্চিত করেন নি । সেই

## বিশ্বভারতী

আলোকের যোগেই সে আপন পূর্ণিমাৰ গৌৱৰ নিখিলেৱ  
কাছে উদ্ঘাটিত কৱৰাৰ অধিকাৰী ।

বিশ্বভারতী ভাৱতেৱ সেই আলোকসম্পদেৱ বার্তা বহন  
ও ঘোষণ কৱৰাৰ ভাৱ নিয়েছে । যেখানে ভাৱতেৱ অমাৰস্তা  
সেখানে তাৰ কাৰ্পণ্য । কিন্তু একমাত্ৰ সেই কাৰ্পণ্যকে স্বীকাৰ  
কৱেই কি সে বিশ্বেৱ কাছে লজ্জিত হয়ে থাকবে । যেখানে  
তাৰ পূর্ণিমা সেখানে তাৰ দাক্ষিণ্য থাকা চাই তো । এই  
দাক্ষিণ্যেই তাৰ পৱিচয়, সেইখানেই নিখিল বিশ্ব তাৰ  
নিমন্ত্ৰণ স্বীকাৰ কৱে নেবেই ।

যাৱ ঘৰে নিমন্ত্ৰণ চলে না সেই তো একঘৰে, সমাজে  
সেই চিৱলাঞ্চিত । আমৱা বিশ্বভারতীৰ পক্ষ থেকে বলতে  
চাই, ভাৱতে বিশ্বেৱ সেই নিমন্ত্ৰণ বক্তৃ হবাৰ কাৰণ নেই ।  
যাৱা অবিশ্বাসী, যাৱা একমাত্ৰ তাৰ অভাৱেৱ দিকেই সমস্ত  
দৃষ্টি রেখেছে, তাৱা বলে, যতক্ষণ না রাজ্য স্বাতন্ত্ৰ্য, বাণিজ্য  
সমূদ্ধি লাভ কৱৰ ততক্ষণ অবজ্ঞা কৱে ধৰীৱা আমাদেৱ  
নিমন্ত্ৰণ গ্ৰহণ কৱবেই না । কিন্তু এমন কথা বলায় শুধু  
স্বদেশেৱ অপমান তা নয়, এতে সৰ্বমানবেৱ অপমান ।  
বুদ্ধদেব যখন অকিঞ্চনতা গ্ৰহণ কৱেই সত্যপ্ৰচাৱেৱ ভাৱ  
নিয়েছিলেন তখন তিনি এই কথাই সপ্রমাণ কৱেছিলেন যে,  
সত্য আহুমহিমাতেই গৌৱবাৰ্ষিত । সূৰ্য আপন আলোকেই  
স্বপ্ৰকাশ ; স্বাকৰৱাৰ দোকানে সোনাৰ গিন্টি না কৱালে  
তাৰ মূল্য হবে না, ঘোৱতৰ বেনেৱ মুখেও এ কথা শোভা  
পায় না ।

## বিশ্বভারতী

যে স্বদেশাভিমান আমরা পশ্চিমের কাছ থেকে ধার  
করে নিয়েছি তাই মধ্যে রাজ্যবাণিজ্যগত সম্পদের প্রতি  
একান্ত বিশ্বাসপরতার অশুচিতা রয়ে গেছে। সেইজন্তেই  
আজকের দিনে ভারতবাসীও এমন কথাও বলতে লজ্জা বোধ  
করে না যে, রাষ্ট্রীয় গৌরব সর্বাগ্রে, তার পরে সত্যের  
গৌরব। কোনো কোনো পাশ্চাত্য মহাদেশে দেখে এসেছি,  
ধনের অভিমানেই সেখানকার সমস্ত শিক্ষা দীক্ষা সাধনাকে  
রাহগ্রস্ত করে রেখেছে। সেখানে বিপুল ধনের ভারাকর্ষণে  
মানুষের মাথা মাটির দিকে ঝুঁকে পড়েছে। পশ্চিমকে  
থেঁটা দিয়ে স্বজাতিদণ্ড প্রকাশ করবার বেলায় আমরা যে  
মুখে সর্বদাই পশ্চিমের এই বস্তুলুক্তার নিন্দা করে থাকি  
সেই মুখেই যখন সত্যসম্পদকে শক্তিসম্পদের পশ্চাদ্বর্তী  
করে রাখবার প্রস্তাব করে থাকি তখন নিশ্চয়ই আমাদের  
অশুভগ্রহ কুটিল হাস্ত করে। যেমন কোনো কোনো  
শুচিতাভিমানী ব্রাহ্মণ অপাংক্রয়ের বাড়িতে যে মুখে  
আহার করে আসে বাইরে এসে সেই মুখেই তার নিন্দা  
করে, এও ঠিক সেইমতো।

বিশ্বভারতীর কঠ দিয়ে এই কথাই আমরা বলতে চাই  
যে, ভারতবর্ষে সত্যসম্পদ বিনষ্ট হয় নি। না যদি হয়ে  
থাকে তা হলে সত্যের দায়িত্ব মানতেই হবে। ধনবানের  
ধন ধনীর একমাত্র নিজের হতে পারে, কিন্তু সত্যবানের  
সত্য বিশ্বের। সত্যলাভের সঙ্গে সঙ্গেই তার নিমন্ত্রণ-  
প্রচার আছেই। ঋষি যখনই বুঝলেন ‘বেদাহমেতম্’—

## বিশ্বভারতী

আমি একে জেনেছি, তখনই তাকে বলতে হল, ‘শৃংস্ত  
বিশ্বে অমৃতস্ত্ব পুত্রাঃ’ — তোমরা অমৃতের পুত্র, তোমরা  
সকলে শুনে যাও ।

তোমরা সকলে শুনে যাও, পিতামহদের এই নিমন্ত্রণ-  
বাণী যদি আজ ভারতবর্ষে নীরব হয়ে থাকে তবে সাম্রাজ্য-  
স্বাধীনতা, বাণিজ্য সমৃদ্ধি, কিছুতেই আমাদের আর গৌরব  
দিতে পারে না । ভারতে সত্যধন যদি লুপ্ত হয়ে থাকে  
তবেই বিশ্বের প্রতি তার নিমন্ত্রণের অধিকারও লুপ্ত হয়ে  
গেছে । আজকের দিনে যারা ভারতের নিমন্ত্রণে বিশ্বাস  
করে না তারা ভারতের সত্যও বিশ্বাস করে না । আমরা  
বিশ্বাস করি । বিশ্বভারতী সেই বিশ্বাসকে আমাদের  
স্বদেশবাসীর কাছে প্রকাশ করুক ও স্বদেশবাসীর কাছে  
প্রচার করুক । বিশ্বভারতীতে ভারতের নিমন্ত্রণবাণী বিশ্বের  
কাছে ঘোষিত হোক । বিশ্বভারতীতে ভারত আপনার  
সেই সম্পদকে উপলব্ধি করুক, যে সম্পদকে স্বজনের কাছে  
দান করার দ্বারাই লাভ করা যায় ।

প. পৌষ ১৩৩০

## বিশ্বভারতী

১০

আমি যখন এই শান্তিনিকেতনে বিদ্যালয় স্থাপন করে এখানে ছেলেদের আনন্দলুম তখন আমার নিজের বিশ্বে কিছু দেবার বা বলবার মতো ছিল না। কিন্তু আমার একান্ত ইচ্ছা ছিল যে, এখানকার এই প্রভাতের আলো, শামল প্রান্তর, গাছপালা, যেন শিশুদের চিত্তকে স্পর্শ করতে পারে। কারণ প্রকৃতির সাহচর্যে তরুণ চিত্তে আনন্দসঞ্চারের দরকার আছে; বিশ্বের চারি দিককার রসাস্বাদ করা ও সকালের আলো সন্ধ্যার সূর্যাস্তের সৌন্দর্য উপভোগ করার মধ্য দিয়ে শিশুদের জীবনের উন্মেষ আপনার থেকেই হতে থাকে। আমি চেয়েছিলুম যে তারা অনুভব করব যে, বন্ধুরা তাদের ধাত্রীর মতো কোলে করে মানুষ করছে। তারা শহরের যে টটকাঠপাথরের মধ্যে বধিত হয় সেই জড়তার কারাগার থেকে তাদের মুক্তি দিতে হবে। এই উদ্দেশ্যে আমি আকাশ-আলোর অঙ্ক-শায়ী উদার প্রান্তরে এই শিক্ষাকেন্দ্র স্থাপন করেছিলুম। আমার আকাঙ্ক্ষা ছিল যে, শান্তিনিকেতনের গাছপালা-পাথর এদের শিক্ষার ভার নেবে। আর সেইসঙ্গে কিছু কিছু মানুষের কাছ থেকেও এরা শিক্ষা লাভ করবে। কারণ, বিশ্বপ্রকৃতি থেকে বিছিন্ন করে যে শিক্ষা দেবার ব্যবস্থা আছে তাতে করে শিশুচিত্তের বিষম ক্ষতি হয়েছে।

## বিশ্বভারতী

এই যোগবিচ্ছদের ধারা যে স্বাতন্ত্র্যের স্থষ্টি হয় তাতে করে মানুষের অকল্যাণ হয়েছে। পৃথিবীতে এই দুর্ভাগ্য অনেক দিন থেকে চলে এসেছে। তাই আমার মনে হয়েছিল যে, বিশ্বপ্রকৃতির সঙ্গে যোগস্থাপন করবার একটি অনুকূল ক্ষেত্র তৈরি করতে হবে। এমনি করে এই বিদ্যালয়ের প্রতিষ্ঠা হয়।

তখন আমার নিজের সহায় সম্বল কিছু ছিল না, কারণ আমি নিজে বরাবর ইস্ত্রিমাস্টারকে এড়িয়ে চলেছি। বই-পড়া বিদ্যা ছেলেদের শেখাব এমন দুঃসাহস ছিল না। কিন্তু আমাকে বাল্যকাল থেকে বিশ্বপ্রকৃতির বাণী মুক্ত করেছিল, আমি তার সঙ্গে একান্ত আত্মীয়তার যোগ অনুভব করেছি। বই পড়ার চেয়ে যে তার কত বেশি মূল্য, তা যে কতখানি শক্তি ও প্রেরণা দান করে, তা আমি নিজে জানি। আমি কতদিন এক মাসের পর মাস বুনো ইঁসের পাড়ায় জীবন যাপন করেছি। এই বালুচরদের সঙ্গে জীবনযাপনকালে প্রকৃতির যা-কিছু দান তা আমি যতই অঞ্জলি ভরে গ্রহণ করেছি ততই আমি পেয়েছি, আমার চিত্ত ভরপুর হয়ে গেছে। তাই শিশুরা যে এখানে আনন্দে দৌড়চ্ছে, গাছে চড়চ্ছে, কলহাস্তে আকাশ মুখের করে তুলচ্ছে— আমার মনে হয়েছে যে, এরা এমন-কিছু লাভ করেছে যা দুর্লভ। তাদের বিদ্যার কী মার্কা মারা হল এটাই সবচেয়ে বড়ো কথা নয়; কিন্তু তাদের চিত্তের পেয়ালা বিশ্বের অমৃতরসে পরিপূর্ণ হয়ে গেছে, আনন্দে

## বিশ্বভাবতী

উপচে উঠেছে, এই ব্যাপারটি বহুমূল্য। এই হাসি-গান-আনন্দে গল্লে ভিতরে ভিতরে তাদের মনের পরিপুষ্টি হয়েছে। অভিভাবকেরা হয়তো তা বুঝবেন না, বিশ্ব-বিদ্যালয়ের পরীক্ষকেরা হয়তো তার জন্য পাশের নস্বর দিতে রাজি হবেন না, কিন্তু আমি জানি এ অতি আদরণীয়। প্রকৃতির কোলে থেকে সরস্বতীকে মাতৃরূপে লাভ করা, এ পরম সৌভাগ্যের কথা। এমনি করে আমার বিদ্যালয়ের স্মৃত্পাত হল।

তার পর একটি দ্বার খুলে যাওয়াতে ভিতরের কপাট-গুলি উদ্ঘাটিত হতে লাগল। আসলে খোলবার জিনিস একটি, কিন্তু পাবার জিনিস বহু। কিন্তু প্রথম দ্বারটি বন্ধ থাকলে ভিতরে প্রবেশ করবার উপায় থাকে না। প্রকৃতির আশ্রয় থেকে বঞ্চিত হবার মধ্যে যে কুত্রিম শিক্ষা সেটাই হল গোড়াকার সেই বন্ধনদশা যা ছিন্ন না করলে রসতাঙ্গারে প্রবেশ করা দুঃসাধ্য। তাই মানুষের মুক্তির উপায় হচ্ছে, প্রকৃতিকে ধাত্রী বলে স্বীকার করে নিয়ে তাঁরই আশ্রয়ে শিক্ষকতা লাভ করা। এই মুক্তির আদর্শ নিয়েই এই শিক্ষাকেন্দ্রের পত্রন হল।

এখানকার এই মুক্তি বায়ুতে আমরা যে মুক্তি পেয়ে গেলুম আজ তা গর্ব করে বলবার আছে। এতে করে আমাদের যে কত বন্ধনদশা ঘূচল, কত যে সংকীর্ণ সংস্কার দূর হল তা বলে শেষ করা যায় না। এখানে আমরা সব মানুষকে আপনার বলে স্বীকার করতে শিখেছি, এখানে

## বিশ্বভারতী

মানুষের পরম্পরার সম্মত ক্রমশ সহজ ও স্বাভাবিক হয়ে গিয়েছে।

এটি যে পরম সৌভাগ্যের কথা তা আমাদের জানতে হবে। কারণ এ কথা আগেই বলেছি যে, মানুষের মধ্যে একটি মন্ত পীড়া হচ্ছে, তার লোকালয়ে একান্তভাবে অবরোধ। বিশ্বপ্রকৃতির থেকে বিচ্ছেদ তার চিন্তাক্রিকে খর্ব করে দিচ্ছে। কিন্তু তার চেয়েও মানুষের মধ্যে আর-একটি অস্বাভাবিকতা আছে— তা হচ্ছে এই যে, মানুষই মানুষের পরম শক্তি। এটি খুব সাংঘাতিক কথা। এর মধ্যে যে তার কতখানি চিন্তসংকোচ আছে তা আমরা অভ্যাসবশত জানতে পারি না। স্বাজাত্যের দণ্ডে আমরা কোণঠেসা হয়ে গেছি, বিশ্বের বিস্তীর্ণ অধিকারে আপনাদের বক্ষিত করেছি। এই ভৌষণ বাধাকে অপসারিত করতে হবে ; আমাদের জানতে হবে যে, যেখানে মানুষের চিন্তসম্পদ আছে সেখানে দেশবিদেশের ভেদ নেই, ভৌগোলিক ভাগবিভাগ নেই। পর্বত অরণ্য মরু, এরা মানুষের আত্মাকে কার্যকৃত করতে পারে না।

বাংলার যে মাটির ফসলে ধান হচ্ছে, যে মাটিতে গাছ বেড়ে উঠছে, সেই উপরিতলের মাটি হল বাংলাদেশের ; কিন্তু এ কথা জানতে হবে যে, নিচেকার ভূমি পৃথিবীর সর্বত্র পরিব্যাপ্ত আছে, স্বতরাং এ জায়গায় সমস্ত বিশ্বের সঙ্গে তার গভীরতম নাড়ির যোগ। এই তার ধাত্রীভূমিটি যদি সার্বভৌমিক না হত তবে এমন করে বাংলার শামলতা

## বিশ্বভারতী

দেখা দিত না। মাটি তুলে নিয়ে টবের ছোটো জায়গাতেও তো গাছ লাগানো যায়, কিন্তু তাতে করে যথেষ্ট ফললাভ হয় না। বড়ো জায়গার যে মাটি তাতেই যথার্থ ফসল উৎপন্ন হয়। ঠিক তেমনি অস্তরের ক্ষেত্রে আমরা যেখানে বিশ্বকে অস্বীকার করছি, বলছি যে তার থেকে বিচ্ছিন্ন হয়েও বড়ো হওয়া যায়, সেখানেই আমরা মন্ত্র ভুল করছি।

পৃথিবীতে যেখানে সভ্যতার নানা ধারা এসে মিলিত হয়েছে সেখানেই জ্ঞানের তৌর্তুমি বিরচিত হয়েছে। সেখানে নানা দিক থেকে নানা জাতির সমাবেশ হওয়াতে একটি মহামিলন ঘটেছে। গ্রীস রোম প্রভৃতি বড়ো সভ্যতার মধ্যে নানা জ্ঞানধারার সম্মিলন ছিল, তাই তা একঘরে হয়ে ইতিহাসে প্রচল্ল হয়ে থাকে নি। ভারতবর্ষের সভ্যতাতেও তেমনি আর্য দ্রাবিড় পারসিক প্রভৃতি নানা বিচিত্র জাতির মিলন হয়েছিল। আমাদের এই সমন্বয়কে মানতে হবে। পৃথিবীর ইতিহাসে যারা বর্ষ তারাই সবচেয়ে স্বতন্ত্র; তারা নৃতন লোকদের স্বদেশে প্রবেশ করতে দেয় নি, বর্ণ ভাষা প্রভৃতির বৈষম্য যথনই দেখেছে তখনই তা দোষের বলে বিষবাণ প্রয়োগ করে মারতে গিয়েছে।

আজকার দিনে বিশ্বমানবকে আপনার বলে স্বীকার করবার সময় এসেছে। আমাদের অস্তরের অপরিমেয় প্রেম ও জ্ঞানের দ্বারা এই কথা জানতে হবে যে, মানুষ শুধু

## বিশ্বভারতী

কোনো বিশেষ জাতির অস্তর্গত নয় ; মানুষের সবচেয়ে বড়ো পরিচয় হচ্ছে— সে মানুষ । আজকার দিনে এই কথা বলবার সময় এসেছে যে, মানুষ সর্বদেশের সর্বকালের । তার মধ্যে কোনো জাতীয়তা বা বর্ণভেদ নেই । সেই পরিচয়সাধন হয় নি ব'লেই মানুষ আজ অপরের বিভিন্ন আহরণ করে বড়ো হতে চায় । সে আপনাকে মারচে, অন্যকে মারতে তার হাত কম্পিত হচ্ছে না— সে এতবড়ো অপকর্ম করতে সাহস পাচ্ছে ।

ভারতবর্ষ তার জাতরক্ষা করবার স্বপক্ষে কি পাশ্চাত্য দেশের নজির টেনে আনবে । আমরা কি এ কথা ভুলে গেছি যে, যুরোপ ও আমেরিকা আপন আপন গ্রাশনালিজ্মের ভিত্তিপত্তন করে যে বিরাট প্রাচীর নির্মাণ করেছে আমাদের দেশে তেমন ভিত্তিপত্তন কথনও হয় নি । ভারতবর্ষ এই কথা বলেছিল যে, যিনি বিশ্বকে আপনার বলে উপলক্ষ্মি করতে পেরেছেন তিনিই যথার্থ সত্যকে লাভ করেছেন । তিনি অপ্রকাশ থাকেন না ; ‘ন ততো বিজুগ্নপ্তে’, তিনি সর্বলোকে সর্বকালে প্রকাশিত হন । কিন্তু যারা অপ্রকাশ, যারা অন্যকে স্বীকার করল না, তারা কথনও বড়ো হতে পারল না, ইতিহাসে তারা কোনো বড়ো সত্যকে রেখে যেতে পারল না । তাই কার্থেজ ইতিহাসে বিলুপ্ত হয়ে গেছে । কার্থেজ বিশ্বের সমস্ত ধনরত্ন দোহন করতে চেয়েছিল । সুতরাং সে এমন-কিছু সম্পদ রেখে যায় নি যার দ্বারা ভবিষ্যৎ যুগের মানুষের পাঠ্যে

## বিশ্বভারতী

রচনা হয়। তাই ভেনিসও কোনো বাণী রেখে যেতে পারল না। সে কেবলই বেনের মতো নিয়েছে, জমিয়েছে, কিছুই দিয়ে যেতে পারল না। কিন্তু মানুষ যথনই বিশ্বে আপনার জ্ঞানের ও প্রেমের অধিকার বিস্তৃত করতে পেরেছে তখনই সে আপন সত্যকে লাভ করেছে, বড়ো হয়েছে।

প্রথমে আমি শান্তিনিকেতনে বিদ্যালয় স্থাপন ক'রে এই উদ্দেশ্যে ছেলেদের এখানে এনেছিলুম যে, বিশ্বপ্রকৃতির উদার ক্ষেত্রে আমি এদের মুক্তি দেব। কিন্তু ক্রমশ আমার মনে হল যে, মানুষে মানুষে যে ভৌগণ ব্যবধান আছে তাকে অপসারিত ক'রে মানুষকে সর্বমানবের বিরাট লোকে মুক্তি দিতে হবে। আমার বিদ্যালয়ের পরিগতির ইতিহাসের সঙ্গে সেই আন্তরিক আকাঙ্ক্ষাটি অভিব্যক্ত হয়েছিল। কারণ বিশ্বভারতী নামে যে প্রতিষ্ঠান তা এই আহ্বান নিয়ে স্থাপিত হয়েছিল যে, মানুষকে শুধু প্রকৃতির ক্ষেত্রে নয়, কিন্তু মানুষের মধ্যে মুক্তি দিতে হবে। নিজের ঘরের—নিজের দেশের মধ্যে যে মুক্তি তা হল ছোটো কথা; তাতে করে সত্য খণ্ডিত হয়, আর সেজন্তাই জগতে অশান্তির স্ফটি হয়। ইতিহাসে বারে বারে পদে পদে এই সত্যের বিচ্যুতি হয়েছে য'লে মানুষ পীড়িত হয়েছে, বিদ্রোহান্ত জালিয়েছে। মানুষে মানুষে যে সত্য—‘আত্মং সর্বভূতেষ্যঃ পশ্চতি স পশ্চতি’, এই কথার মধ্যে যে বিশ্বজনীন সত্য আছে তা মানুষ মানে নি, স্বদেশের গণিতে আপনাদের আবক্ষ

## বিশ্বভারতী

করেছে। মানুষ যে পরিমাণে এই গ্রিক্যকে স্বীকার করেছে সে পরিমাণে সে যথার্থ সত্যকে পেয়েছে, আপনার পূর্ণ-পরিচয় লাভ করেছে।

এ কথা আজকার দিনে যদি আমরা না উপলক্ষ্য করি তবে কি তার দণ্ড নেই। মানুষের এই বড়ো সত্যের অপলাপ হলে যে বিষম ক্ষতি, তা কি আমাদের জ্ঞানতে হবে না। মানুষ মানুষকে পীড়া দেয় এত বড়ো অন্ত্যায় আচরণ আমাদের নিবারণ করতে হবে, বিশ্বভারতীতে আমরা সেই সত্য স্বীকার করব বলে এসেছি। অন্ত্যেরা যে কাজেরই ভার নিন-না— বণিক বাণিজ্যবিস্তার করন, ধনী ধনসঞ্চয় করন, কিন্তু এখানে সর্বমানবের যোগসাধনের সেতু রচিত হবে। অতিথিশালার দ্বার খুলবে, যার চৌমাথায় দাঢ়িয়ে আমরা সকলকে আহ্বান করতে কৃত্তিত হব না। এই মিলনক্ষেত্রে আমাদের ভারতীয় সম্পদকে ভুললে চলবে না, সেই ঐশ্বর্যের প্রতি একান্ত আস্থা স্থাপন করে তাকে শ্রদ্ধায় গ্রহণ করতে হবে। বিক্রমাদিত্য উজ্জয়িনীতে সে প্রাসাদসৌধ নির্মাণ করেছিলেন আজ তো তার কোনো চিহ্ন নেই ; ঐতিহাসিকেরা তার গোষ্ঠীগোত্রের আজ পর্যন্ত মীমাংসা করতে পারল না। কিন্তু কালিদাস যে কাব্য রচনা করে গেছেন তার মধ্যে কোনো স্থানবিচার নেই ; তা তো শুধু ভারতীয় নয়, তা যে চিরন্তন সর্বদেশের সর্বকালের সম্পদ হয়ে রইল। যখন সবাই বলবে যে, এটা আমার, আমি পেলুম, তখনই তা যথার্থ দেওয়া হল।

## বিশ্বভারতী

এই-যে দেবার অধিকার লাভ করা, এর জন্ম উৎসাহ চাই,  
সাধনার উদ্যম চাই। আমাদের কৃপণতা করলে চলবে না।  
কোনো বড়ো সম্পদকে গ্রহণ ও প্রচার করতে হলে বিপুল  
আনন্দে সমস্ত আঘাত অপমান সহ করে অকাতরে সব  
ত্যাগ করতে হবে। পৃথিবীর দেয়ালি-উৎসবে ভারতের  
যে প্রদীপ জলবে সেই প্রদীপশিখার যেন অস্তীকৃতি না  
ঘটে, বিদ্রপের দ্বারা যেন তাকে আচ্ছন্ন না করি। আহ-  
প্রকাশের পথ অবারিত হোক, ত্যাগের দ্বারা আনন্দিত  
হও।

আজকার উৎসবের দিনে আমাদের এই প্রার্থনা যে,  
সকল অঙ্ককার ও অসত্য থেকে আমাদের জ্যোতিতে নিয়ে  
যাও— সোনা-হীরা-মাণিক্যের জ্যোতি নয়, কিন্তু অধ্যাত্ম-  
লোকের জ্যোতিতে নিয়ে যাও। ভারতবর্ষ আজ এই  
প্রার্থনা জানাচ্ছে যে, তাকে মৃত্যু থেকে অমৃতলোকে নিয়ে  
যাও। আমরা অকিঞ্চন হলেও তবু আমাদের কঠ  
থেকে সকল মানুষের জন্ম এই প্রার্থনা ধ্বনিত হোক।  
আনন্দস্বরূপ, তোমার প্রকাশ পূর্ণ হোক। রুদ্র, তোমার  
রুদ্রতার মধ্যে অনেক দুঃখদারিদ্র্য আছে— আমরা যেন  
বলতে পারি যে, সেই ঘন মেঘের আবরণ ভেদ করেও  
তোমার দক্ষিণ মুখ দেখেছি। ‘বেদাহম’— জেনেছি।  
‘আদিত্যবর্ণং তমসঃ পরস্তাং’— অঙ্ককারেরই ওপার থেকে  
দেখেছি জ্যোতির রূপ। তাই অঙ্ককারকে আর ভয়  
করি নে। যে অঙ্ককার নিজেদের ছোটো গণ্ডির মধ্যেই

## বিশ্বভাৰতী

আমাদেৱ ছোটো পৰিচয়ে আবদ্ধ কৱে তাকে স্বীকাৰ  
কৱি নে। যে আলো সকলেৱ কাছে আমাদেৱ প্ৰকাশ  
কৱে এবং সকলকে আমাদেৱ কাছে প্ৰকাশ কৱে আমৱা  
তাৱই অভিনন্দন কৱি।

৭ পৌষ ১৩৩০

শাস্ত্ৰনিকেতন

## বিশ্বভারতী

১১

আজ আমার আর একবার আশ্রম থেকে দূরে যাবার  
সময় উপস্থিত হয়েছে, ইয়তো কিছু দীর্ঘকালের জন্যে এবার  
বিদেশে আমাকে কাটাতে হবে। যাবার পূর্বে আর  
একবার এই আশ্রম সম্বন্ধে, এই কর্ম সম্বন্ধে আমাদের যা  
কথা আছে তা স্ফুল্পষ্ট করে বলে যেতে চাই।

আজ আমার চোখের সামনে আমাদের আশ্রমের এই  
বর্তমান ছবি— এই ছাত্রনিবাস, কলাভবন, গ্রন্থাগার,  
অতিথিশালা, সব স্বপ্নের মতো মনে হচ্ছে। ভাবছি, কী  
করে এর আরম্ভ, এর পরিণাম কোথায়। সকলের চেয়ে  
এইটেই আশ্চর্য যে, যে লোক একেবারে অধৈর্য— মনে  
করবেন না এ কোনোরকম কুত্রিম বিনয়ের কথা— তাকে  
দিয়ে এই কাজ সাধন করে নেবার বিধান। ছাত্রদের  
যেদিন এখানে আহ্বান করলুম সেদিন আমার হাতে  
কেবল যে অর্থ ছিল না তা নয়, একটা বড়ো ঝণভারে  
তখন আমি একান্ত বিপন্ন। তা শোধ করবার কোনো  
উপায় আমার ছিল না। তার পরে বিদ্যাশিক্ষা দেওয়া  
সম্বন্ধে আমার যে কত অক্ষমতা ছিল তা সকলেই জানেন।  
আমি ভালো করে পড়ি নি, আমাদের দেশে যে শিক্ষা-  
প্রণালী প্রচলিত ছিল তার সঙ্গে আমার পরিচয় ছিল না।  
সব রকমের অধৈর্যতা এবং দৈন্য নিয়ে কাজে নেমেছিলুম।

## বিশ্বভারতী

এর আরম্ভ অতি ক্ষীণ এবং দুর্বল ছিল, গুটি-পাচেক ছাত্র ছিল। ছাত্রদের কাছ থেকে বেতন নিতুম না ; ছেলেদের অন্নবস্তু, প্রয়োজনীয় দ্রব্যসামগ্ৰী যেমন কৱে হোক আমাকেই জোগাতে হত, অধ্যাপকদের সাংসারিক অভাব মোচন কৱতে হত। বৎসরের পৱ বৎসর যায়, অর্ধাভাব সমানই রহিল, বিদ্যালয় বাড়তে লাগল। দেখা গেল, বেতন না নিলে বিদ্যালয় রক্ষা কৱা যায় না। বেতনের প্রবৰ্তন হল ; কিন্তু অভাব দূর হল না। আমাৰ গ্ৰন্থেৰ স্বত্ব কিছু কিছু কৱে বিক্ৰয় কৱতে হল। এদিকে ওদিকে দু-একটা যা সম্পত্তি ছিল তা গেল, অলংকাৰ বিক্ৰয় কৱলুম— নিজেৰ সংসাৱকে রিস্ক কৱে কাজ চালাতে হল। কৌ দুঃসাহসে তখন প্ৰবৃত্তি হয়েছিলুম জানি নে। স্বপ্নেৰ ঘোৱে যে মানুষ দুর্গম পথে ঘুৱে বেড়িয়েছে সে যেমন জেগে উঠে কেঁপে উঠে, আজ পিছন দিকে যখন তাকিয়ে দেখি তখন আমাৰও সেই রুকমেৰ হৃৎকম্প হয়।

অথচ এটি সামান্যই একটি বিদ্যালয় ছিল। কিন্তু এই সামান্য ব্যাপারটি নিয়েই আবাল্যকালেৰ সাহিত্যসাধনাও আমাকে অনেক পৱিমাণে বৰ্জন কৱতে হল। এৱ কাৰণ কী, এত আকৰ্ষণ কিসেৱ। এই গ্ৰন্থেৰ যে উত্তৰ আমাৰ মনে আসছে সেটা আপনাদেৱ কাছে বলি। অতি গভীৰভাবে নিবিড়ভাবে এই বিশ্বপ্ৰকৃতিকে শিশুকাল থেকে আমি ভালোবেসেছি। আমি খুব প্ৰবলভাবেই অনুভব কৱেছি যে, শহৰেৱ জীবনযাত্ৰা আমাদেৱ চাৰ দিকে যন্ত্ৰেৰ প্ৰাচীৱ

## বিশ্বভারতী

তুলে দিয়ে বিশ্বের সঙ্গে আমাদের বিচ্ছেদ ঘটিয়ে দিয়েছে। এখানকার আশ্রমে, প্রকৃতির প্রাণনিকেতনের উন্মুক্ত প্রাঙ্গণে, বসন্ত-শরতের পুষ্পোৎসবে ছেলেদের যে স্থান করে দিয়েছি তারই আনন্দে দুঃসাধ্য ত্যাগের মধ্যে আমাকে ধরে রেখেছিল। প্রকৃতিমাতা যে অমৃত পরিবেশন করেন সেই অমৃত গানের সঙ্গে মিলিয়ে নানা আনন্দ-অনুষ্ঠানের মধ্যে ফলিয়ে এদের সকলকে বিতরণ করেছি। এরই সফলতা প্রতিদিন আমাকে উৎসাহ দিয়েছে। আর যে একটি কথা অনেক দিন থেকে আমার মনে জেগে ছিল সে হচ্ছে এই যে, ছাত্র ও শিক্ষকের সমন্বয় অত্যন্ত সত্য হওয়া দরকার। মানুষের পরম্পরের মধ্যে সকল প্রকার ব্যাপারেই দেনাপাওনার সমন্বয়। কথনও বেতন দিয়ে, কথনও ত্যাগের বিনিয়য়ে, কথনও-বা জবরদস্তির দ্বারা মানুষ এই দেওয়া-নেওয়ার প্রবাহকে দিনরাত চালিয়ে রাখছে। বিদ্যা যে দেবে এবং বিদ্যা যে নেবে তাদের উভয়ের মাঝখানে যে সেতু সেই সেতুটি হচ্ছে ভক্তিস্থেহের সমন্বয়। সেই আনন্দীয়তার সমন্বয় না থেকে যদি কেবল শুল্ক কর্তব্য বা ব্যবসায়ের সমন্বয়ই থাকে তা হলে যারা পায় তারা হতভাগ্য, যারা দেয় তারাও হতভাগ্য। সাংসারিক অভাবমোচনের জন্য বাহিরের দিক থেকে শিক্ষককে বেতন নিতে হয়, কিন্তু তাঁর অন্তরের সমন্বয় সত্য হওয়া চাই। এ আদর্শ আমাদের বিদ্যালয়ে সেদিন অনেক দূর পর্যন্ত চালাতে পেরেছিলুম। তখন শিক্ষকেরা ছাত্রদের

## বিশ্বভারতী

সঙ্গে একসঙ্গে বেড়িয়েছেন, খেলা করেছেন, তাদের সঙ্গে  
তাদের সমস্ক ঘনিষ্ঠ ছিল। ভাষা কি ইতিহাস কি ভূগোল  
নৃতন উৎকৃষ্ট প্রণালীতে কী শিখিয়েছি না-শিখিয়েছি জানি  
নে, কিন্তু যে জিনিসটাকে কোনো বিদ্যালয়ে কেউ  
অত্যাবশ্রুক বলে মনে করে না, অথচ যা সবচেয়ে বড়ো  
জিনিস, আমাদের বিদ্যালয়ে তার স্থান হয়েছে মনে করে  
আনন্দে অন্তস্কল অভাব ভুলে ছিলুম।

ক্রমে আমাদের সেই অতি ছোটো বিদ্যালয় বড়ো  
হয়েছে। ভারতবর্ষের অন্ত্যান্ত প্রদেশ থেকে আপনারা অনেকে  
সমাগত হয়েছেন, ছাত্রাও বিভিন্ন প্রদেশ থেকে এসেছে।  
ক্রমে এর সীমা আরও দূরে প্রসারিত হল, বিদেশ থেকে  
বন্ধুরা এসে এই কাজে যোগ দিলেন। যা প্রচলন ছিল  
তা কোনোদিন যে এমন ব্যাপকভাবে প্রকাশমান হবে তা  
কথনও ভাবি নি।

আমরা চেষ্টা করি নি, আমরা প্রত্যাশা করি নি।  
চিরদিন অল্প আয়োজন এবং অল্প শক্তিতেই আমরা  
একান্তে কাজ করেছি। তবু আমাদের এই প্রতিষ্ঠান  
যেন নিজেরই অন্তর্গৃহ স্বভাব অনুসরণ করে বিশ্বের ক্ষেত্রে  
নিজেকে ব্যক্ত করেছে। পাশ্চাত্য দেশের যেসব মনীষী  
এখানে এসেছিলেন— লেভি, উইণ্টারনিটজ্জ, লেস্নি, তাঁরা  
যে এমন কিছু এখানে পেয়েছিলেন যা বাংলাদেশের কোণের  
মধ্যে বন্ধ নয়, তা থেকে বুঝতে পারি এখানে কোনো  
একটি সত্ত্বের প্রকাশ হয়েছে। তাঁরা যে আনন্দ যে

## বিশ্বভারতী

শ্রদ্ধা যে উৎসাহ অনুভব করে গেছেন তা যে এখানে  
আমাদের সকলের মধ্যে স্ফূর্তি পাচ্ছে তা নয়— তৎসম্ভেদেও  
এখানকার বাতাসের মধ্যে এমন কোনো একটা সার্থকতা  
আছে যার স্পর্শে দূরাগত অতিথিরা অন্তরঙ্গ স্বহৃদ হয়ে  
উঠেছেন— যারা কিছুদিনের জন্মে এসেছিলেন তাদের সঙ্গে  
চিরকালের যোগ ঘটেছে।

আজ ভেদবুদ্ধি ও বিদ্বেষবুদ্ধি সমস্ত পৃথিবীতে আগুন  
লাগিয়েছে, মানুষে মানুষে এমন জগদ্ব্যাপী পরমশক্তার  
সংঘাত প্রাচীন ইতিহাসে নেই। দেশে দেশান্তরে এই  
আগুন ছড়িয়ে গেল। প্রাচ্য মহাদেশে আমরা বহু শতাব্দী  
যুমিয়ে ছিলুম, আমরা যে জাগলুম সে এরই আঘাতে।  
জাপান মার খেয়ে জেগেছে। ভারতবর্ষ থেকে প্রেমের  
দৌত্য একদিন তাকে জাগিয়েছিল, আজ লোভ এসে ঘা  
দিয়ে ভয়ে তাকে জাগিয়েছে। লোভের দণ্ডের ঘা খেয়ে যে  
জাগে সে অন্তকেও ভয় দেখায়। জাপান কোরিয়াকে  
মারলে, চীনকে মারতে গিয়েছিল।

মানুষের আজ কী অসহ বেদন। দাসত্বে ব্রতী হয়ে  
কত কলে সে ক্লিষ্ট হচ্ছে— মানুষের পূর্ণতা সর্বত্র পীড়িত।  
মনুষ্যত্বের এই-যে খর্বতা, সমস্ত পৃথিবী জুড়ে যন্ত্রদেবতার  
এই-যে পূজা, এই-যে আত্মহত্যা, পৃথিবীর কোথাও একে  
নিরস্ত করবার প্রয়াস কি থাকবে না। আমরা দরিদ্র,  
অন্ত জাতির অধীন, তাই বলেই কি মানুষ তার সত্য  
সম্পদ আমাদের কাছ থেকে নেবে না। যদি সাধনা সত্য

## বিশ্বভারতী

হয়, অস্ত্রে আমাদের বাণী থাকে, তবে মাথা হেঁট করে  
সকলকে নিতেই হবে।

একদিন বুদ্ধ বললেন, ‘আমি সমস্ত মানুষের দুঃখ  
দূর করব।’ দুঃখ তিনি সত্যই দূর করতে পেরেছিলেন  
কি না সেটি বড়ো কথা নয়; বড়ো কথা হচ্ছে, তিনি  
এটি ইচ্ছা করেছিলেন, সমস্ত জীবের জন্য নিজের জীবনকে  
উৎসর্গ করেছিলেন। ভারতবর্ষ ধনী হোক, প্রবল হোক,  
এ ঠার তপস্থা ছিল না; সমস্ত মানুষের জন্য তিনি সাধনা  
করেছিলেন। আজ ভারতের মাটিতে আবার সেই  
সাধনা জেগে উঠুক সেই ইচ্ছাকে ভারতবর্ষ থেকে কি  
দূর করে দেওয়া চলে। আমি যে বিশ্বভারতীকে এই ভাবের  
স্বার্থ অনুপ্রাণিত করতে পারি নি সে আমার নিজেরই  
দৈন্য— আমি যদি সাধক হতুম, সে একাগ্রতার শক্তি  
যদি আমার থাকত, তবে সব আপনিই হত। আজ অত্যন্ত  
নন্দিভাবে সাহুনয়ে আপনাদের জানাচ্ছি, আমি অযোগ্য,  
তাই এ কাজ আমার একলার নয়, এ সাধনা আপনাদের  
সকলের। এ আপনাদের গ্রহণ করতে হবে।

বিদেশে যখন যাই তখন সর্বমানুষের সম্বন্ধে আমাদের  
দেশে চৈতন্যের যে ক্ষীণতা আছে তা ভুলে যাই, ভারতের  
যজ্ঞক্ষেত্রে সকলকে আহ্বান করি। ফিরে এসে দেখি—  
এখানে সে বৃহৎ ভূমিকা কোথায়, বৃহৎ জগতের মাঝখানে  
যে আমরা আছি সে দৃষ্টি কোথায়! আমার শক্তি নেই,  
কিন্তু মনে ভরসা ছিল— বিশ্বের মর্মস্থান থেকে যে ডাক

## বিশ্বভারতী

এসেছে তা অনেকেই শুনতে পাবে, অনেকে একত্র মিলিত হবে। সেই বোধের বাধা আমাদের আশ্রম থেকে যেন সর্বপ্রয়ত্নে দূর করি, রিপুর প্রভাব-জনিত যে দৃঃখ তা থেকে যেন বাঁচি। হয়তো আমাদের সাধনা সিদ্ধ হবে, হয়তো হবে না। আমি গীতার কথা অন্তরের সঙ্গে মানি—ফলে লোভ করলে আপনাকে ভোলাব, অন্তকে ভোলাব। আমাদের কাজ বাইরে থেকে খুবই সামান্য—ক'টিই বা আমাদের ছাত্র, ক'টিই বা বিভাগ, কিন্তু অন্তরের দিক থেকে এর অধিকারের সৈমা নেই। আমাদের সকলের সম্মিলিত চিন্ত সেই অধিকারকে দৃঢ় করুক, সেই অধিকারকে অবলম্বন করে বিচিত্র কল্যাণের সৃষ্টি করুক—সেই সৃষ্টির আনন্দ এবং তপোদুঃখ আমাদের হোক। ছোটো ছোটো মতের অনৈক্য, স্বার্থের সংঘাত ভুলে গিয়ে সাধনাকে আমরা বিশুদ্ধ রাখব সেই উৎসাহ আমাদের আস্তুক। আমার নিজের চিন্তের তেজ যদি বিশুদ্ধ ও উজ্জ্বল থাকত তা হলে আমি শুরুর আসন থেকে এই দাবি করতুম। কিন্তু আমি আপনাদের সঙ্গে এক পথেরই পথিক মাত্র; আমি চালনা করতে পারি নে, চাই নে। আপনারা জানেন, আমার যা দেবার তা দিয়েছি, কৃপণতা করি নি। তাই আপনাদের কাছ থেকে ভিক্ষা করবার অধিকার আমার আজ হয়েছে।

একদিন আমাদের এখানে যে উৎসোগ আরম্ভ হয়েছিল  
সে অনেক দিনের কথা। আমাদের একটি পূর্বতন ছাত্র  
সেদিনকার ইতিহাসের একটি খণ্ডকালকে কয়েকটি  
চিঠিপত্র ও মুদ্রিত বিবরণীর ভিতর দিয়ে আমার  
সামনে এনে দিয়েছিল। সেই ছাত্রটি এই বিদ্যায়তনের  
প্রতিষ্ঠা থেকেই এর সঙ্গে যুক্ত ছিল। কাল রাত্রে সেদিন-  
কার ইতিকথার ছিন্নলিপি যথন পড়ে দেখছিলুম তখন  
মনে পড়ল, কী ক্ষীণ আরম্ভ, কত তুচ্ছ আয়োজন।  
সেদিন যে মূর্তি এই আশ্রমের শালবীঞ্চায়ায় দেখা  
দিয়েছিল, আজকের দিনের বিশ্বভারতীর রূপ তার মধ্যে  
এতই প্রচ্ছন্ন ছিল যে, সে কারও কল্পনাতেও আসতে পারত  
না। এই অনুষ্ঠানের প্রথম স্মৃচনা-দিনে আমরা আমাদের  
পুরাতন আচার্যদের আহ্বানমন্ত্র উচ্চারণ করেছিলেম— যে  
মন্ত্রে তাঁরা সকলকে ডেকে বলেছিলেন ‘আয়ম্ভ সর্বতঃ  
স্বাহা’; বলেছিলেন ‘জলধারাসকল যেমন সমুদ্রের মধ্যে  
এসে মিলিত হয়, তেমনি করে সকলে এখানে মিলিত  
হোক।’ তাঁদেরই আহ্বান আমাদের কঠে ধ্বনিত  
হল, কিন্তু ক্ষীণকঠে। সেদিন সেই বেদমন্ত্র-আবৃত্তির  
ভিতরে আমাদের আশা ছিল, ইচ্ছা ছিল। কিন্তু আজ যে  
প্রাণের বিকাশ আমরা অনুভব করছি, সুস্পষ্টভাবে সেটা

## বিশ্বভারতী

আমাদের গোচর ছিল না। এই বিদ্যালয়ের প্রচলিত  
অন্তর্স্তর থেকে সত্ত্বের বৌজ আমার জীবিতকালের মধ্যেই  
অঙ্কুরিত হয়ে বিশ্বভারতী রূপে বিস্তার লাভ করবে,  
ভরসা করে এই কল্পনাকে মেদিন মনে স্থান দিতে পারি  
নি। কোনো একদিন বিরাট ভারতবর্ষ এই আশ্রমের  
মধ্যে আসন পাবে, এই ভারতবর্ষ—যেখানে নানা জাতি  
নানা বিশ্বা নানা সম্প্রদায়ের সমাবেশ—সেই ভারতবর্ষের  
সকলের জন্যই এখানে স্থান প্রস্তুত হবে, সকলেই এখানে  
আতিথ্যের অধিকার পাবে, এখানে পরম্পরার মন্ত্রিলনের  
মধ্যে কোনো বাধা কোনো আঘাত থাকবে না, এই সংকল্প  
আমার মনে ছিল। তখন একান্ত মনে এই ইচ্ছা করে-  
ছিলেম যে, ভারতবর্ষের আর সর্বত্রই আমরা বন্ধনের রূপ  
দেখতে পাই, কিন্তু এখানে আমরা মুক্তির রূপকেই যেন  
স্পষ্ট দেখি। যে বন্ধন ভারতবর্ষকে জর্জরিত করেছে সে  
তো বাইরে নয়, সে আমাদেরই ভিতরে। যাতেই বিচ্ছিন্ন  
করে তাই যে বন্ধন। যে কারাকন্দ সে বিচ্ছিন্ন বলেই  
বন্দী। ভেদবিভেদের প্রকাণ শৃঙ্খলের অসংখ্য চক্ৰ সমস্ত  
ভারতবর্ষকে ছিৱিচ্ছিন্নতায় পীড়িত ক্লিষ্ট করে রেখেছে,  
আত্মীয়তার মধ্যে মানুসের যে মুক্তি সেই মুক্তিকে প্রত্যেক  
পদে বাধা দিচ্ছে, পরম্পরাবিভিন্নতাই ক্রমে পরম্পর-  
বিরোধিতার দিকে আমাদের আকর্ষণ করে নিয়ে যাচ্ছে।  
এক প্রদেশের সঙ্গে অন্য প্রদেশের অনৈক্যকে আমরা  
রাষ্ট্রনৈতিক বক্তৃতামুক্তে বাক্যকুহেলিকাৰ মধ্যে ঢাকা

## বিশ্বভারতী

দিয়ে রাখতে চাই, কিন্তু জীবনের ক্ষেত্রে পরম্পরসমূহকে ইর্বা অবজ্ঞা আত্মপরভেদবুদ্ধি কেবলই যথন কণ্টকিত হয়ে ওঠে তখন সেটার সমূহকে আমাদের লজ্জাবোধ পর্যন্ত থাকে না। এমনি করে পরম্পরার সঙ্গে সহযোগিতার আশা দূরে থাক, পরম্পরার মধ্যে পরিচয়ের পথও স্থগভীর ঔদাসীন্তের স্বার্বা বাধাগ্রস্ত।

যে অঙ্ককারে ভারতবর্ষে আমরা পরম্পরাকে ভালো করে দেখতে পাই নে, সেইটেই আমাদের সকলের চেয়ে দুর্বলতার কারণ। রাতের বেলায় আমাদের ভয়ের প্রবৃত্তি প্রবল হয়ে ওঠে, অথচ সকালের আলোতে সেটা দূর হয়ে যায়। তার প্রধান কারণ, সকালে আমরা সকলকে দেখতে পাই, রাতে আমরা নিজেকে স্বতন্ত্র করে দেখি। ভারতবর্ষে সেই রাত্রি চিরস্তন হয়ে রয়েছে। মুসলমান বলতে কী বোঝায় তা সম্পূর্ণ ক'রে, আপনার ক'রে, অর্থাৎ রাম-মোহন রায় যেমন ক'রে জানতেন, তা খুব অল্প হিন্দুই জানেন। হিন্দু বলতে কী বোঝায় তাও বড়ো ক'রে, আপনার ক'রে, অর্থাৎ দারাশিকো একদিন যেমন ক'রে বুঁৰেছিলেন, তাও অল্প মুসলমানই জানেন। অথচ এইরকম গভীর ভাবে জানার ভিতরেই পরম্পরার ভেদ ঘোচে।

কিছুকাল থেকে আমরা কাগজে পড়ে আসছি, পঞ্জাবে অকালি শিখ সম্প্রদায়ের মধ্যে একটি প্রবল ধর্ম-আন্দোলন জেগে উঠেছে, যার প্রবর্তনায় তারা দলে দলে নির্ভয়ে বধ-বন্ধনকে স্বীকার করেছে। কিন্তু অন্য শিখদের সঙ্গে তাদের

## বিশ্বভারতী

পার্থক্য কোথায়, কোনখানে তারা এত প্রচণ্ড আঘাত পেয়েছে, ও কোন সত্ত্যের প্রতি শ্রদ্ধাবশত তারা সেই আঘাতের সঙ্গে প্রাণস্তকর সংগ্রাম করে জয়ী হয়েছে, সে সম্বন্ধে আমাদের দরদের কথা দূরে যাক— আমাদের জিজ্ঞাসাবৃত্তি পর্যন্ত জাগে নি। অথচ কেবলমাত্র কথার জোরে এদের নিয়ে রাষ্ট্রীয় ঐক্যতন্ত্র স্থাপ্তি করব বলে কল্পনা করতে কোথাও আমাদের বাধে না। দাক্ষিণাত্যে যখন মোপ্লা-দৌরাত্ম্য নিষ্ঠুর হয়ে দেখা দিল তখন সে সম্বন্ধে বাংলাদেশে আমরা সে পরিমাণেও বিচলিত হই নি যতটা হলে তাদের ধর্ম সমাজ ও আর্থিক কারণ-ঘটিত তথ্য জ্ঞানবার জন্য আমাদের জ্ঞানগত উত্তেজনা জন্মাতে পারে। অথচ এই মালাবারের হিন্দু ও মোপ্লাদের নিয়ে মহা-জাতিক ঐক্য স্থাপন করা সম্বন্ধে অস্তত বাক্যগত সংকলন আমরা সর্বদাই প্রকাশ করে থাকি।

আমাদের শাস্ত্রে বলে, অবিদ্যা অর্থাৎ অজ্ঞানের বন্ধনই বন্ধন। এ কথা সকল দিকেই থাটে। যাকে জানি নে তার সম্বন্ধেই আমরা যথার্থ বিচ্ছিন্ন। কোনো বিশেষ দিনে তাকে গলা জড়িয়ে আলিঙ্গন করতে পারি, কেননা সেটা বাহু; তাকে বক্তু সন্তান ক'রে অঙ্গপাত করতে পারি, কেননা সেটাও বাহু; কিন্তু ‘উৎসবে ব্যসনে চৈব দুর্ভিক্ষে রাষ্ট্রবিপ্লবে রাজধারে শুশানে চ’ আমরা সহজ প্রীতির অনিবার্য আকর্ষণে তাদের সঙ্গে সাযুজ্য রক্ষা করতে পারি নে। কারণ, যাদের আমরা নিবিড়ভাবে জানি

## বিশ্বভারতী

তাৱাই আমাদেৱ জ্ঞাতি। ভাৱতবৰ্ষেৱ লোক প্ৰস্পৰেৱ  
সম্বন্ধে যথন মহাজ্ঞাতি হবে তখনই তাৱা মহাজ্ঞাতি হতে  
পাৱবে।

সেই জ্ঞানবাৱ সোপান তৈৰি কৱাৱ দ্বাৱা মেলবাৱ  
শিখৰে পৌছবাৱ সাধনা আমৱা গ্ৰহণ কৱেছি। একদা  
যেদিন সুহৃদ্বৰ বিধুশেখৰ শাস্ত্ৰী ভাৱতেৱ সৰ্ব সম্প্ৰদায়ৰেৱ  
বিদ্যাগুলিকে ভাৱতেৱ বিদ্যাক্ষেত্ৰে একত্ৰ কৱবাৱ জন্ম  
উঠোগী হয়েছিলেন তখন আমি অত্যন্ত আনন্দ ও উৎসাহ  
বোধ কৱেছিলেম। তাৱ কাৱণ, শাস্ত্ৰীমশায় প্ৰাচীন ভাৰতীয়-  
পঞ্জিতদেৱ শিক্ষাধাৰাৰ পথেই বিদ্যালাভ কৱেছিলেন।  
হিন্দুদেৱ সনাতন শাস্ত্ৰীয় বিদ্যাৱ বাহিৰে যেসকল  
বিদ্যা আছে তাকেও শ্ৰদ্ধাৱ সঙ্গে স্বীকাৱ কৱতে  
পাৱলে তবেই যে আমাদেৱ শিক্ষা উদ্বাৰভাবে সাৰ্থক  
হতে পাৱে, তাঁৰ মুখে এ কথাৱ সত্য বিশেষভাৱে বল  
পেয়ে আমাৱ কাছে প্ৰকাশ পেয়েছিল। আমি অনুভব  
কৱেছিলেম, এই ঔদাৰ্য, বিদ্যাৱ ক্ষেত্ৰে সকল জাতিৰ প্ৰতি  
এই সমস্মান আতিথ্য, এইটিই হচ্ছে যথাৰ্থ ভাৱতীয়।  
সেই কাৱণেই ভাৱতবৰ্ষ পুৱাকালে যথন গ্ৰীক-ৱোমকদেৱ  
কাছ থেকে জ্যোতিৰ্বিদ্যাৱ বিশেষ পত্ৰা গ্ৰহণ কৱেছিলেন,  
তখন ম্লেছগুৰুদেৱ ঋষিকল্প বলে স্বীকাৱ কৱতে কুণ্ঠিত  
হন নি। আজ যদি এ সম্বন্ধে আমাদেৱ কিছুমাত্ৰ কৃপণতা  
ঘটে থাকে, তবে জ্ঞানতে হবে আমাদেৱ মধ্যে সেই বিশুল্ক  
ভাৱতীয় ভাৱেৱ বিকল্পি ঘটেছে।

## বিশ্বভারতী

এ দেশের নানা জাতির পরিচয়ের উপর ভারতের  
ষে আত্মপরিচয় নির্ভর করে, এখানে কোনো-এক জায়গায়  
তার তো সাধনা থাকা দরকার। শাস্তিনিকেতনে সেই  
সাধনার প্রতিষ্ঠা ক্রিয় হোক, এই ভাবনাটি এই প্রতিষ্ঠানের  
মধ্যে আমাদের লক্ষ্য ও অলক্ষ্য বিরাজ করছে। কিন্তু  
আমার সাধ্য কী। সাধ্য থাকলেও এ ষদি আমার একসাইট  
স্থিত হয় তা হলে এর সার্থকতা কী। যে দীপ পথিকের  
প্রত্যাশায় বাতায়নে অপেক্ষা করে থাকে সেই দীপটুকু  
জ্বলে রেখে দিয়ে আমি বিদায় নেব, এইটুকুমাত্রই আমার  
ভবসা ছিল।

তার পরে অসংখ্য অভাব দৈন বিরোধ ও ব্যাঘাতের  
ভিত্তি দিয়ে দুর্গম পথে এ'কে বহন করে এসেছি। এর  
অন্তর্নিহিত সত্য ক্রমে আপনার আবরণ মোচন করতে  
করতে আজ আমাদের সামনে অনেকটা পরিমাণে সুস্পষ্ট  
রূপ ধারণ করেছে। আমাদের আনন্দের দিন এল। আজ  
আপনারা এই-যে সমবেত হয়েছেন, এ আমাদের কত  
বড়ো সৌভাগ্য। এর সন্তুষ্টি, ধীরা নানা কর্মে ব্যাপৃত,  
এর সঙ্গে তাদের যোগ ক্রমে ক্রমে যে ঘনিষ্ঠ হন্দে উঠেছে,  
এ আমাদের কত বড়ো সৌভাগ্য।

এই কর্মানুষ্ঠানটিকে বহুকাল একলা বহন করার পর  
যেদিন সকলের হাতে সমর্পণ করলুম সেদিন মনে এই দ্বিধা  
এসেছিল যে, সকলে একে শ্রদ্ধা করে গ্রহণ করবেন কি না।  
অস্তরায় অনেক ছিল, এখনও আছে। তবুও সংশয় ও

## বিশ্বভারতী

সংকোচ থাকা সত্ত্বেও এ'কে সম্পূর্ণভাবেই সকলের কাছে  
নিবেদন করে দিয়েছি। কেউ যেন না মনে করেন এটা  
একজন লোকের কীর্তি এবং তিনি এটাকে নিজের সঙ্গেই  
একান্ত করে জড়িয়ে রেখেছেন। যাকে এত দীর্ঘকাল  
এত করে পালন করে এসেছি, তাকে যদি সাধারণের কাছে  
শ্রদ্ধেয় করে থাকি, সে আমার সবচেয়ে বড়ো সৌভাগ্য।  
সেদিন আজ এসেছে বলি নে, কিন্তু সেদিনের সূচনাও কি  
হয় নি? যেমন সেই প্রথম দিনে আজকের দিনের সম্ভাবনা  
কল্পনা করতে সাহস পাই নি, অথচ এই ভবিষ্যৎকে গোপনে  
সে বহন করেছিল, তেমনি ভারতবর্ষের দূর ইতিহাসে এই  
বিশ্বভারতীর যে পূর্ণ অভিব্যক্তি হবে তা প্রত্যয় করব  
না কেন। সেই প্রত্যয়ের দ্বারাই এর প্রকাশ বল পেয়ে  
ঞ্চ হয়ে উঠে, এ কথা আমাদের মনে রাখতে হবে। এর  
প্রমাণ আরম্ভ হয়েছে যখন দেখতে পাচ্ছি আপনারা এর  
ভার গ্রহণ করেছেন। এই প্রতিষ্ঠানের দিক থেকে এটা  
বড়ো কথা, আবার আমার দিক থেকেও এ তো কম কথা  
নয়। কোনো একজন মানুষের পক্ষে এর ভার দুঃসহ।  
এই ভারকে বহন করবার অনুকূলে আমার আন্তরিক  
প্রত্যয় ও প্রত্যাশার আনন্দ যদিও আমাকে বল দিয়েছে,  
তবু আমার শক্তির দৈন্য কোনোদিনই ভুলতে অবকাশ  
পাই নি। কত অভাব কত অসামর্থ্যের দ্বারা এত কাল  
প্রত্যহ পীড়িত হয়ে এসেছি, বাইরের অকারণ প্রতিকূলতা  
একে কত দিক থেকে ক্ষুণ্ণ করেছে। তবু এর সমস্ত ঝটি

## বিশ্বভাবতী

অসম্পূর্ণতা, এর সমস্ত দারিদ্র্য সঙ্গেও আপনারা এ'কে শুধু করে পালন করবার ভার নিয়েছেন, এতে আমাকে যে কত দয়া করেছেন তা আমিই জানি। সেজন্ত ব্যক্তিগতভাবে আজ আপনাদের কাছে আমি কৃতজ্ঞতা নিবেদন করছি।

এই প্রতিষ্ঠানের বাহ্যায়তনটিকে স্থচিস্তিত বিধি-বিধান দ্বারা সুসংকৃত করবার ভার আপনারা নিয়েছেন। এই নিয়মসংঘটনের কাজ আমি যে সম্পূর্ণ বুঝি তা বলতে পারি নে, শ্রীরের চুর্বলতা-বশত সব সময়ে এতে আমি ধর্থেষ্ট মন দিতেও অক্ষম হয়েছি। কিন্তু নিশ্চিত জানি, এই অঙ্গবন্ধনের প্রয়োজন আছে। জলের পক্ষে জলাশয়ের উপরোগিতা কে অস্বীকার করবে। সেইসঙ্গে এ কথাও মনে রাখা চাই যে, চিন্ত দেহে বাস করে বটে কিন্তু দেহকে অতিক্রম করে। দেহ বিশেষ সীমায় বন্ধ, কিন্তু চিন্তের বিচরণক্ষেত্র সমস্ত বিশ্বে। দেহব্যবস্থা অতিজিতিলতার দ্বারা চিন্তব্যাধির বাধা ধাতে না ঘটায়, এ কথা আমাদের মনে রাখতে হবে। এই প্রতিষ্ঠানের কায়ারূপটির পরিচয় সম্প্রতি আমার কাছে স্বস্পষ্ট ও সম্পূর্ণ নয়, কিন্তু এর চিন্ত-রূপটির প্রসার আমি বিশেষ করেই দেখেছি। তার কারণ, আমি আশ্রমের বাইরে দূরে দূরে বারবার ভ্রমণ করে থাকি। কতবার মনে হয়েছে, যারা এই বিশ্বভাবতীর যুজ্ঞকর্তা তারা যদি আমার সঙ্গে এসে বাইরের জগতে এবং পরিচয় পেতেন তা হলে জানতে পারতেন কোন্-

## বিশ্বভারতী

বৃহৎ ভূমির উপরে এর আশ্রয়। তা হলে বিশেষ দেশকাল  
ও বিধিবিধানের অতীত এর মুক্তরূপটি দেখতে পেতেন।  
বিদেশের লোকের কাছে ভারতের সেই প্রকাশ সেই  
পরিচয়ের প্রতি প্রভূত শ্রদ্ধা দেখেছি যা ভারতের  
ভূ-সৌমান্যার মধ্যে বন্ধ হয়ে থাকতে পারে না, যা আলোর  
মতো দীপকে ছাড়িয়ে যায়। এর থেকে এই বুঝেছি,  
ভারতের এমন কিছু সম্পদ আছে যার প্রতি দাবি সমস্ত  
বিশ্বের। জাত্যভিমানের প্রবল উগ্রতা মন থেকে নিরস্ত  
করে নব্রভাবে সেই দাবি পূরণ করবার দায়িত্ব আমাদের।  
যে ভারত সকল কালের সকল লোকের, সেই ভারতে সকল  
কাল ও সকল লোককে নিমন্ত্রণ করবার ভার বিশ্বভারতীর।

কিছুদিন হল যখন দক্ষিণ-আমেরিকায় গিয়ে ঝঁঝকক্ষে  
বন্ধ ছিলাম, তখন প্রায় প্রত্যহ আগস্টকের দল প্রশ্ন নিয়ে  
আমার কাছে এসেছিলেন। ঠান্ডের সকল প্রশ্নের ভিতরকার  
কথাটা এই যে, পৃথিবীকে দেবার মতো কোন্ ঐশ্বর  
ভারতবর্ষের আছে। ভারতের ঐশ্বর বলতে এই বুঝি,  
যা-কিছু তার নিজের লোকের বিশেষ ব্যবহারে নিঃশেষ  
করবার নয়। যা নিয়ে ভারত দানের অধিকার, আতিথের  
অধিকার পায়— যার জোরে সমস্ত পৃথিবীর মধ্যে সে  
নিজের আসন গ্রহণ করতে পারে— অর্থাৎ যাতে তার  
অভাবের পরিচয় নয়, তার পূর্ণতারই পরিচয়— তাই তার  
সম্পদ। প্রত্যেক বড়ো জাতির নিজের বৈষয়িক ব্যাপার  
একটা আছে, সেটাতে বিশেষভাবে তার আপন প্রয়োজন

## বিশ্বভারতী

সিক্ষ হয়। তার সৈন্ধসামন্ত-অর্থসামর্থ্যে আর কারও ভাগ চলে না। সেখানে দানের ধারা তার ক্ষতি হয়। ইতিহাসে ফিনিসীয় প্রভৃতি এমনসকল ধর্মী জাতির কথা শোনা যায় যারা অর্থ-অর্জনেই নিরস্ত্র নিযুক্ত ছিল। তারা কিছুই দিয়ে যায় নি, রেখে যায় নি। তাদের অর্থ যতই থাক্, তাদের ঐশ্বর্য ছিল না। ইতিহাসের জীর্ণ পাতার মধ্যে তারা আছে, যানুষের চিত্তের মধ্যে নেই। ইজিপ্ট, গ্রীস রোম প্যালেস্টাইন চীন প্রভৃতি দেশ শুধু নিজের ভোজ্য নয় সমস্ত পৃথিবীর ভোগ্য সামগ্রী উৎপন্ন করেছে। বিশ্বের তৃপ্তিতে তারা গৌরবান্বিত। সেই কারণে সমস্ত পৃথিবীর শুশ্র এই— ভারতবর্ষ শুধু নিজেকে নয়, পৃথিবীকে কী দিয়েছে। আমি আমার সাধ্যমত কিছু বলবার চেষ্টা করেছি এবং দেখেছি, তাতে তাদের আকাঙ্ক্ষা বেড়ে গেছে। তাই আমার মনে এই বিশ্বাস দৃঢ় হয়েছে যে, আজ ভারতবর্ষের কেবল যে ভিক্ষার ঝুলিই সম্বল তা নয়, তার প্রাঙ্গণে এমন একটি বিশ্বজ্ঞের স্থান আছে যেখানে অক্ষয় আত্মানের জন্য সকলকে সে আহ্বান করতে পারে।

সকলের জন্য ভারতের যে বাণী তাকেই আমরা বলি বিশ্বভারতী। সেই বাণীর প্রকাশ আমাদের বিদ্যালয়টুকুর মধ্যে নয়। শিব আমেন দরিদ্র ভিক্ষুকের মূর্তি ধরে, কিন্তু একদিন প্রকাশ হয়ে পড়ে সকল ঐশ্বর্য তাঁর মধ্যে। বিশ্বভারতী এই আশ্রমে দীন চন্দ্রবেশে এসেছিল ছোটো বিদ্যালয়-রূপে। সেই তার লীলার আরম্ভ, কিন্তু সেখানেই

## বিশ্বভারতী

তার চরম সত্য নয়। সেখানে সে ছিল ভিক্তক, মৃষ্টিভিক্ষা আহরণ করছিল। আজ সে দানের ভাণ্ডার খুলতে উচ্ছত। সেই ভাণ্ডার ভাবতের। ‘বিশ্বপৃথিবী আজ অঙ্গে দাঢ়িয়ে বলছে, ‘আমি এসেছি।’ তাকে যদি বলি, ‘আমাদের নিজের দায়ে ব্যস্ত আছি, তোমাকে দেবার কথা ভাবতে পারি নে’— তার মতো লজ্জা কিছুই নেই। কেননা দিতে না পারলেই হারাতে হয়।

এ কথা অঙ্গীকার করবার জো নেই যে, বর্তমান যুগে সমস্ত পৃথিবীর উপরে যুরোপ আপন প্রভাব বিস্তার করেছে। তার কারণ আকস্মিক নয়, বাহ্যিক নয়। তার কারণ, যে বর্বরতা আপন প্রয়োজনটুকুর উপরেই সমস্ত যন দেয়, সমস্ত শক্তি নিঃশেষ করে, যুরোপ তাকে অনেক দূরে ছাড়িয়ে গেছে। সে এমন কোনো সত্যের নাগাল পেয়েছে যা সর্বকালীন, সর্বজনীন, যা তার সমস্ত প্রয়োজনকে পরিপূর্ণ করে অক্ষয়ভাবে উদ্বৃত্ত থাকে। এই হচ্ছে তার বিজ্ঞান। এই বিজ্ঞানকে প্রকাশের স্বারাই পৃথিবীতে সে আপনার অধিকার পেয়েছে। যদি কোনো কারণে যুরোপের দৈহিক বিনাশও ঘটে, তবু এই সত্যের মূল্য মানুষের ইতিহাসে তার স্থান কোনোদিন বিলুপ্ত হতে পারবে না। মানুষকে চিরদিনের মতো সে সম্পদশালী করে দিয়েছে, এই তার সকলের চেয়ে বড়ো গৌরব, এই তার অমরতা। অর্থাৎ এই যুরোপ যেখানে আপনার লোভকে সমস্ত মানুষের কল্যাণের চেয়ে বড়ো করেছে, সেখানেই তার অভাব প্রকাশ

## বিশ্বভারতী

পায়, সেখানেই তার খর্বতা, তার বর্বরতা। তার একমাত্র কারণ এই যে, বিচ্ছিন্নভাবে কেবল আপনটুকুর মধ্যে মানুষের সত্য নেই— পশ্চিমেই সেই বিচ্ছিন্নতা, বিনাশশীল দৈহিক প্রাণ ছাড়া যে পশ্চির আর কোনো প্রাণ নেই। যারা মহাপুরুষ তারা আপনার জীবনে সেই অনিবাগ আলোককেই জালেন, যার দ্বারা মানুষ নিজেকে সকলের মধ্যে উপলব্ধি করতে পারে।

পশ্চিম-মহাদেশ তার পলিটিক্সের দ্বারা বৃহৎ পৃথিবীকে পর করে দিয়েছে, তার বিজ্ঞানের দ্বারা বৃহৎ পৃথিবীকে নিমন্ত্রণ করেছে। বৃহৎকালের মধ্যে ইতিহাসের উদার রূপ যদি আমরা দেখতে পাই তা হলে দেখব, আত্মস্ফূর্তি পলিটিক্সের দিকে যুরোপের আত্মাবমাননা, সেখানে তার অঙ্ককার ; বিজ্ঞানের দিকেই তার আলোক জলেছে, সেখানেই তার যথার্থ আত্মপ্রকাশ ; কেননা বিজ্ঞান সত্য, আর সত্যই অমরতা দান করে। বর্তমান যুগে বিজ্ঞানেই যুরোপকে সার্থকতা দিয়েছে, কেননা বিজ্ঞান বিশ্বকে প্রকাশ করে ; আর তার সর্বভুক্ত ক্ষুধিত পলিটিক্স, তার বিনাশকেই স্ফুটি করছে, কেননা পলিটিক্সের শোণিতরক্ত-উত্তেজনায় সে নিজেকে ছাড়া আর সমস্তকেই অস্পষ্ট ও ছোটো করে দেখে ; স্ফুটরাঙ্গ সত্যকে খণ্ডিত করার দ্বারা অশাস্ত্রিত চক্রবাত্যায় আত্মহত্যাকে আবর্তিত করে তোলে।

আমরা অত্যন্ত ভুল করব যদি মনে করি, সৌম্যাবিহীন অহমিকা -দ্বারা, জাত্যভিমানে আবিল ভেদবুদ্ধি -দ্বারাই

## বিশ্বভারতী

যুরোপ বড়ো হয়েছে। এমন অসম্ভব কথা আর হতে পারে না। বস্তুত সত্যের জোরেই তার জয়যাত্রা, রিপুর আকর্ষণেই তার অধঃপতন— যে রিপুর প্রবর্তনায় আমরা আপনাকে সব দিতে চাই, বাহিরকে বক্ষিত করি।

এখন নিজের প্রতি আমাদের সকলের চেয়ে বড়ো প্রশ্ন এই যে, আমাদের কি দেবার জিনিস কিছু নেই। আমরা কি আকিঞ্চন্তের সেই চরম বর্বরতায় এসে ঠেকেছি যার কেবল অভাবই আছে, ঐশ্বর্য নেই। বিশ্বসংসার আমাদের দ্বারে এসে অভুক্ত হয়ে ফিরলে কি আমাদের কোনো কল্যাণ হতে পারে। দুর্ভিক্ষের অন্ত আমাদের উৎপাদন করতে হবে না, এমন কথা আমি কথনোই বলি নে, কিন্তু ভাগীর যদি আমাদের অমৃত থাকে তার দায়িত্ব সম্পূর্ণ উপেক্ষা করে আমরা বাঁচতে পারব ?

এই প্রশ্নের উত্তর যিনিই যেমন দিন-না, আমাদের মনে যে উত্তর এসেছে বিশ্বভারতীর কাজের ভিতর তারই পূর্ণ অভিব্যক্তি হতে থাক, এই আমাদের সাধনা। বিশ্বভারতী এই বেদমন্ত্রের দ্বারাই আপন পরিচয় দিতে চায়— ‘যত্র বিশ্বং ভবত্যেকনীড়ম্’। যে আত্মীয়তা বিশে বিস্তৃত হবার ষোগ্য সেই আত্মীয়তার আসন এখানে আমরা পাতব। সেই আসনে জীর্ণতা নেই, মলিনতা নেই, সংকীর্ণতা নেই।

এই আসনে আমরা সবাইকে বসাতে চেয়েছি; সে কাজ কি এখনই আরম্ভ হয় নি। অন্ত দেশ থেকে যেমকল

## বিশ্বভারতী

মনীষী এখানে এসে পৌছেছেন, আমরা নিশ্চয় জানি তারা হৃদয়ের ভিতরে আহ্বান অনুভব করেছেন। আমার মন্দ্রবর্গ, যারা এই আশ্রমের সঙ্গে ঘনিষ্ঠভাবে সংযুক্ত, তারা সকলেই জানেন, আমাদের দূরদেশের অতিথিরা এখানে ভারতবর্ষেই আতিথ্য পেয়েছেন— পেয়ে গভীর তৃপ্তিলাভ করেছেন। এখান থেকে আমরাযে কিছু পরিবেশন করছি তার প্রমাণ সেই অতিথিদের কাছেই। তারা আমাদের অভিনন্দন করেছেন। আমাদের দেশের পক্ষ থেকে তারা আত্মীয়তা পেয়েছেন, তাদের পক্ষ থেকেও আত্মীয়তার সম্বন্ধ সত্য হয়েছে।

আমি তাই বলছি, কাজ আরম্ভ হয়েছে। বিশ্বভারতীর যে সত্য তা ক্রমশ উজ্জ্বলতর হয়ে উঠচ্ছে। এখানে আমরা ছাত্রদের কোন্ বিষয় পড়াচ্ছি, পড়ানো সকলের মনের মতো হচ্ছে কি না, সাধারণ কলেজের আদর্শে উচ্চশিক্ষা-বিভাগ খোলা হয়েছে বা জ্ঞানানুসন্ধান বিভাগে কিছু কাজ হচ্ছে, এ সমস্তকেই যেন আমরা আমাদের ক্ষব পরিচয়ের জিনিস বলে না মনে করি। এসমস্ত আজ আছে, কাল না থাকতেও পারে। আশক্ষা হয় পাছে যা ছোটো তাই বড়ো হয়ে ওঠে, পাছে একদিন আগাছাই ধানের খেতকে চাপা দেয়। বনস্পতির শাখায় কোনো বিশেষ পাথি বাসা বাধতে পারে, কিন্তু সেই বিশেষ পাথির বাসাই বনস্পতির একান্ত বিশেষণ নয়। নিজের মধ্যে বনস্পতি সমস্ত অরণ্য-প্রকৃতির যে সত্যপরিচয় দেয় সেইটেই তার বড়ো লক্ষণ।

## বিশ্বভারতী

পূর্বেই বলেছি, ভারতের যে প্রকাশ বিশ্বের শুক্রে সেই প্রকাশের দ্বারা বিশ্বকে অভ্যর্থনা করব, এই হচ্ছে আমাদের সাধনা। বিশ্বভারতীর এই কাজে পশ্চিম-মহাদেশে আমি কী অভিজ্ঞতা লাভ করেছি সে কথা বলতে আমি কুণ্ঠিত হই। দেশের লোকে অনেকে হয়তো সেটা শুন্ধাপূর্বক গ্রহণ করবেন না, এমন-কি পরিহাসরসিকেরা বিজ্ঞপ্তি করতে পারেন। কিন্তু সেটাও কঠিন কথা নয়। আসলে ভাবনার কথাটা হচ্ছে এই যে, বিদেশে আমাদের দেশ যে শুন্ধা লাভ করে, পাছে সেটাকে কেবলমাত্র অহংকারের সামগ্ৰী করে তোলা হয়। সেটা আনন্দের বিষয়, সেটা অহংকারের বিষয় নয়। যখন অহংকার করি তখন বাইরের লোকদের আরও বাইরে ফেলি, যখন আনন্দ করি তখনই তাদের নিকটের ব'লে জানি। বারষার এটা দেখেছি, বিদেশের যে-সব মহাশয় লোক আমাদের ভালোবেসেছেন, আমাদের অনেকে তাদের বিষয়সম্পত্তির মতো গণ্য করেছেন। তাঁরা আমাদের জাতিকে যে আদর করতে পেরেছেন সেটুকু আমরা ষোলো-আনা গ্রহণ করেছি, কিন্তু আমাদের তরফে তার দায়িত্ব স্বীকার করি নি। তাদের ব্যবহারে তাদের জাতির যে গৌরব প্রকাশ হয় সেটা স্বীকার করতে অক্ষম হয়ে আমরা নিজের গভীর দৈনন্দিন প্রমাণ দিয়েছি। তাদের প্রশংসাবাক্যে আমরা নিজেদের মহৎ বলে স্পর্ধিত হয়ে উঠি; এই শিক্ষাটুকু একেবারেই ভুলে যাই যে, পরের মধ্যে যেখানে শ্রেষ্ঠতা আছে সেটাকে অকৃষ্টিত আনন্দে স্বীকার

## বিশ্বভারতী

করা ও প্রকাশ করার মধ্যে মহত্ত্ব আছে। আমাকে  
এইটেতেই সকলের চেয়ে নতুন করেছে যে, ভারতের  
বেশ পরিচয় অন্ত দেশে আমি বহন করে নিয়ে গেছি কোথাও  
তা অবমানিত হয় নি। আমাকে যারা সম্মান করেছেন  
তাঁরা আমাকে উপলক্ষ করে ভারতবর্ষকেই শুক্র জানিয়ে-  
ছেন। যখন আমি পৃথিবীতে না থাকব তখনও ধৈন তার  
ক্ষয় না ঘটে, কেননা এ সম্মান ব্যক্তিগতভাবে আমার সঙ্গে  
যুক্ত নয়। বিশ্বভারতীকে গ্রহণ করে ভারতের অমৃতজ্ঞপকে  
প্রকাশের ভার আপনারা গ্রহণ করেছেন। আপনাদের  
চেষ্টা সার্থক হোক, অতিথিশালী দিনে দিনে পূর্ণ হয়ে উঠুক,  
অভ্যাগতরা সম্মান পান, আনন্দ পান, হৃদয় দান করুন,  
হৃদয় গ্রহণ করুন, সত্যের ও প্রীতির আদানপ্দানের স্বারা  
পৃথিবীর সঙ্গে ভারতের যোগ গভীর ও দূরপ্রসারিত হোক  
এই আমার কামনা।

১ পৌষ ১৩৩২

শাস্তিনিকেতন

## বিশ্বভারতী

১৩

বাংলাদেশের পল্লীগ্রামে যথন ছিলাম, সেখানে এক সন্ধ্যাসিনী আমাকে শ্রদ্ধা করতেন। তিনি কুটিরনির্মাণের জন্য আমার কাছে ভূমি ভিক্ষা নিয়েছিলেন— সেই ভূমি থেকে যে ফসল উৎপন্ন হত তাই দিয়ে তাঁর আহার চলত, এবং দুই-চারিটি অনাথ শিশুদের পালন করতেন। তাঁর মাতা ছিলেন সংসারে— তাঁর মাতার অবস্থাও ছিল সচ্ছল— কণ্ঠাকে ঘরে ফিরিয়ে নেবার জন্যে তিনি অনেক চেষ্টা করছিলেন, কিন্তু কণ্ঠ সশ্রত হন নি। তিনি আমাকে বলেছিলেন, নিজের ঘরের অন্নে আত্মাভিমান জন্মে— মন থেকে এই ভূমি কিছুতে ঘুচতে চায় না যে, এই অন্নের মালেক আমিই, আমাকে আমিই খাওয়াচ্ছি। কিন্তু ধারে ধারে ভিক্ষা ক’রে যে অন্ন পাই সে অন্ন ভগবানের— তিনি সকল মানুষের হাত দিয়ে সেই অন্ন আমাকে দেন, তার উপরে আমার নিজের দাবি নেই, তাঁর দয়ার উপর ভরসা।

বাংলাদেশকে বাংলা ভাষার ভিতর চিরজীবন আমি সেবা করেছি, আমার পঁয়ষট্টি বৎসর বয়সের মধ্যে অন্তত পঞ্চাশ বৎসর আমি সাহিত্যের সাধনা করে সরস্বতীর কাছ থেকে যা-কিছু বর লাভ করেছি সমস্তই বাংলাদেশের ভাঙ্গারে জমা করে দিয়েছি। এইজন্য বাংলাদেশের কাছ থেকে আমি যতটুক স্নেহ ও সম্মান লাভ করেছি তার

## বিশ্বভাবতী

উপরে আমার নিজের দাবি আছে— বাংলাদেশ ষদি  
ক্লপণতা করে, ষদি আমাকে আমার প্রাপ্য না দেয়, তা হলে  
অভিমান করে আমি বলতে পারি যে, আমার কাছে  
বাংলাদেশ খণ্ণী রয়ে গেল।

কিন্তু বাংলার বাইরে বা বিদেশে যে সমাদুর, যে প্রীতি  
লাভ করি, তার উপরে আমার আত্মাভিমানের দাবি  
নেই। এইজন্য এই দানকেই ভগবানের দান বলে আমি  
গ্রহণ করি। তিনি আমাকে দয়া করেন, নতুবা অপরেরা  
আমাকে দয়া করেন এমন কোনো হেতু নেই।

ভগবানের এই দানে মন ন্যস্ত হয়, এতে অহংকার জন্মে  
না। আমরা নিজের পকেটের চার-আনার পয়সা নিয়েও  
গর্ব করতে পারি, কিন্তু ভগবান আকাশ ভরে যে সোনার  
আলো চেলে দিয়েছেন, কোনো কালেই ধার মূল্য শোধ  
করতে পারব না, সেই আলোর অধিকার নিয়ে কেবল  
আনন্দই করতে পারি, কিন্তু গর্ব করতে পারি নে। পরের  
দক্ষ সমাদুরও সেইরকম অমূল্য— সেই দান আমি ন্যশিল্পেই  
গ্রহণ করি, উন্নতশিল্পে নয়। এই সমাদুরে আমি বাংলা  
দেশের সন্তান ব'লে উপলক্ষি করবার স্বযোগ লাভ করি নি।  
বাংলাদেশের ছোটো ঘরে আমার গর্ব করবার স্থান ছিল,  
কিন্তু ভারতের বড়ো ঘরে আমার আনন্দ করবার স্থান।

আমার শ্রদ্ধা আমাকে ঠাঁর দেউড়িতে কেবলমাত্র  
বাণি কাজাবার ভার দেন নি, শুধু কবিতার মালা গাঁথিল্লে  
তিনি আমাকে ছুটি দিলেন না। আমার ঘোবন ষখন

## বিশ্বভারতী

পার হয়ে গেল, আমার চুল যথন পাকল, তখন ঠার অঙ্গনে  
আমার তলব পড়ল। সেখানে তিনি শিশুদের মা হয়ে  
বসে আছেন। তিনি আমাকে হেসে বললেন, ‘ওরে পুত্র,  
এতদিন তুই তো কোনো কাজেই লাগলি নে, কেবল কথাই  
গেথে বেড়ালি। বয়স গেল, এখন যে কয়টা দিন বাকি  
আছে, এই শিশুদের সেবা করু।’

কাজ শুরু করে দিলুম—সেই আমার শাস্তিনিকেতনের  
বিষ্ণুশয়ের কাজ। কয়েক জন বাঙালির ছেলেকে নিয়ে  
মাস্টারি শুরু করে দিলুম। মনে অহংকার হল, এ আমার  
কাজ, এ আমার শক্তি। মনে হল, আমি বাংলাদেশের  
হিতসাধন করছি, এ আমারই শক্তি।

কিন্তু এ যে প্রভুরই আদেশ, যে প্রভু কেবল বাংলা-  
দেশের নন, সেই কথা যার কাজ তিনিই স্মরণ করিয়ে  
দিলেন। সমুদ্রপার হতে এলেন বন্ধু এণ্ডুজ, এলেন বন্ধু  
পিয়াস'ন। আপন লোকের বন্ধুদ্বের উপর দাবি আছে,  
সে বন্ধুত্ব আপন লোকেরই সেবায় লাগে। কিন্তু যাঁদের  
সঙ্গে নাড়ীর সঙ্কে নেই, যাঁদের ভাষা স্বতন্ত্র, ব্যবহার স্বতন্ত্র,  
ঠারা যথন অনাহৃত আমার পাশে এসে দাঢ়ালেন, তখনই  
আমার অহংকার ঘুচে গেল, আমার আনন্দ জন্মাল। যথন  
ভগবান পরকে আপন করে দেন, তখন সেই আত্মীয়তার  
মধ্যে ঠাকেই আত্মীয় বলে জানতে পারি।

আমার মনে গর্ব জন্মেছিল যে, আমি স্বদেশের জন্য  
অনেক করছি—আমার অর্থ, আমার সামর্থ্য আমি

## বিষ্ণুভাবতী

স্বদেশকে উৎসর্গ করছি। আমার সেই গবর্নুর্ণ হয়ে গেল  
ষথন বিদেশী এলেন এই কাজে। তখনই বুবলুম— এও  
আমার কাজ নয়, এ ঠারই কাজ যিনি সকল যাহুষের  
ভগবান। এই-ষে বিদেশী বন্ধুদের অব্যাচিত পাঠিয়ে দিলেন,  
এঁরা আত্মীয়স্বজনদের হতে বহু দূরে পৃথিবীর প্রান্তে  
ভাবতের প্রান্তে এক ধ্যাতিহীন প্রান্তরের মাঝখানে  
নিজেদের সমস্ত জীবন টেলে দিলেন ; একদিনের অন্তও  
ভাবলেন না, বাদের জন্য ঠাদের আচ্ছোৎসর্গ তারা বিদেশী,  
তারা পূর্বদেশী, তারা শিশু, ঠাদের খণ্ড শোধ করবার  
মতো অর্থ ঠাদের নেই, শক্তি ঠাদের নেই, মান ঠাদের  
নেই। তারা নিজে পরম পশ্চিত, কত সম্মানের পদ ঠাদের  
অন্ত পথ চেয়ে আছে, কত উর্ধবেতন ঠাদের আস্থান  
করছে, সমস্ত তারা প্রত্যাখ্যান করেছেন— অকিঞ্চনভাবে,  
স্বদেশীর সম্মান ও স্নেহ হতে বঞ্চিত হয়ে, রাজপুরুষদের  
সন্দেহ-স্বারা অনুধাবিত হয়ে, গ্রীষ্ম এবং রোগের তাপে  
তাপিত হয়ে তারা কাজে প্রবৃত্ত হলেন। এ কাজের বেতন  
তারা নিলেন না, দুঃখই নিলেন। তারা 'আপনাকে বড়ো  
করলেন না— প্রত্যুর আদেশকে বড়ো করলেন, প্রেমকে  
বড়ো করলেন, কাজকে বড়ো করে তুললেন।

এই তো আমার 'পরে ভগবানের দয়া— তিনি আমার  
গর্বকে ছোটো করে দিতেই আমার সাধনা বড়ো করে  
দিলেন। এখন এই সাধনা কি ছোটো বাংলাদেশের সীমার  
মধ্যে আর ধরে। বাংলার বাহির থেকে ছেলেরা আসতে

## বিশ্বভারতী

লাগল। আমি তাদের ডাক দিই নি, ডাকলেও আমার  
ডাক এত দূরে পৌছত না। যিনি সমুদ্রপার থেকে নিজের  
কঢ়ে ঠাঁর সেবকদের ডেকেছেন তিনিই স্বহস্তে ঠাঁর  
সেবাক্ষেত্রের সীমানা মিটিয়ে দিতে লাগলেন।

আজ আমাদের আশ্রমে প্রায় ত্রিশ জন গুজরাটের  
চেলে এসে বসেছে। সেই ছেলেদের অভিভাবকেরা  
আমার আশ্রমের পরম হিতৈষী। ঠাঁর আমাদের  
সর্বপ্রকারে যত আনুকূল্য করেছেন, এমন আনুকূল্য  
ভারতের আর কোথাও পাই নি। অনেক দিন আমি  
বাঙালির ছেলেকে এই আশ্রমে মানুষ করেছি— কিন্তু  
বাংলাদেশে আমার সহায় নেই। সেও আমার বিধাতার  
দয়া। ষেখানে দাবি বেশি সেখান থেকে যা পাওয়া যায়  
সে তো খাজনা পাওয়া। যে খাজনা পায় সে যদি-বা রাজা-ও  
হয় তবু সে হতভাগ্য, কেননা সে তার নীচের লোকের  
কাছ থেকেই ভিক্ষা পায়। যে দান পায় সে উপর থেকে  
পায়, সে প্রেমের দান, জবরদস্তির আদায়-ওয়াশিল নয়।  
বাংলাদেশের বাহির থেকে আমার আশ্রম যে আনুকূল্য  
পেয়েছে, সেই তো আশীর্বাদ— সে পবিত্র। সেই আনুকূল্য  
এই আশ্রম সমস্ত বিশ্বের সামগ্রী হয়েছে।

আজ তাই আত্মাভিমান বিসর্জন করে বাংলা-  
দেশাভিমান বর্জন করে বাইরে আশ্রমজননীর জন্য ভিক্ষা  
করতে বাহির হয়েছি। শ্রদ্ধয়া দেয়ম্। সেই শ্রদ্ধার দানের  
ধারা আশ্রমকে সকলে গ্রহণ করবেন, সকলের সামগ্রী

## বিশ্বভাবতী

করবেন, তাকে বিশ্বলোকে উদ্ভীর্ণ করবেন। এই বিশ্বলোকেই অমৃতলোক। যা-কিছু আমাদের অভিধানের গণ্ডির, আমাদের স্বার্থের গণ্ডির মধ্যে থাকে তাই মৃত্যুর অধিকারবর্তী। যা সকল মানুষের তাই সকল কালের। সকলের ভিক্ষার মধ্য দিয়ে আমাদের আশ্রমের উপরে বিধাতার অমৃত বর্ষিত হোক— সেই অমৃত-অভিষেকে আমরা, তাঁর সেবকেরা পবিত্র হই, আমাদের অহংকার ধোত হোক, আমাদের শক্তি প্রবল ও নির্মল হোক— এই কামনা মনে নিয়ে সকলের কাছে এসেছি। সকলের মধ্য দিয়ে বিধাতা আমাদের উপর প্রসন্ন হোন, আমাদের বাক্য মন ও চেষ্টাকে তাঁর কল্যাণসূষ্ঠির মধ্যে দক্ষিণ হস্তে গ্রহণ করুন।

প্র. জোষ্ট ১৩৩

বছকাল আগে নদীতৌরের সাহিত্যচর্চা থেকে জানি নে  
কী আহ্বানে এই প্রান্তরে এসেছিলেম। তার পর ত্রিশ  
বৎসর অতীত হয়ে গেল। আয়ুর প্রতি আর অধিক দাবি  
আছে বলে মনে করি নে। হৃষ্টো আগামী কালে আর  
কিছু বলবার অবকাশ পাব না। অন্তরের কথা আজ তাই  
বলবার ইচ্ছা করি।

উত্তোগের যথন আবস্থ হয়, কেন হয় তা বলা যায়  
না। বীজ থেকে গাছ কেন হয় কে জানে। দুয়ের মধ্যে  
কোনো সামৃদ্ধি নেই। প্রাণের ভিতর যথন আহ্বান আসে  
তখন তার চরম অর্থ কেউ জানে না। দুঃসময়ে এখানে  
এসেছি, দুঃখের মধ্যে দৈন্যের মধ্যে দিয়ে মৃত্যুশোক বহন  
করে দীর্ঘকাল চলেছি— কেন তা ভেবে পাই নে। ভালো  
করে বলতে পারি নে কিসের টানে এই শূন্য প্রান্তরের মধ্যে  
এসেছিলেম।

মাঝুষ আপনাকে বিশুদ্ধভাবে আবিষ্কার করে এমন  
কর্মের ঘোগে যার সঙ্গে সাংসারিক দেনাপাওনার হিসাব  
নেই। নিজেকে নিজের বাইরে উৎসর্গ করে দিয়ে তবে  
আমরা আপনাকে পাই। বোধ করি সেই ইচ্ছেই ছিল,  
তাই সেদিন সহসা আমার প্রকৃতিগত চিরাভ্যন্ত রচনাকার্য  
থেকে অনেক পরিমাণে ছুটি নিয়েছিলুম।

## বিশ্বভারতী

সেদিন আমাৰ সংকল্প ছিল, বালকদেৱ এমন শিক্ষা দেব  
ষা শুধু পুঁথিৰ শিক্ষা নয় ; প্ৰাক্তৰযুক্ত অবাৱিত আকাশেৱ  
মধ্যে যে মুক্তিৰ আনন্দ তাৱই সঙ্গে মিলিয়ে ঘতটা পাৱি  
তাদেৱ মানুষ কৱে তুলব। শিক্ষা দেৱাৰ উপকৰণ বে  
আমি সঞ্চয় কৱেছিলেম তা নয়। সাধাৱণ শিক্ষা আমি  
পাই নি, তাতে আমি অভিজ্ঞ ছিলুম না। আমাৰ আনন্দ  
ছিল প্ৰকৃতিৰ অন্তৱলোকে, গাছপালা আকাশ আলোৱ  
সহযোগে। শিশু বয়স থেকে এই আমাৰ সত্যপৰিচয়।  
এই আনন্দ আমি পেয়েছিলুম ব'লে দিতেও ইচ্ছে ছিল।  
ইস্থলে আমৱা ছেলেদেৱ এই আনন্দ-উৎস থেকে নিৰ্বাসিত  
কৱেছি। বিশ্বপ্ৰকৃতিৰ মধ্যে যে শিক্ষক বহুধাশক্তিশোগাং  
ক্লপৱসগুৰুৰ্বৰ্ণেৱ প্ৰবাহে মানুষেৱ জীবনকে সৱস ফলবান  
কৱে তুলছেন, তাৱ থেকে ছিন্ন কৱে ইস্থলমাস্টাৱ বেতেৱ  
ডগায় বিৱস শিক্ষা শিশুদেৱ গিলিয়ে দিতে চায়। আমি  
স্থিৱ কৱলেম, শিশুদেৱ শিক্ষাৰ মধ্যে প্ৰাণৱস বহানো  
চাই ; কেবল আমাদেৱ স্নেহ থেকে নয়, প্ৰকৃতিৰ সৌন্দৰ্য-  
ভাণ্ডাৱ থেকে প্ৰাণেৱ ঐশ্বৰ্য তাৱা লাভ কৱবে। এই  
ইচ্ছাটুকু নিয়েই অতি ক্ষুদ্ৰ আকাৱে আশ্রমবিদ্যালয়েৱ শুল  
হল, এইটুকুকে সত্য কৱে তুলে আমি নিজেকে সত্য কৱে  
তুলতে চেয়েছিলুম।

আনন্দেৱ ত্যাগে স্নেহেৱ ঘোগে বালকদেৱ সেবা কৱে  
হয়তো তাদেৱ কিছু দিতে পেৱেছিলুম, কিন্তু তাৱ চেয়ে  
নিজেই বেশি পেয়েছি। সেদিনও প্ৰতিকূলতাৱ অস্ত

## বিশ্বভারতী

ছিল না। এইভাবে কাজ আরম্ভ করে ক্রমশ এই কাজের  
মধ্যে আমার মন অগ্রসর হয়েছে। সেই ক্ষীণ প্রারম্ভ আজ  
বহু দূর পর্যন্ত এগোল। আমার সংকল্প আজ একটা রূপ  
লাভ করেছে। প্রতিদিন আমাকে দুঃখের যে প্রতিকূলতার  
মধ্য দিয়ে চলতে হয়েছে তার হিসাব নেব না। বারবার  
মনে ভেবেছি, আমার সত্যসংকল্পের সাধনায় কেন সবাইকে  
পাব না, কেন একলা আমাকে চলতে হবে। আজ সে  
ক্ষেত্র থেকে কিছু মুক্ত হয়েছি, তাই বলতে পারছি— এ  
দুর্বল চিন্তার আক্ষেপ। যার বাইরের সমাজে নেই,  
উজ্জ্বলনা নেই, জনসমাজে যার প্রতিপক্ষের আশা করা  
যায় না, যার একমাত্র মূল্য অন্তরের বিকাশে, অন্তর্ধামীর  
সমর্থনে, তার সম্বন্ধে এ কথা জোর করে বলা চলে না— অপর  
লোকে কেন এর সম্বন্ধে উদাসীন। উপরকি যার, দায় শুধু  
তারই। অন্তে অংশগ্রহণ না করলে নালিশ চলবে না।  
যার উপরে ভার পড়েছে তাকেই হিসেব চুকিয়ে দিয়ে চলে  
যেতে হবে; অংশী যদি জোটে তো ভালো, আর না যদি  
জোটে তো জোর খাটবে না। সম্ভাই দিয়ে ফেলবার দাবি  
যদি অন্তর থেকে আসে তবে বলা চলবে না— এর বদলে  
পেলুম কী। আদেশ কানে পৌছলেই তা মানতে হবে।

আমাদের কাজ সত্যকে রূপ দেওয়া। অন্তরে সত্যকে  
স্বীকার করলে বাহিরেও তাকে প্রকাশ করা চাই। সম্পূর্ণ-  
রূপে সংকল্পকে সার্থক করেছি এ কথা কোনো কালেই বলা  
চলবে না— কঠিন বাধার ভিতর দিয়ে তাকে দেহ দিয়েছি।

## বিশ্বভারতী

এ ভাবনা ষেন না করি— আমি যখন যাব তখন কে একে  
দেখবে, এর ভবিষ্যতে কী আছে কী নেই। এইটুকু সাম্ভাব্য  
বহন করে ষেতে চাই, যতটুকু পেরেছি তা করেছি, মনে যা  
পেয়েছি দুর্ভৱ হলেও কর্মে তাকে গ্রহণ করা হল। তার  
পরে সংসারের লীলায় এই প্রতিষ্ঠান নানা অবস্থার মধ্য  
দিয়ে কী ভাবে বিকাশ পাবে তা কল্পনাও করতে পারি নে।  
লোভ হতে পারে, আমি যে ভাবে এর প্রবর্তন করেছি  
অবিকল সেই ভাবে এর পরিণতি হতে থাকবে। কিন্তু সেই  
অহংকৃত লোভ ত্যাগ করাই চাই। সমাজের সঙ্গে কালের  
সঙ্গে যোগে কোন্ রূপক্রমান্তরের মধ্য দিয়ে আপন প্রাণ-  
বেগে ভাবী কালের পথে এই প্রতিষ্ঠানের যাত্রা, আজ কে  
তা নির্দিষ্ট করে দিতে পারে। এর মধ্যে আমার ব্যক্তিগত  
যা আছে ইতিহাস তাকে চিরদিন স্বীকার করবে এমন  
কথনও হতেই পারে না। এর মধ্যে যা সত্য আছে তা রই  
জয়যাত্রা অপ্রতিহত হোক। সত্যের সেই সংশোধনমন্ত্র এর  
মধ্যে যদি থাকে তবে বাইরের অভিব্যক্তির দিকে যে রূপ  
এ গ্রহণ করবে আজকের দিনের ছবির সঙ্গে তার মিল হবে  
না ব'লেই ধরে নিতে পারি। কিন্তু ‘মা গৃধঃ’— নিজের  
হাতে গড়া আকারের প্রতি লোভ কোরো না। যা-কিছু  
ক্ষুদ্র, যা আমার অহমিকার স্থষ্টি, আজ আছে কাল নেই,  
তাকে যেন আমরা পরমাণু ব'লে সাম্প্রদায়িক ভিত্তিতে  
পাকা করে গড়বার আয়োজন না করি। প্রতি মুহূর্তের  
সত্য চেষ্টা সত্য কর্মের মধ্য দিয়েই আমাদের প্রতিষ্ঠান

## বিশ্বভারতী

আপন সঙ্গীব পরিচয় দেবে, সেইখানেই তার চিরস্মন  
জীবন। জনস্মূলভ স্থুল সমৃদ্ধির পরিচয় দিতে প্রয়াস ক'রে  
ব্যবসায়ীর মন সে না কিন্তুক ; আন্তরিক গরিমায় তার  
ষথার্থ শ্রী প্রকাশ পাবে। আদর্শের গভীরতা ষেন নিরস্ত  
সার্থকতায় তাকে আচ্ছাদিত পথে চালিত করে। এই  
সার্থকতার পরিমাপ কালের উপর নির্ভর করে না, কেননা  
সতেজের অনন্ত পরিচয় আপন বিশ্বদ্বন্দ্ব প্রকাশকরণে।

প্র. জোষ্ট ১০৭৭

আমাৰ মধ্য-বয়সে আমি এই শাস্তিনিকেতনে বালকদেৱ  
নিয়ে এক বিদ্যালয় স্থাপন কৰতে ইচ্ছা কৱি। মনে তখন  
আশঙ্কা ও উদ্বেগ ছিল, কাৱণ কৰ্মে অভিজ্ঞতা ছিল না।  
জীবনেৱ অভ্যাস ও তহুপযোগী শিক্ষার অভাব, অধ্যাপনা-  
কৰ্মে নিপুণতাৰ অভাব সহেও আমাৰ সংকল্প দৃঢ় হৰে  
উঠল। কাৱণ চিন্তা কৱে দেখলেম যে, আমাদেৱ দেশে  
এক সময়ে যে শিক্ষাদানপ্ৰথা বৰ্তমান ছিল, তাৱ পুনঃ-  
প্ৰবৰ্তন বিশেষ প্ৰয়োজন। সেই প্ৰথাই যে পৃথিবীৰ মধ্যে  
সৰ্বশ্ৰেষ্ঠ এমন অক্ষ পক্ষপাত আমাৰ মনে ছিল না, কিন্তু  
এই কথা আমাৰ মনকে অধিকাৰ কৱে যে, মানুষ বিশ-  
প্ৰকৃতি ও মানবসংসাৰ এই দুইয়েৱ মধ্যেই জন্মগ্ৰহণ  
কৱেছে, অতএব এই দুইকে একত্ৰ সমাবেশ কৱে বালকদেৱ  
শিক্ষায়তন গড়লে তবেই শিক্ষার পূৰ্ণতা ও মানবজীবনেৱ  
সমগ্ৰতা হয়। বিশপ্ৰকৃতিৰ যে আহ্বান, তাৱ থেকে  
বিছিন্ন কৱে পুঁথিগত বিচ্ছা দিয়ে জোৱ কৱে শিক্ষার  
আয়োজন কৱলে শুধু শিক্ষাবস্তুকেই জমানো হয়, যে মন  
তাকে গ্ৰহণ কৱবে তাৱ অবস্থা হয় ভাৱবাহী জন্মৰ মতো।  
শিক্ষার উদ্দেশ্য তাতে ব্যৰ্থ হয়।

আমাৰ বাল্যকালেৱ অভিজ্ঞতা ভুলি নি। আমাৰ  
বালক-মনে প্ৰকৃতিৰ প্ৰতি সহজ অহুৱাগ ছিল, তাৱ

## বিশ্বভারতী

থেকে নির্বাসিত করে বিদ্যালয়ের নৌরস শিক্ষাবিধিতে যখন আমার মনকে যত্নের মতো পেষণ করা হয় তখন কঠিন যন্ত্রণা পেয়েছি। এভাবে মনকে কঠিন করলে, এই কঠিনতায় বালকমনকে অভ্যন্ত করলে, তা মানসিক স্বাস্থ্যের অনুকূল হতে পারে না। শিক্ষার আদর্শকেই আমরা ভুলে গেছি। শিক্ষাতো শুধু সংবাদবিতরণ নয় ; মানুষ সংবাদ বহন করতে জন্মায় নি, জীবনের মূলে যে লক্ষ্য আছে তাকেই গ্রহণ করা চাই। মানবজীবনের সমগ্র আদর্শকে জ্ঞানে ও কর্মে পূর্ণ করে উপলব্ধি করাই শিক্ষার উদ্দেশ্য।

আমার মনে হয়েছিল, জীবনের কী লক্ষ্য এই প্রশ্নের মীমাংসা যেন শিক্ষার মধ্যে পেতে পারি। আমাদের দেশের পুরাতন শিক্ষাপ্রণালীতে তার আভাস পাওয়া যায়। তপোবনের নিভৃত তপস্যা ও অধ্যাপনার মধ্যে যে শিক্ষাসাধনা আছে তাকে আশ্রয় করে শিক্ষক ও ছাত্র জীবনের পূর্ণতা লাভ করেছিলেন। শুধু পরা বিদ্যা নয়, শিক্ষাকল্প ব্যাকরণ নিখন্ত ছন্দ জ্যোতিষ প্রভৃতি অপরা বিদ্যার অঙ্গশীলনেও যেমন প্রাচীন কালে গুরুশিষ্ট একই সাধনক্ষেত্রে মিলিত হয়েছিলেন, তেমনি সহযোগিতার সাধনা যদি এখানে হয় তবেই শিক্ষার পূর্ণতা হবে।

বর্তমানে সেই সাধনা আমরা কতদূর গ্রহণ করতে পারি তা বলা কঠিন। আজ আমাদের চিত্তবিক্ষেপের অভাব নেই। কিন্তু এই-যে প্রাচীন কালের শিক্ষাসমবায়, এ কোনো

## বিশ্বভারতী

বিশেষ কাল ও সম্প্রদায়ের অভিমত নয়। মানবচিত্তবৃত্তির মূলে সেই এক কথা আছে— মানুষ বিচ্ছিন্ন প্রাণী নয়, সব মানুষের সঙ্গে ঘোগে সে যুক্ত, তাতেই তার জীবনের পূর্ণতা, মানুষের এই ধর্ম। তাই যে দেশেই, যে কালেই, মানুষ যে বিষ্টা ও কর্ম উৎপন্ন করবে সে সব-কিছুতে সর্ব-মানবের অধিকার আছে। বিশ্বায় কোনো জাতিবর্ণের ভেদ নেই। মানুষ সর্বমানবের স্থষ্ট ও উন্নত সম্পদের অধিকারী, তার জীবনের মূলে এই সত্য আছে। মানুষ জন্মগ্রহণস্থলে যে শিক্ষার মধ্যে এসেছে তা এক জাতির দান নয়। কালে কালে নিখিলমানবের কর্মশিক্ষার ধারা প্রবাহিত হয়ে একই চিত্তসমূদ্রে মিলিত হয়েছে। সেই চিত্তসাগরতীরে মানুষ জন্মলাভ করে, তারই আনন্দানন্দ দিকে দিকে ঘোষিত।

আদিকালের মানুষ একদিন আগ্নের রহস্য ভেদ করল, তাকে ব্যবহারে লাগালো। আগ্নের সত্য কোনো বিশেষ কালে আবদ্ধ রইল না, সর্বমানব এই আশ্চর্য রহস্যের অধিকারী হল। তেমনি পরিধেয় বন্ধ, ভূকর্ষণ প্রভৃতি প্রথম যুগের আবিষ্কার থেকে শুরু করে মানুষের সর্বত্র চেষ্টা ও সাধনার মধ্য দিয়ে যে জ্ঞানসম্পদ আমরা পেলেম, তা কোনো বিশেষ জাতির বা কালের নয়। এই কথা আমরা সম্যক উপলক্ষ করি না। আমাদের তেমনি দান চাই যা সর্বমানব গ্রহণ করতে পারে।

সর্বমানবের ত্যাগের ক্ষেত্রে আমরা জন্মেছি। অক্ষ

## বিশ্বভারতী

যিনি, স্মষ্টির মধ্যেই আপনাকে উৎসর্গ করে তাঁর আনন্দ, তাঁর সেই ত্যাগের ক্ষেত্রে জীবসকল জীবিত থাকে এবং তাঁরই মধ্যে প্রবেশ করে ও বিলীন হয় — এ যেমন অধ্যাত্ম-সোকের কথা, তেমনি চিন্তাকেও মাঝুষ মহামানবের ত্যাগের সোকে জন্মলাভ করেছে ও সঞ্চয়ণ করছে এই কথা উপলক্ষি করতে হবে ; তবেই আনুষঙ্গিক শিক্ষাকে আমরা পূর্ণতা ও সর্বাঙ্গীণতা দান করতে পারব ।

আমার তাই সংকল্প ছিল যে, চিন্তকে বিশেষ জাতি ও ব্যক্তির মধ্যে আবক্ষ না করে শিক্ষার ব্যবস্থা করব ; দেশের কঠিন বাধা ও অক্ষ সংস্কার সত্ত্বেও এখানে সর্বদেশের মানবচিন্তার সহযোগিতায় সর্বকর্মযোগে শিক্ষাসত্ত্ব স্থাপন করব ; শুধু ইতিহাস ভূগোল সাহিত্য -পাঠে নয়, কিন্তু সর্বশিক্ষার মিলনের দ্বারা এই সত্যসাধনা করব । এ অত্যন্ত কঠিন সাধনা, কারণ চারি দিকে দেশে এর প্রতিকূলতা আছে । দেশবাসীর যে আত্মাভিমান ও জাতি-অভিমানের সংকীর্ণতা তার সঙ্গে সংগ্রাম করতে হবে ।

আমরা যে এখানে পূর্ণ সফলতা লাভ করেছি তা বলতে পারি না, কিন্তু এই প্রতিষ্ঠানের অস্তর্নিহিত সেই সংকল্পটি আছে তা স্মরণ করতে হবে । শুধু কেবল আনুষঙ্গিক কর্মপদ্ধতি নিয়ে ব্যক্ত থাকলে তার জটিল জ্ঞান বিস্তৃত করে বাহ্যিক শৃঙ্খলা-পারিপাট্টের সাধন সম্ভব হতে পারে, কিন্তু আদর্শের খর্বতা হবে ।

প্রথম যথন অল্প বালক নিয়ে এখানে শিক্ষায়তন খুলি

## বিশ্বভারতী

তখনও ফলসাভের প্রতি প্রশ়্নাভন ছিল না। তখন সহায়ক হিসাবে কয়েকজন কর্মীকে পাই— যেমন, অঙ্গবাসীর উপাধ্যায়, কবি সতীশচন্দ্র, জগদানন্দ। এরা তখন একটি ভাবের ওক্তে মিলিত ছিলেন। তখনকার হাওয়া ছিল অন্তর্কল্প। কেবলমাত্র বিধি নিষেধের জালে জড়িত হয়ে থাকতেম না, অল্প ছাত্র নিয়ে তাদের সকলের সঙ্গে ঘনিষ্ঠ ঘোগে আমাদের প্রাত্যক্ষিক জীবন সত্য হয়ে উঠত। তাদের সেবার মধ্যে আমরা একটি গভীর আনন্দ, একটি চরম সার্থকতা উপলক্ষ করতেম। তখন অধ্যাপকদের মধ্যে অসীম ধৈর্য দেখেছি। মনে পড়ে, যেসব বালক দুর্বলপনায় দৃঢ় দিয়েছে তাদের বিদ্যায় দিই নি বা অন্তভাবে পীড়া দিই নি। যতদিন আমার নিজের হাতে এর ডার ছিল ততদিন বার বার তাদের ক্ষমা করেছি; অধ্যাপকদের ক্ষমা করেছি। সেইসকল ছাত্র পরে কৃতিত্ব লাভ করেছে।

তখন বাহ্যিক ফলসাভের চিন্তা ছিল না, পরীক্ষার মার্কা-যারা করে দেবার ব্যস্ততা ছিল না, সকল ছাত্রকে আপন করবার চেষ্টা করেছি। তখন বিশ্বালয় বিশ্ব-বিশ্বালয়ের সম্পর্কিত ছিল না, তার থেকে নির্লিপ্ত ছিল। তখনকার ছাত্রদের মনে এই অনুষ্ঠানের প্রতি সুগভীর নিষ্ঠা লক্ষ্য করেছি।

এইভাবে বিশ্বালয় অনেকদিন চলেছিল। এর অনেক পরে এর পরিধির বিস্তার হয়। সৌভাগ্যক্রমে তখন

## বিশ্বভারতী

প্রদেশবাসীর সহায়তা পাই নি ; তাদের অঙ্গে কিছুক্ষণে বিকল্পতা  
ও অকারণ বিষয়ে একে আঘাত করেছে, কিন্তু তার প্রতি  
দৃক্পাত করি নি এবং এই-যে কাজ শুরু করলেম তার  
প্রচারেরও চেষ্টা করি নি। মনে আছে, আমার বন্ধুবর  
মোহিত সেন এই বিদ্যালয়ের বিবরণ পেয়ে আকৃষ্ণ হন,  
আমাদের আদর্শ তাঁর মনকে গভীরভাবে নাড়া দেয়।  
তিনি বলেন, ‘আমি কিছু করতে পারলেম না, বিশ্ব-  
বিদ্যালয়ের চাকুরি আমার জীবিকা— এখনে এসে কাজ  
করতে পারলে ধন্ত হতাম। তা হল না। এবার পরীক্ষায়  
কিছু অর্জন করেছি, তার থেকে কিছু দেব এই ইচ্ছা।’  
এই বলে তিনি এক হাজার টাকার একটি নোট আমাকে  
দেন। বোধ হয় আমার প্রদেশবাসীর এই প্রথম ও শেষ  
সহায়তা। এইসঙ্গেই উল্লেখ করতে হবে আমার প্রতি  
প্রতিপরায়ণ ত্রিপুরাধিপতির আনুকূল্য। আজও তাঁর  
বংশে তা প্রবাহিত হয়ে আসছে।

মোহিতবাবু অনেকদিন এই অনুষ্ঠানের সঙ্গে আন্তরিক-  
ভাবে ঘুর্ণ ছিলেন এবং আমার কী প্রয়োজন তার সন্দান  
নিতেন। তিনি অনুমতি চাইলেন, এই বিদ্যালয়ের বিষয়ে  
কিছু কাগজে লেখেন। আমি তাতে আপত্তি জানাই।  
বললেম, ‘গুটিকতক ছেলে নিয়ে গাছপালার মধ্যে বসেছি,  
কোনো বড়ো ঘরবাড়ি নেই, বাইরের দৃশ্য দীন, সর্বসাধারণ  
একে ভুল বুঝবে।’

এই অল্প অধ্যাপক ও ছাত্র নিয়ে আমি বলকষ্টে আর্থিক

## বিশ্বভারতী

চুরুবস্থা ও চুর্গতির চরম সীমায় উপস্থিত হয়ে ষেডাবে এই বিশ্বালয় চালিয়েছি তার ইতিহাস বন্ধিত হয় নি। কঠিন চেষ্টার দ্বারা ঋণ করে প্রতিদিনের প্রয়োজন জোগাতে সর্বস্বাস্থ হয়ে দিন কাটিয়েছি, কিন্তু পরিতাপ ছিল না। কারণ, গভীর সত্য ছিল এই দৈনন্দিনশার অস্তরালে। যাক, এ আলোচনা বৃথা। কর্মের যে ফল তা বাইরের বিধানে দেখানো যায় না, প্রাণশক্তির যে ইসসঞ্চার তা গোপন গৃঢ়, তা ডেকে দেখাবার জিনিস নয়। সেই গভীর কাজ সকল-প্রকার বিস্ফুলতার মধ্যেও এখানে চলেছিল।

এই নির্মম বিস্ফুলতার উপকারিতা আছে— যেমন জমির অমূর্বরতা কঠিন প্রয়ত্নের দ্বারা দূর করে তবে ফসল ফলাতে হয়, তবেই তার উৎপাদনী শক্তি হয়, তার ইস-সঞ্চার হয়। দুঃখের বিষয়, বাংলার চিন্তকের অমূর্বর, কোনো প্রতিষ্ঠানকে স্থায়ী করবার পক্ষে তা অমুকুল নয়। বিনা কারণে বিদ্রোহের দ্বারা পীড়া দেয় যে দুর্বুদ্ধি তা গড়া জিনিসকে ভাঙে, সংকলনকে আঘাত করে, শ্রদ্ধার সঙ্গে কিছুকে গ্রহণ করে না। এখানকার এই-যে প্রচেষ্টা বন্ধিত হয়েছে, তা কঠিনতাকে প্রতিহত করেই বেঁচেছে। অর্থবর্ষণের প্রশ্ন পেলে হয়তো এর আত্মসত্য রক্ষা করা দুর্লভ হত, অনেক জিনিস আসত খ্যাতির দ্বারা আকৃষ্ট হয়ে যা বাহ্যনীয় নয়। তাই এই অখ্যাতির মধ্য দিয়ে এই বিশ্বালয় বেঁচে উঠেছে।

এক সময় এস, যখন এর পরিধি বাড়বার দিকে গেল।

## বিশ্বভারতী

বিশ্বশেখর শাস্ত্রী মহাশয় বললেন, দেশের যে টোল চতুর্পাঠী  
আছে তা সংকীর্ণ, তা একালের উপযোগী নয়, তাকে  
বিস্তৃত করে পাঞ্চাত্য শিক্ষার সঙ্গে যুক্ত করে দেশের  
শিক্ষাপ্রণালীকে কালোপযোগী করতে হবে। আমারও  
এই কথাটা মনে লেগেছিল। আমার তখনকার বিশ্বালয়  
শুধু বালকদের শিক্ষায়তন ছিল, এতবড়ো বৃহৎ অনুষ্ঠানের  
কথা মনে হয় নি এবং তাতে সফলকাম হব বলেও ভাবি  
নি। শাস্ত্রীমশায় তখন কাশীতে সংস্কৃত মাসিকপত্রের  
সম্পাদন ও সাহিত্যচর্চা করছিলেন। তিনি এখানে  
এসে জুটলেন। তখন পালিভাষা ও শাস্ত্রে তিনি প্রবীণ  
ছিলেন না, প্রথম আমার অনুরোধেই তিনি এই শাস্ত্রে  
জ্ঞানলাভ করতে ব্রতী হলেন।

ধীরে ধীরে এখানকার কাজ আরম্ভ হল। আমার মনে  
হল যে, দেশের শিক্ষাপ্রণালীর ব্যাপকতাসাধন করতে হবে।  
তখন এমন কোনো বিশ্ববিশ্বালয় ছিল না যেখানে সর্বদেশের  
বিদ্যাকে গৌরবের স্থান দেওয়া হয়েছে। সব মুনিভাসিটিতে  
শুধু পরীক্ষা-পাসের অন্তর্ভুক্ত পাঠ্যবিধি হয়েছে, সেই শিক্ষা-  
ব্যবস্থা স্বার্থসাধনের দীনতায় পীড়িত, বিদ্যাকে প্রকার সঙ্গে  
গ্রহণের কোনো চেষ্টা নেই। তাই মনে হল, এখানে মুক্ত-  
ভাবে বিশ্ববিশ্বালয়ের শাসনের বাইরে এমন প্রতিষ্ঠান গড়ে  
তুলব যেখানে সর্ববিদ্যার মিলনক্ষেত্র হবে। সেই সাধনার  
ভাব ধীরে ধীরে তাঁরা এসে জুটলেন।

আমার শিশুবিশ্বালয়ের বিস্তৃতি সাধন হল— সভা-

## বিশ্বভারতী

সমিতি মন্ত্রণাসভা ডেকে নয়, অল্পপরিসর প্রারম্ভ থেকে  
ধীরে ধীরে এবং বৃদ্ধি হল। তার পর কালক্রমে কী করে  
এবং কর্মপরিধি ব্যাপ্ত হল তা সকলে জানেন।

আমাদের কাজ যে কিছু সফল হয়েছে আমাদের  
কর্মাদের চোখে তার স্পষ্ট প্রতিক্রিপ্তি ধরা পড়ে না, তারা  
সন্দিক্ষ হয়, বাহ্যিক ফলে অসম্ভোব প্রকাশ করে। তাই  
এক-একবার আমাদের কর্মে সার্থকতা কোথায় তা দেখতে  
ইচ্ছা হয়, নইলে পরিতৃষ্ণি হয় না। এবার কলকাতা থেকে  
আসবার পর নিকটবর্তী গ্রামের লোকেরা আমায় নিয়ে  
গেল— তাদের মধ্যে গিয়ে বড়ো আনন্দ হল, মনে হল এই  
তো ফললাভ হয়েছে ; এই জ্ঞায়গায় শক্তি প্রসারিত হল,  
হৃদয়ে হৃদয়ে তা বিস্তৃত হল। পরীক্ষার ফল ছোটো কথা—  
এই তো ফললাভ, আমরা মানুষের মনকে জাগাতে  
পেরেছি। মানুষ বুঝেছে, আমরা তাদের আপন। গ্রাম-  
বাসীদের সবল হৃদয়ে এখানকার প্রভাব সঞ্চারিত হল,  
তাদের আত্মশক্তির উদ্বোধন হল।

আমার মরবার আগে এই ব্যাপার দেখে খুশি হয়েছি।  
এই-ষে এরা ভালোবেসে ডাকল, এরা আমাদের কাছে  
থেকে শ্রদ্ধা ও শক্তি পেয়েছে। এ জনতা ডেকে ‘মহতী সভা’  
করা নয়, খবরের কাগজের লক্ষণে কিছু ব্যাপার নয়।  
কিন্তু এই গ্রামবাসীর ডাক, এ আমার হৃদয়ে স্পর্শ করল।  
মনে হল দীপ জলেছে, হৃদয়ে হৃদয়ে তার শিখা প্রদীপ্ত  
হল, মানুষের শক্তির আলোক হৃদয়ে হৃদয়ে উদ্ভাসিত হল।

## বিশ্বভারতী

এই-যে হল, এ কোনো একজনের কৃতিত্ব নয়। সকল  
কর্মীর চেষ্টা ও ত্যাগের দ্বারা, সকলের মিলিত কর্ম  
এই সমগ্রকে পুষ্ট করেছে। তাই ভৱসার কথা, এ কৃতিম  
উপায়ে হয় নি। কোনো ব্যক্তিবিশেষকে আশ্রয় করে এ  
কাজ হয় নি। ভয় নেই, প্রাণশক্তির সঞ্চার হয়েছে, আমাদের  
অবর্তমানে এই অঙ্গুষ্ঠান জীর্ণ ও লক্ষ্যভূষ্ট হবে না।

আমরা জনসাধারণকে আপন সংকল্পের অস্তর্গত করতে  
পেরেছি— এই প্রতিষ্ঠান তার অভিমুখে চলেছে। অল্প  
পরিমাণে এক জায়গাতেই আমরা ভারতের সমস্তার  
সমাধান করব। রাজনীতির ঔদ্ধত্যে নয়, সহজভাবে  
দেশবাসীদের আত্মীয়রূপে বরণ করে তাদের নিয়ে এখানে  
কাজ করব। তাদের ভোটাধিকার নিয়ে বিশ্ববিজয়ী হতে  
না পারি, তাদের সঙ্গে চিত্তের আদানপ্রদান হবে, তাদের  
সেবায় নিযুক্ত হব। তারাও দেবে, আমাদের কাছ থেকে  
নেবে, এই সর্বভারতের কাজ এখানে হবে।

এক সময়ে আমার কাছে প্রশ্ন আসে— তৎকালীন  
স্বদেশী আন্দোলনে কেন যোগ দিচ্ছি না। আমি বলি—  
সকলের মধ্যে যে উত্তেজনা আমার কাজকে তা অগ্রসর  
করবে না। শুধু একটি বিশেষ প্রণালীর দ্বারাই যে সত্য-  
সাধনা হয় আমি তা মনে করি না। তাই আমি বলি যে,  
এই প্রশ্নের উত্তর যখন এখানে পূর্ণ হয়ে উঠবে তখন  
একদিন তা সকলের গোচর হবে। যা আমি সত্য বলে মনে  
করেছি সে উত্তরের জোগান হয়তো এখান থেকেই হবে।

## বিশ্বভারতী

সেই অপেক্ষার ছিলুম। সত্যের মধ্যে সংকীর্ণতা  
নেই— সকল বিভাগে মহুষের সাধনা প্রসারিত। দল  
বাড়াবার সংকীর্ণ চেষ্টার মধ্যে সেই সত্যের খর্বতা হয়।

আধুনিক কালের মানুষের ধারণা যে, বিজ্ঞাপনের দ্বারা  
সংকলনের ঘোষণা করতে হয়। দেখি যে, আজকাল কথমও  
কথনও বিশ্বভারতীর কর্ম নিয়ে পত্রলেখকেরা সংবাদপত্রে  
লিখে থাকেন। এতে ভয় পাই, এ দিকে লক্ষ্য হলে সত্যের  
চেয়ে খ্যাতিকে বড়ো করা হয়। সত্য স্বল্পকে অবজ্ঞা  
করে না, অবাস্তবকে ভয় করে, তাই খ্যাতির কোলাহলকে  
আশ্রয় করতে সে কৃষ্টিত। কিন্তু আধুনিক কালের ধর্ম—  
ব্যাপ্তির দ্বারা কাজকে বিচার করা, গভীরতার দ্বারা নয়।  
তার পরিণাম হয় গাছের ডালপালার পরিব্যাপ্তির মতো,  
তাতে ফল হয় কম।

আমি এক সময়ে নিভৃতে দুঃখ পেয়েছি অনেক, কিন্তু  
তাতে শান্তি ছিল। আমি খ্যাতি চাই নি, পাই নি ; বরং  
অখ্যাতিই ছিল। মহু বলেছেন— সম্মানকে বিষের মতো  
জানবে। অনেক কাল কর্মের পুরুষার-স্বরূপে সম্মানের  
দাবি করি নি। একলা আপনার কাজ করেছি, সহ-  
যোগিতার আশা ছেড়েই দিয়েছি। আশা করলে পাবার  
সম্ভাবনা ছিল না। তেমন স্থলে বাহ্যিকভাবে না পাওয়াই  
স্বাস্থ্যজনক।

বিশ্বভারতীর এই প্রতিষ্ঠান যে যুগে যুগে সার্থক  
হতেই থাকবে, তা বলে নিজেকে ভুলিয়ে কৌ হবে।

## বিশ্বভাবর্তী

মোহমুক্ত মনে নিরাশী হয়েই যথাসাধ্য কাজ করে যেতে  
পারি যেন। বিধাতা আমাদের কাছে কাজ দাবি করেন  
কিন্তু আমরা তাঁর কাছে ফল দাবি করলে তিনি তার  
হিসাব গোপনে রাখেন, নগদ মজুরি চুকিয়ে দিয়ে আমাদের  
প্রয়াসের অবমাননা করেন না। তা ছাড়া আমরা  
যে সংকল্প করেছি আগামী কালেও যে অবিকল তারই  
পুনরাবৃত্তি চলবে, কালের সে ধর্ম নয়। ভাবী কালের  
দিকে আমরা পথ তৈরি করে দিতে পারি, কিন্তু গম্য  
স্থানকে আমার আজকের দিনের ঝুঁটি ও বুদ্ধি দিয়ে  
একেবারে পাকা করে দেব, এ হতেই পারে না। যদি  
অঙ্ক মমতায় তাই করে দিই তা হলে সে আমাদের মৃত  
সংকল্পের সমাধিস্থান হবে। আমাদের যে চেষ্টা বর্তমানে  
জন্মগ্রহণ করে, সময় উপস্থিত হলে তার অন্ত্যটিসৎকার  
হবে, তার ধ্বারা সত্যের দেহ-মৃত্তি হবে, কিন্তু তার পরে  
নবজন্মে তার নবদেহধারণের আহ্বান আসবে এই কথা  
মনে রেখে—

নাভিনন্দেত মরণং নাভিনন্দেত জীবিতম্ ।

কালমেব প্রতীক্ষেত নির্দেশং ভৃতকো যথা ॥

৯ পৌষ ১৩৩৯

শাস্ত্রনিকেতন

প্রৌঢ় বয়সে একদা যখন এই বিদ্যায়তনের প্রতিষ্ঠা  
করেছিলেম তখন আমাৰ সম্মুখে ভাসছিল ভবিষ্যৎ, পথ  
তখন লক্ষ্যের অভিমুখে, অনাগতেৱ আহ্বান তখন ধৰ্মনিত  
— তাৰ ভাবৰূপ তখনও অস্পষ্ট, অথচ এক দিক দিয়ে তা  
এখনকাৰ চেয়ে অধিকতৰ পৱিষ্ফুট ছিল। কাৰণ, তখন যে  
আদৰ্শ মনে ছিল তা বাস্তবেৱ অভিমুখে আপন অখণ্ড  
আনন্দ নিয়ে অগ্ৰসৱ হয়েছিল। আজ আমাৰ আযুক্তাল  
শেষপ্ৰায়, পথেৱ অন্ত প্ৰাপ্তে পৌছিয়ে পথেৱ আৱস্থামীমা  
দেখবাৰ সুযোগ হয়েছে, আমি সেই দিকে গিয়েছি— যেমন-  
তৱ সূৰ্য যখন পশ্চিম-অভিমুখে অন্তাচলেৱ তটদেশে তখন  
তাৰ সামনে থাকে উদয়দিগন্ত, যেখানে তাৰ প্ৰথম ঘাত্তারস্ত।

অতীত কাল সম্মুক্তে আমৱা যখন বলি তখন আমাদেৱ  
হৃদয়েৱ পূৰ্বৱাগ অত্যুক্তি কৱে, এমন বিশ্বাস লোকেৱ  
আছে। এৱ মধ্যে কিছু সত্য আছে, কিন্তু সম্পূৰ্ণ সত্য  
নেই। যে দূৰবৰ্তী কালেৱ কথা আমৱা স্মৱণ কৱি তাৰ  
থেকে যা-কিছু অবাস্তৱ তা তখন স্বতই মন থেকে বৰে  
পড়েছে। বৰ্তমান কালেৱ সঙ্গে যত-কিছু আকশ্মিক,  
যা-কিছু অসংগত সংযুক্ত থাকে, তা তখন স্থলিত হয়ে ধূলি-  
বিলীন ; পূৰ্বে নানা কাৰণে যাৱ রূপ ছিল বাধাগ্ৰস্ত, তাৰ  
সেই বাধাৱ কঠোৱতা আজ আৱ পীড়া দেয় না। এইজন্তু

## বিশ্বভারতী

গতকালের ষে চিত্র মনের মধ্যে প্রকাশ পায় তা সুস্পৃষ্টি, যাত্রারস্তের সমস্ত উৎসাহ স্মৃতিপটে তখন ঘনীভূত। তার মধ্যে এমন অংশ থাকে না যা প্রতিবাদরূপে অন্ত অংশকে খণ্ডিত করতে থাকে। এইজন্মই অতীত স্মৃতিকে আমরা নিবিড়ভাবে মনে অনুভব করে থাকি। কালের দূরস্ত্রে, যা যথার্থ সত্য তার বাহুরূপের অসম্পূর্ণতা ঘূচে থায়, সাধনার কল্পমূর্তি অঙ্গুষ্ঠ হয়ে দেখা দেয়।

প্রথম যখন এই বিশ্বালয় আরম্ভ হয়েছিল তখন এর আয়োজন কর সামাজিক ছিল, সেকালে এখানে যারা ছাত্র ছিল তারা তা জানে। আজকের তুলনায় তার উপকরণ-বিরলতা, সকল বিভাগেই তার অকিঞ্চনতা, অত্যন্ত বেশি ছিল। কটি বালক ও দুই-এক জন অধ্যাপক নিয়ে বড়ো জামগাছতলায় আমাদের কাজের স্মৃচনা করেছি। একান্তই সহজ ছিল তাদের জীবনযাত্রা— এখনকার সঙ্গে তার প্রভেদ গুরুতর। এ কথা বলা অবশ্যই ঠিক নয় যে, এই প্রকাশের ক্ষীণতাতেই সত্যের পূর্ণতর পরিচয়। শিশুর মধ্যে আমরা যে রূপ দেখি তার সৌন্দর্যে আমাদের মনে আনন্দ জাগায়, কিন্তু তার মধ্যে প্রাণরূপের বৈচিত্র্য ও বহুধাশঙ্কি নেই। তার পূর্ণ মূল্য ভাবী কালের প্রত্যাশার মধ্যে। তেমনি আশ্রমের জীবনযাত্রার যে প্রথম উপক্রম, বর্তমানে সে ছিল ছোটো, ভবিষ্যতেই সে ছিল বড়ো। তখন থা ইচ্ছা করেছিলাম তার মধ্যে কোনো সংশয় ছিল না। তখন আশা ছিল অমৃতের অভিমুখে, যে সংসার উপকরণবহুলতায়

## বিশ্বভারতী

প্রতিষ্ঠিত তা পিছনে রেখেই সকলে এসেছিলেন। ধারা  
এখানে আমার কর্মসঙ্গী ছিলেন, অত্যন্ত দরিদ্র ছিলেন  
তাঁরা। আজ মনে পড়ে— কী কষ্টই না তাঁরা এখানে  
পেয়েছেন, দৈহিক সাংসারিক কত দীনতাই না তাঁরা  
বহন করেছেন। প্রশ়ান্তের বিষয় এখানে কিছুই ছিল  
না, জীবনযাত্রার স্ববিধা তো নয়ই, এমন-কি খ্যাতিও না—  
অবস্থার ভাবী উন্নতির আশা মরীচিকাঙ্গপেও তখন  
দূরদিগন্তে ইন্দ্রজাল বিস্তার করে নি। কেউ তখন আমাদের  
কথা জানত না, জানাতে ইচ্ছাও করি নি। এখন যেমন  
সংবাদপত্রের নাম ছোটোবড়ো জয়টাক আছে যা সামান্য  
ঘটনাকে শৰ্কায়িত করে ঝটনা করে, তার আয়োজনও তখন  
এমন ব্যাপক ছিল না। এই বিদ্যালয়ের কথা ঘোষণা  
করতে অনেক বন্ধু ইচ্ছাও করেছেন, কিন্তু আমরা তা চাই  
নি। লোকচক্ষুর অগোচরে, বহু দুঃখের ভিতর দিয়ে সে  
ছিল আমাদের যথার্থ তপস্থা। অর্থের এত অভাব ছিল  
যে, আজ জগদ্ব্যাপী দুঃসময়েও তা কল্পনা করা যায় না।  
আর সে কথা কোনোকালে কেউ জানবেও না, কোনো  
ইতিহাসে তা লিখিত হবে না। আশ্রমের কোনো সম্পত্তি  
ছিল না, সহায়তা ছিল না— চাইও নি। এইজন্তই, ধারা  
তখন এখানে কাজ করেছেন তাঁরা অন্তরে দান করেছেন,  
বাইরে কিছু নেন নি। যে আদর্শে আকৃষ্ট হয়ে এখানে  
এসেছি তার বোধ সকলেরই মনে যে স্পষ্ট বা প্রবল ছিল  
তা নয়, কিন্তু অন্ত পরিসরের মধ্যে তা নিবিড় হতে

## বিশ্বভারতী

পেরেছিল। ছাত্রো তখন আমাদের অত্যন্ত নিকটে ছিল, অধ্যাপকেরাও পরম্পর অত্যন্ত নিকটে ছিলেন—পরম্পরের সুন্দর ছিলেন তারা। আমাদের দেশের তপোবনের আদর্শ আমি নিয়েছিলাম। কালের পরিবর্তনের সঙ্গে সে আদর্শের ক্লপের পরিবর্তন হয়েছে, কিন্তু তার মূল সত্যটি ঠিক আছে—সেটি হচ্ছে, জীবিকার আদর্শকে স্বীকার করে তাকে সাধনার আদর্শের অনুগত করা। এক সময়ে এটা অনেকটা সুসাধ্য হয়েছিল, যখন জীবনযাত্রার পরিধি ছিল অনতিবৃহৎ। তাই বলেই সেই স্বল্পায়তনের মধ্যে সহজ জীবনযাত্রাই শ্রেষ্ঠ আদর্শ, এ কথা সম্পূর্ণ সত্য নয়। উচ্চতর সংগীতে নানা কৃতি ঘটতে পারে; একতারায় ভুলচুকের সন্তাননা কম, তাই বলে একতারাই শ্রেষ্ঠ এমন নয়। বরঞ্চ কর্ম যখন বহুবিস্তৃত হয়ে বহুর পথে চলতে থাকে তখন তার সকল অম্পুর্মাদ সত্ত্বেও যদি তার মধ্যে প্রাণ থাকে তবে তাকেই শুন্দা করতে হবে। শিশু-অবস্থার সহজতাকে চিরকাল বেঁধে রাখবার ইচ্ছা ও চেষ্টার মতো বিড়বনা আর কী আছে। আমাদের কর্মের মধ্যেও সেই কথা। যখন একলা ছোটো কার্যক্ষেত্রের মধ্যে ছিলুম তখন সব কর্মীদের মনে এক অভিপ্রায়ের প্রেরণা সহজেই কাজ করত। ক্রমে ক্রমে যখন এ আশ্রম বড়ো হয়ে উঠল তখন একজনের অভিপ্রায় এর মধ্যে সম্পূর্ণভাবে প্রকাশ পাবে এ সন্তুষ্ট হতে পারে না। অনেকে এখানে এসেছেন, বিচিত্র তাদের শিক্ষাদীক্ষা—সকলকে নিয়েই আমি কাজ

## বিশ্বভারতী

করি, কাউকে বাছাই করি নে, বাদ দিই নে ; নানা ভুলক্ষণ  
ঘটে, নানা বিদ্রোহ-বিরোধ ঘটে — এসব নিয়েই জটিল  
সংসারে জীবনের যে প্রকাশ ধাতাভিঘাতে সর্বদা  
আন্দোলিত, তাকে আমি সম্মান করি । আমার প্রেরিত  
আদর্শ নিয়ে সকলে মিলে একতারা-যন্ত্রে গুঞ্জরিত করবেন  
এমন অতি সরল ব্যবস্থাকে আমি নিজেই শৃঙ্খা করি নে ।  
আমি যাকে বড়ো বলে জানি, শ্রেষ্ঠ বলে যা বরণ করেছি,  
অনেকের মধ্যে তার প্রতি নিষ্ঠার অভাব আছে জানি, কিন্তু  
তা নিয়ে নালিশ করতে চাই নে । আজ্ঞ আমি বর্তমান  
থাকা সত্ত্বেও এখানকার যা কর্ম তা নানা বিরোধ ও  
অসংগতির মধ্য দিয়ে প্রাণের নিয়মে আপনি তৈরি হয়ে  
উঠছে ; আমি যখন থাকব না তখনও অনেক চিন্তার  
সমবেত উচ্ছোগে যা উদ্ভাবিত হতে থাকবে, তাই হবে  
সহজ সত্য । ক্ষত্রিম হবে যদি কোনো এক ব্যক্তি নিজের  
আদেশ-নির্দেশে একে বাধ্য করে চালায় — প্রাণধর্মের মধ্যে  
স্বতোবিরোধিতাকেও স্বীকার করে নিতে হয় ।

অনেক দিন পরে আজ এ আশ্রমকে সমগ্র করে দেখতে  
পাচ্ছি ; দেখছি আপন নিয়মে এ আপনি গড়ে উঠেছে ।  
গঙ্গা যখন গঙ্গোত্তীর মুখে তখন একটিমাত্র তার ধারা ।  
তার পর ক্রমে বহু নদনদীর সহিত যতই সে সংগত হল,  
সমুদ্রের যত নিকটবর্তী হল, কত তার রূপাস্তর ঘটেছে ।  
সেই আদিম স্বচ্ছতা আর তার নেই ; কত আবিলতা  
প্রবেশ করেছে তার মধ্য ; তবু কেউ বলে না গঙ্গার

## বিশ্বভারতী

উচিত ফিরে যাওয়া, যেহেতু অনেক মলিনতা চুকেছে তার  
মধ্যে, সে সরল গতি আর তার নেই। সব নিয়ে যে  
সমগ্রতা সেইটাই বড়ো— আশ্রমও স্বতোধাবিত হয়ে সেই  
পথেই চলেছে, অনেক মানুষের চিন্তসম্প্রিলনে আপনি গড়ে  
উঠেছে। অবশ্য এর মধ্যে একটা গ্রিক্য এনে দেয় মূলগত  
একটা আদিম বেগ ; তারও প্রয়োজন আছে, অথচ এর  
গতি প্রবল হয় সকলের সম্প্রিলনে। নিত্যকালের মতো  
কিছুই বকলনা করা চলে না— তবে এর মূলগত একটি গভীর  
তত্ত্ব বরাবর থাকবে এ কথা আমি আশা করি— সে কথা  
এই যে, এটা বিদ্যাশিক্ষার একটা খাঁচা হবে না, এখানে  
সকলে মিলে একটি প্রাণলোক সৃষ্টি করবে। এমনতরো  
স্বর্গলোক কেউ রচনা করতে পারে না যার মধ্যে কোনো  
কল্প নেই, দুঃখজনক কিছু নেই ; কিন্তু বন্ধুরা জানবেন যে,  
এর মধ্যে যা নিন্দনীয় সেইটাই বড়ো নয়। চোখের পাতা  
ওঠে, চোখের পাতা পড়ে ; কিন্তু পড়াটাই বড়ো নয়,  
সেটাকে বড়ো বললে অঙ্কতাকে বড়ো বলতে হয়। যাইরা  
প্রতিকূল, নিন্দার বিষয় তাঁরা পাবেন না এমন নয়—  
নিন্দনীয়তার হাত থেকে কেউই রক্ষা পেতে পারে না।  
কিন্তু তাকে পরাস্ত করে উত্তীর্ণ হয়েও টিকে থাকাতেই  
প্রাণের প্রমাণ। আমাদের দেহের মধ্যে নানা শক্ত নানা  
রোগের বীজাগু— তাকে আলাদা করে যদি দেখি তো দেখব  
প্রত্যেক মানুষ বিকৃতির আলয়। কিন্তু আসলে রোগকে  
পরাস্ত করে যে স্বাস্থ্যকে দেখা যাচ্ছে সেইটাই সত্য।

## বিশ্বভারতী

দেহের মধ্যে যেমন লড়াই চলছে, প্রত্যেক অঙ্গনের মধ্যেই  
তেমনি ভালোমন্দের একটা দুন্দু আছে— কিন্তু সেটা পিছন  
দিকের কথা। এর মধ্যে স্বাস্থ্যের তত্ত্বাই বড়ো।

আমি এমন কথা কখনও বলি নি, আজও বলি নে যে,  
আমি যে কথা বলব তাই বেদবাক্য— সেরকম অধিনেতা  
আমি নই। অসাধারণ তত্ত্ব তো আমি কিছু উদ্ভাবন  
করি নি ; সাধকেরা যে অঙ্গ পরিপূর্ণ জীবনের কথা বলেন  
সে কথা যেন সকলে স্বীকার করে নেন। এই একটি কথা  
ক্রব হয়ে থাক। তার পরে পরিবর্তমান পরিবর্ধমান স্থিতির  
কাজ সকলে মিলেই হবে। মানুষের দেহে যেমন অস্থি,  
এই অঙ্গনের মধ্যেও তেমনি একটি যান্ত্রিক দিক আছে।  
এই অঙ্গন যেন প্রাণবান হয়, কিন্তু যন্ত্রই যেন মুখ্য না হয়ে  
ওঠে ; হৃদয়-প্রাণ-কল্পনার সঞ্চরণের পথ যেন থাকে। আমি  
কল্পনা করি, এখানকার বিদ্যালয়ের আশ্বাদন এক সময়ে  
ঠারা পেয়েছেন, এখানকার প্রাণের সঙ্গে প্রাণকে  
মিলিয়েছেন, অনেক সময় হয়তো ঠারা এখানে অনেক বাধা  
পেয়েছেন, দুঃখ পেয়েছেন, কিন্তু দূরে গেলেই পরিপ্রেক্ষিতে  
দেখতে পান এখানে যা বড়ো যা সত্য। আমার বিশ্বাস,  
সেই দৃষ্টিমান অনেক ছাত্র ও কর্মী নিশ্চয়ই আছেন, নইলে  
অস্বাভাবিক হত। এক সময়ে ঠারা এখানে নানা আনন্দ  
পেয়েছেন, সখ্যবন্ধনে আবদ্ধ হয়েছেন— এর প্রতি ঠারের  
মমতা থাকবে না এ হতেই পারে না। আমি আশা করি,  
কেবল নিষ্ক্রিয় মমতা-দ্বারা নয়, এই অঙ্গনের অন্তর্বর্তী হয়ে

## বিশ্বভারতী

যদি তাঁরা এর শুভ ইচ্ছা করেন, তবে এর প্রাণের ধারা  
অব্যাহত থাকতে পারবে, যন্ত্রের কঠিনতা বড়ো হয়ে উঠতে  
পারবে না। এক সময়ে এখানে ধারা ছাত্র ছিলেন, ধারা  
এখানে কিছু পেয়েছেন, কিছু দিয়েছেন, তাঁরা যদি অস্তরের  
সঙ্গে একে গ্রহণ করেন তবেই এ প্রাণবান হবে। এইজন্য  
আজ আমার এই ইচ্ছা প্রকাশ করি যে, ধারা জীবনের অর্ধ্য  
এখানে দিতে চান, ধারা মমতা-ধারা একে গ্রহণ করতে  
চান, তাঁদের অস্তর্বর্তী করে নেওয়া যাতে সহজ হয় সেই  
প্রণালী যেন আমরা অবলম্বন করি। ধারা একদা এখানে  
ছিলেন তাঁরা সম্মিলিত হয়ে এই বিদ্যালয়কে পূর্ণ করে রাখুন  
এই আমার অনুরোধ। অন্তস্ব বিদ্যালয়ের মতো এ আশ্রম  
যেন কলেজ জিনিস না হয়—তা করব না বলেই এখানে  
এসেছিলাম। যন্ত্রের অংশ এসে পড়েছে, কিন্তু সবার উপরে  
প্রাণ যেন সত্য হয়। সেইজন্যই আহ্বান করি তাঁদের ধারা  
এক সময়ে এখানে ছিলেন, ধার্দের মনে এখনও সেই স্মৃতি  
উজ্জ্বল হয়ে আছে। ভবিষ্যতে যদি আদর্শের প্রবলতা  
শীঁণ হয়ে আসে তবে সেই পূর্বতনেরা যেন একে প্রাণ-  
ধারায় সঞ্চীবিত করে রাখেন, নিষ্ঠা ধারা শক্তি ধারা এর  
কর্মকে সফল করেন —এই আশ্বাস পেলেই আমি নিশ্চিন্ত  
হয়ে দেতে পারি।

৮ পৌষ ১৩৪১

শাস্তিনিকেতন

এই আশ্রমবিদ্যালয়ের কোথা থেকে আরম্ভ, কোন্ সংকল্প  
নিয়ে কিসের অভিমুখে এ চলেছে, সে কথা প্রতি বর্ষে  
একবার করে ভাববার সময় আসে— বিশেষ করে আমার  
—কেননা অনুভব করি, আমার বলবার সময় আর বেশি  
নেই। এর ইতিহাস বিশেষ নেই; যে কাজের ভার  
নিয়েছিলাম তা নিজের প্রকৃতিসংগত নয়। পূর্বে সমাজ  
থেকে দূরে কোণে মানুষ হয়েছি; আমি যে পরিবারে মানুষ  
হয়েছিলাম, লোকসমাজের সঙ্গে সংযোগ ছিল তার অল্প।  
যখন সাহিত্যে প্রবৃত্ত হলাম সে সময়ও নিভৃতে নদীতীরে  
কাটিয়েছি। এমন সময় এই বিদ্যালয়ের আহ্বান এল।  
এই কথাটা অনুভব করেছিলাম, শহরের ঝাঁচায় আবক্ষ  
হয়ে মানবশিশু নির্বাসনদণ্ড ভোগ করে, তার শিক্ষাও  
বিদ্যালয়ে সংকীর্ণ পরিধিতে সীমাবদ্ধ। গুরুর শাসনে  
তারা অনেক দুঃখ পায়, এ সম্বন্ধে আমার নিজেরও অভিজ্ঞতা  
আছে। কখনও ভাবি নি, আমার দ্বারা এর কোনো উপায়  
হবে। তবু একদিন নদীতীর ছেড়ে এখানে এসে আহ্বান  
করলুম ছেলেদের। এখানকার কাজে প্রথমে যে উৎসাহ  
এসেছিল সেটা স্থিতির আনন্দ; শিক্ষাকে লোকহিতের দিক  
থেকে অনসেবার অঙ্গ করে দেখা যায়— সে দিক থেকে  
আমি এখানে কাজ আরম্ভ করি নি। প্রকৃতির সৌন্দর্যের

## . বিশ্বভারতী

মধ্যে মানুষ হয়ে এখানকার ছেলেদের মন বিকশিত হবে,  
আবরণ ঘুচে যাবে, কল্পনায় এই রূপ দেখতে পেতাম।  
যথন জানলুম, এ কাজের ভার নেবাৰ আৱ কেউ নেই,  
তথন অনভিজ্ঞতা সহেও এ ভার আমি নিয়েছিলাম।  
আমি মনে কৰেছিলাম, আমাৰ ছেলেৱা প্ৰাণবান হবে,  
তাদেৱ মধ্যে ঔৎসুক্য জাগৱিত হবে। তাৱা বেশি পাস-  
মার্ক পেয়ে ভালো কৰে পাস কৱবে এ লোভ ছিল না—  
তাৱা আনন্দিত হবে, প্ৰকৃতিৰ শুশ্ৰায় শিক্ষকেৱ ঘনিষ্ঠ  
আত্মীয়তায় পৱিপূৰ্ণভাৱে বিকশিত হবে এই ইচ্ছাই মনে  
ছিল। অল্প কয়েকটি ছেলে নিয়ে গাছেৱ তলায় এই সন্ধ্য  
নিয়েই কাজ আৱস্থ কৰেছিলাম। প্ৰকৃতিৰ অবাধ সঙ্গ  
লাভ কৱবাৰ উন্মুক্ত ক্ষেত্ৰ এখানেই ছিল ; শিক্ষায় যাতে  
তাৱা আনন্দ পায়, উৎসাহ বোধ কৰে, সেজন্ত সৰ্বদা চেষ্টা  
কৰেছি, ছেলেদেৱ রামায়ণ মহাভাৱত পড়ে শুনিয়েছি ;  
অক্ষয়চন্দ্ৰ সৱকাৱ মহাশয় তথন এখানে আসতেন, তিনি  
তা শুনতে ছাত্ৰ হয়ে আসতে পাৱবেন না বলে আক্ষেপ  
প্ৰকাশ কৱেছেন। ছেলেদেৱ জন্য নানাৱকম খেলা মনে  
মনে আবিষ্কাৱ কৱেছি, একত্ৰ হয়ে তাদেৱ সঙ্গে অভিনয়  
কৱেছি, তাদেৱ জন্য নাটক রচনা কৱেছি। সন্ধ্যাৱ  
অক্ষকাৱে যাতে তাৱা দুঃখ না পায় এজন্ত তাদেৱ চিত্-  
বিনোদনেৱ নৃতন নৃতন উপায় সৃষ্টি কৱেছি— তাদেৱ  
সমস্ত সময়ই পূৰ্ণ কৱে রাখবাৱ চেষ্টা কৱেছি। আমাৰ  
নাটক গান তাদেৱ জন্তই আমাৰ রচনা। তাদেৱ খেলা-

## বিশ্বভারতী

ধূলোয়ও তখন আমি ঘোগ দিয়েছি। এইসব ব্যবস্থা  
অন্তর্ভুক্ত শিক্ষাবিধির অন্তর্গত নয়। অন্ত বিশ্বালয়ে ক্রিয়াপদ  
শৰ্করপ হয়তো বিশ্বভারতীবে মুখ্য করানো হচ্ছে—  
অভিভাবকের দৃষ্টিও সেই দিকেই। আমাদের হয়তো সে  
দিকে কিছু ক্রটি হয়ে থাকতে পারে, কিন্তু এ কথা বলতেই  
হবে যে, এখানে ছাত্রদের সহজ মুক্তির আনন্দ দিয়েছি।  
সর্বদা তাদের সঙ্গী হয়ে ছিলাম— মাত্র দশটা-পাঁচটা নয়,  
শুধু তাদের নির্দিষ্ট পাঠের মধ্যে নয়— তাদের আপন  
অন্তরের মধ্যে তাদের জাগিয়ে তুলতে চেষ্টা করেছি।  
কোনো নিয়ম -স্বারা তারা পিষ্ট না হয়, এই আমার মনে  
অভিপ্রায় ছিল। এই চেষ্টায় সঙ্গী পেয়েছিলুম কিশোর কবি  
সতীশচন্দ্রকে— শিক্ষাকে তিনি আনন্দে সরস করে তুলতে  
পেরেছিলেন, সেক্ষণে স্মৃতির মতো কঠিন বিষয়কেও তিনি  
অধ্যাপনার গুণে শিশুদের মনে মুদ্রিত করে দিতে পেরে-  
ছিলেন। তার পরে ক্রমশ নানা ঝুতু-উৎসবের প্রচলন  
হয়েছে; আপনার অঙ্গাতসারে প্রকৃতির সঙ্গে আমাদের  
আনন্দের ঘোগ এই উৎসবের সহযোগে গড়ে উঠবে এই  
আমার লক্ষ্য ছিল।

ছাত্রসংখ্যা তখন অল্প ছিল এও একটা স্বয়েগ ছিল,  
নইলে আমার পক্ষে একলা এর ভার গ্রহণ করা অসম্ভব  
হত। সকল ছাত্র-শিক্ষকে মিলে তখন এক হয়ে উঠে-  
ছিলেন, কাজেই সকলকে এক অভিপ্রায়ে চালিত করা সহজ  
হয়েছিল।

## বিশ্বভারতী

ক্রমে বিদ্যালয় বড়ো হয়ে উঠেছে। আমি যখন এর জন্ম দায়ী ছিলুম তখন অনেক সংকট এসেছে, সবই সহ করেছি ; অনেক সময় বহুসংখ্যক ছাত্রকে বিদায় করতে হয়েছে, তার যা আর্থিক ক্ষতি যেমন করে পারি বহন করেছি। কেবল এইটুকু লক্ষ্য রেখেছি, যেন ছাত্র শিক্ষক এক আদর্শে অনুপ্রাণিত হয়ে চলেন। ক্রমে যেটা সহজ পক্ষা বিদ্যালয় সেই দিকেই চলেছে বলে মনে হয়— শিক্ষার যেসব প্রণালী সাধারণত প্রচলিত, বিশ্ববিদ্যালয়ের দাবি, সেইগুলিই বলবান হয়ে ওঠে, তার নিজের ধারা বদলে গিয়ে হাই-ইস্কুলের চলতি ছাঁচের প্রভাব প্রবল হয়ে ওঠে, কেননা সেই দিকেই ঝোক দেওয়া সহজ ; সফলতার আদর্শ প্রচলিত আদর্শের দিকে ঝুঁকে পড়ে। যাবাথানে এল কনস্টিটুশন, ঠিক হল বিদ্যালয় ব্যক্তির অধীনে থাকবে না, সর্বসাধারণের ক্ষেত্রে একে পরিচালিত করবে। আমার কবিপ্রকৃতি ব'লেই হয়তো কনস্টিটুশন, নিয়মের কাঠামো, যাতে প্রাণধর্মের চেয়ে ক্ষতিমূলক উপায়ের উপর বেশি জোর, তা আমি বুঝতে পারি নে ; স্থষ্টির কার্যে এটা বাধা দেয় বলেই আমার মনে হয়। যাই হোক, কনস্টিটুশনে নির্ভর রেখে আমি এর মধ্য থেকে অবকাশ নিয়েছি ; কিন্তু এ কথা তো ভুলতে পারি নে যে, এ বিদ্যালয়ের কোনো বিশেষত্ব যদি অবশিষ্ট না থাকে তবে নিজেকে বঞ্চিত করা হয়। সাধ্যের বেশি অনেক আমাকে এর জন্ম দিতে হয়েছে, কেউ সে কথা জানে না— কত দুঃসহ কষ্ট আমাকে স্বীকার করতে

## বিশ্বভারতী

হয়েছে। অত্যন্ত দুঃখে থাকে গড়ে তুলতে হয়েছে সে যদি এমন হয় যা আরও টের আছে, অর্থাৎ তার সার্থকতার মানদণ্ড যদি সাধারণের অনুগত হয়, তবে কী দরকার ছিল এমন সমূহ ক্ষতি স্বীকার করবার? বিশ্বালয় যদি একটা হাই-ইস্কুলে মাত্র পর্যবসিত হয় তবে বলতে হবে ঠকলুম। আমার সঙ্গে যারা এখানে শিক্ষকতা আবন্ধ করেছিলেন, এখানকার আদর্শের মধ্যে যারা ধৌরে বেড়ে উঠছিলেন, তাদের অনেকেই আজ পরলোকে। পুরবর্তী যারা এখন এসেছেন তাদের শিক্ষকতার আদর্শ, দূর থেকে ছাত্রদের পরিচালনা করা, এটা আমার সময় ছিল না। এরকম করে দূরস্থ রেখে অন্তঃকরণকে জাগিয়ে তোলা সম্ভব হয় না। এতে হয়তো খুব দক্ষ পরিচালনা হতে পারে কিন্তু তার চেয়ে বড়ো জিনিসের অভাব ঘটতে থাকে। এখন অনেক ছাত্র অনেক বিভাগ হয়েছে, সকলই বিচ্ছিন্ন অবস্থায় চলছে। কর্মী সমগ্র অনুষ্ঠানটিকে চিন্তার ক্ষেত্রে সেবার ক্ষেত্রে এক করে দেখতে পাচ্ছেন না— বিচ্ছেদ জন্মাচ্ছে।

আমার বক্তব্য এই যে, সকল বিভাগই যদি এক প্রাণক্রিয়ার অন্তর্গত না হয় তবে এ ভাব বহন করা কঠিন। আমি যতদিন আছি ততদিন হয়তো এ বিচ্ছেদ ঠেকাতে পারি, কিন্তু আমার অবর্তমানে কার আদর্শে চলবে? আমি এই বিশ্বালয়ের জন্য অনেক দুঃখ স্বীকার করে নিয়েছি— আশা করি আমার এই উদ্বেগ প্রকাশ করবার অধিকার

## বিশ্বভারতী

আছে। এমন প্রতিষ্ঠান নেই যার মধ্যে কিছু নিন্দনীয় নেই, কিন্তু দরদী তা বুক দিয়ে চাপা দেয় ; এমন অনুষ্ঠান নেই যার দুঃখ নেই, বন্ধু তা আনন্দের সঙ্গে বহন করে। দৃঢ় নিষ্ঠার সঙ্গে সকলে একত্র হয়ে যেন আমরা আদর্শের বিশুদ্ধি রক্ষা করি, বিশ্বালয়ের মূল উদ্দেশ্য বিশৃঙ্খলা না হই।

ক্রমে বিশ্বালয়ের মধ্যে আর-একটা আইডিয়া প্রবেশ করেছিল— সংস্কৃতির ক্ষেত্রে বিশ্বের সঙ্গে ভারতবর্ষের যোগ। এতে নানা লাভ ক্ষতি হয়েছে, কিন্তু পেয়েছি আমি কয়েকজন বন্ধু যারা এখানে ত্যাগের অর্ঘ্য এনেছেন—আমার কর্মকে, আমাকে ভালোবেসেছেন। নানা নিন্দা তাঁরা শুনেছেন। বাইরে আমরা অতি দরিদ্র, কৌ দেখাতে পারি— তবুও বন্ধুরূপে সাহায্য করেছেন। শ্রীনিকেতনকে যিনি রক্ষা করছেন তিনি একজন বিদেশী— কৌ না তিনি দিয়েছেন। এগুজ দরিদ্র, তবু তিনি যা পেরেছেন দিয়েছেন— আমরা তাকে কত আঘাত দিয়েছি, কিন্তু কথনও তাতে ক্ষম হয়ে তিনি আমাদের ক্ষতি করেন নি। সেস্নি-সাহেব আমাদের পরম বন্ধু, পরম হিতৈষী। কেউ কেউ আজ পরলোকে। এই অক্ত্বিয় সৌহার্দ্য সকল ক্ষতির দুঃখে সান্ত্বনা। একান্তমনে কৃতজ্ঞতা স্বীকার করি এই বিদেশী বন্ধুদের কাছে।

৮ পৌষ ১৩৪২

শাস্ত্রনিকেতন

## বিশ্বভারতী

১৮

যুরোপে সর্বত্রই আছে বিজ্ঞানসাধনার প্রতিষ্ঠান—  
ব্যাপক তার আয়োজন, বিচিত্র তার প্রয়াস। আধুনিক  
যুরোপের শক্তিকেন্দ্র বিজ্ঞানে, এইজন্যে তার অঙ্গশীলনের  
উদ্যোগ সহজেই সর্বজনের সমর্থন পেয়েছে। কিন্তু যুরোপীয়  
সংস্কৃতি কেবলমাত্র বিজ্ঞান নিয়ে নয়— সাহিত্য আছে,  
সংগীত আছে, নানাবিধ কলাবিদ্যা আছে, জনহিতকর  
প্রচেষ্টা আছে। এদের কেন্দ্র নানা জায়গাতেই রূপ  
নিয়েছে জাতির স্বাভাবিক প্রবর্তনায়।

এইসকল কেন্দ্রের প্রধান সার্থকতা কেবল তার কর্মফল  
নিয়ে নয়। তার চেয়ে বড়ো সিদ্ধি সাধকদের আত্মার  
বিকাশে। নানা প্রকারে সেই বিকাশের প্রবর্তনা ও  
আন্তর্কূল্য যদি দেশের মধ্যে থাকে তবেই দেশের অন্তরোত্তা  
জেগে উঠতে পারে। মানুষের প্রকৃতিতে উর্ধবদেশে  
আছে তার নিষ্কাশ কর্মের আদেশ, সেইখানে প্রতিষ্ঠিত  
আছে সেই বেদী ষেখানে অন্ত কোনো আশা না রেখে সে  
সত্যের কাছে বিশুদ্ধভাবে আত্মসমর্পণ করতে পারে—  
আর কোনো কারণে নয়, তাতে তার আত্মারই পূর্ণতা  
হয় ব'লে।

আমাদের দেশে এখানে সেখানে দূরে দূরে গুটিকয়েক  
বিশ্ববিদ্যালয় আছে, সেখানে বাঁধা নিয়মে যান্ত্রিক প্রণালীতে

## বিশ্বভাস্তু

ডিগ্রি বানাবাৰ কাৱধানাঘৰ বসেছে। এই শিক্ষার সুষ্ঠোগ নিয়ে ডাক্তার এণ্ডিনিয়ার উকিল প্ৰতিতি ব্যবসায়ীদেৱ সংথ্যাও বেড়ে চলেছে। কিন্তু সমাজে সত্যেৱ জন্ম কৰ্মেৱ জন্ম নিষ্কাম আত্মনিয়োগেৱ ক্ষেত্ৰ প্ৰতিষ্ঠা হয় নি। প্ৰাচীন কালে ছিল তপোবন ; সেখানে সত্যেৱ অনুশীলন এবং আত্মাৰ পূৰ্ণতা-বিকাশেৱ জন্ম সাধকেৱা একত্ৰ হয়েছেন, রাজস্বেৱ ষষ্ঠ অংশ দিয়ে এইসকল আশ্রমকে রক্ষা কৰা রাজাদেৱ কৰ্তব্য ছিল। সকল সভ্য দেশেই জ্ঞানেৱ তাপস কৰ্মেৱ ব্ৰতীদেৱ জন্মে তপোভূমি বচিত হয়েছে।

আমাদেৱ দেশে সাধনা বলতে সাধাৱণত মাঝুষ আধ্যাত্মিক মুক্তিৰ সাধনা, সন্ন্যাসেৱ সাধনা ধৰে নিয়ে থাকে। আমি যে সংকলন নিয়ে শাস্তিনিকেতনে আশ্রম-স্থাপনাৰ উচ্ছোগ কৱেছিলুম, সাধাৱণ মাঝুষেৱ চিত্তোৎকৰ্মেৱ সুদূৰ বাইৱে তাৰ লক্ষ্য ছিল না। যাকে সংস্কৃতি বলে তা বিচিত্ৰ ; তাতে মনেৱ সংস্কাৱ সাধন কৱে, আদিম থনিজ অবস্থাৰ অনুজ্জলতা থেকে তাৰ পূৰ্ণ মূল্য উন্নাবন কৱে নেয়। এই সংস্কৃতিৰ নানা শাখাপ্ৰশাখা ; মন যেখানে সুস্থ সবল, মন সেখানে সংস্কৃতিৰ এই নানাৰিধি প্ৰেৱণাকে আপনিই চায়।

ব্যাপকভাৱে এই সংস্কৃতি-অনুশীলনেৱ ক্ষেত্ৰ প্ৰতিষ্ঠা ক'ৱে দেব, শাস্তিনিকেতন-আশ্রমে এই আমাৰ অভিপ্ৰায় ছিল। আমাদেৱ দেশেৱ বিদ্যালয়ে পাঠ্যপুস্তকেৱ পৰিধিৰ মধ্যে জ্ঞানচৰ্চাৰ যে সংকীৰ্ণ সীমা নিৰ্দিষ্ট আছে, কেবলমাৰ্ত

## বিশ্বভারতী

তাই নয়, সকলরকম কাঙ্কশাৰ্থ শিল্পকলা বৃত্যগীতবান্ত  
নাট্যাভিনয় এবং পল্লীহিতসাধনেৱ জন্মে ঘেসকল শিক্ষা ও  
চৰার প্ৰয়োজন সমন্বয় এই সংস্কৃতিৰ অন্তৰ্গত ব'লে স্বীকাৰ  
কৰিব। চিত্তেৱ পূৰ্ণবিকাশেৱ পক্ষে এই সমন্বয়ৰই প্ৰয়োজন  
আছে বলে আমি জানি। খাতে নানা প্ৰকাৰেৱ প্ৰাণীন  
পদাৰ্থ আমাদেৱ শৱীৱে মিলিত হয়ে আমাদেৱ দেয় স্বাস্থ্য,  
দেয় বল; তেমনি ঘেসকল শিক্ষণীয় বিষয়ে মনেৱ প্ৰাণীন  
পদাৰ্থ আছে তাৰ সবগুলিৱই সমবায় হবে আমাদেৱ  
আশ্রমেৱ সাধনায়— এই কথাই আমি অনেক কাল চিন্তা  
কৰেছি।

পদ্মাৱ বোটে ছিল আমাৱ নিভৃত নিবাস। সেখান  
থেকে আশ্রমে চলে এসে আমাৱ আসন নিলুম গুটি-পাঁচ-  
ছয় ছেলেৱ মাৰখানে। কেউ না মনে কৰিবেন, তাদেৱ  
উপকাৱ কৱাই ছিল আমাৱ লক্ষ্য। ক্লাস-পড়ানো কাজে  
উপকাৱ কৱাৱ সম্বল আমাৱ ছিল না। বস্তুত সাধনা  
কৱাৱ আগ্ৰহ আমাকে পেয়ে বসেছিল, আমাৱ নিজেৱই  
জন্মে। নিজেকে দিয়ে ফেলাৱ স্বারা নিজেকে পাওয়াৱ  
লোভ আমাকে দৰখল কৰেছিল। ছোটো ছেলেদেৱ  
পড়াবাৱ কাজে দিনেৱ পৰে দিন আমাৱ কেটেছে, তাৰ  
মধ্যে খ্যাতিৰ প্ৰত্যাশা বা খ্যাতিৰ স্বাদ পাবাৱ উপায়  
ছিল না। সবচেয়ে নিম্নশ্ৰেণীৱ ইস্কুলমাস্টাৱি। ঐ কটি  
ছোটো ছেলে আমাৱ সমন্বয় সময় নিলে, অৰ্থ নিলে, সামৰ্থ্য  
নিলে— এইটেই আমাৱ সাৰ্থকতা। এই-ষে আমাৱ

## বিশ্বভাস্তু

সাধনার স্থূল ঘটল, এতে করে আমি আপনাকেই পেতে লাগলুম। এই আত্মবিকাশ, এ কেবল সাধনার ফলে, বৃহৎ মানবজীবনের সংগমক্ষেত্রে। আপনাকে সরিয়ে ফেলতে পারলেই বৃহৎ মানুষের সংসর্গ পাওয়া ষায়, এই সামাজিক ছেলে-পড়ানোর মধ্যেও। এতে খ্যাতি নেই, স্বার্থ নেই, সেইজন্তেই এতে বৃহৎ মানুষের স্পর্শ আছে।

সকলে জানেন— আমি মানুষের কোনো চিত্তবৃত্তিকে অস্বীকার করি নি। বাল্যকাল থেকে আমার কাব্য-সাধনার মধ্যে যে আত্মপ্রকাশের প্রবল ইচ্ছা জাগ্রত ছিল, মানুষের সকল চিত্তবৃত্তির 'পরেই তার ছিল অভিমুখিত। মানুষের কোনো চিংশতির অনুশীলনকেই আমি চপলতা বা গান্ধীর্যহানির দাগ দিই নি।

বহু বৎসর আমি নদীতৌরে নৌকাবাসে সাহিত্যসাধনা করেছি, তাতে আমার নিরতিশয় শান্তি ও আনন্দ ছিল। কিন্তু মানুষ শুধু কবি নয়। বিশ্বলোকে চিত্তবৃত্তির যে বিচিত্র প্রবর্তনা আছে তাতে সাড়া দিতে হবে সকল দিক থেকে ; বলতে হবে ওঁ — আমি জেগে আছি।

এখানে এলুম যথন, তখন আমার কর্মচেষ্টায় বাইরের প্রকাশ অতি দীন ছিল। সে সম্বন্ধে এইটুকু মাত্রই বলতে পারি, সেই উপকরণবিরল অতি ছোটো ক্ষেত্রের মধ্যে আপনাকে দেওয়ার দ্বারা ও আপনাকে পাওয়ার দ্বারা যে আনন্দ তারই মধ্য দিয়ে এই আশ্রমের কাজ শুরু হয়েছে।

দিনে দিনে এই কাজের ক্ষেত্র প্রসারিত হয়েছে।

## বিশ্বভারতী

আজ সে উদ্ঘাটিত হয়েছে সর্বসাধারণের দৃষ্টির সামনে। আমাদের অভিজ্ঞতা থেকে জেনেছি, আমাদের দেশের দৃষ্টি প্রায়ই অনুকূল নয়। কিন্তু তাতে ক্ষতি হয় নি, তাতে কর্মের মূল্যই বেড়েছে।

যাই সংকীর্ণ কর্তব্যসীমার মধ্যেও এই বিদ্যায়তনে কাজ করছেন তাদেরও সহশোগিতা শ্রদ্ধার সঙ্গে সকৃতজ্ঞ চিন্তে আমার স্বীকার্য।

এখানে যাই এসেছেন তাই একে সম্পূর্ণভাবে গ্রহণ করেছেন কি না জানি না। কিন্তু তাদের উদ্দেশে এই প্রতিষ্ঠানকে আমি সমর্পণ করেছি।

বহুদিন এই আশ্রমে আমরা প্রচলন ছিলাম। মাটির ভিতরে বৌজের যে অঙ্গাতবাস, প্রাণের শূরণের জন্য তার প্রয়োজন আছে। এই অঙ্গাতবাসের পর্ব দীর্ঘকাল চলেছিল। আজ যদি এই প্রতিষ্ঠান লোকচক্ষুর গোচর হয়ে থাকে তবে সেই প্রকাশ দৃষ্টিপাতের ঘাতসংঘাত ভালোমন্দ লাভক্ষতি সম্ভব স্বীকার করে নিতে হবে— কথনও পীড়িত মনে, কথনও উৎসাহের সঙ্গে।

যাই উপদেষ্টা পরামর্শদাতা বা অতিথি ভাবে এখানে আসেন তাদের জানিয়ে রাখি— আমাদের এই বিদ্যায়তনে ব্যবসায়বৃক্ষি নেই। এখানে ক্ষণে ক্ষণে উভেজিত জনমতের অনুবর্তন করে জনতার মন রক্ষা করি নি, এবং সেই কারণে যদি আনুকূল্য থেকে বক্ষিত হয়ে থাকি তবে সে আমাদের সৌভাগ্য। আমরা কর্মপ্রচেষ্টার মধ্যে শ্রেয়কে

## বিশ্বভারতী

বরণ করবার প্রয়াস রাখি। কর্মের সাধনাকে মহুষসাধনার  
সঙ্গে এক বলে জানি। আমাদের এখানে সাধনার আসন  
পাতা রয়েছে। সকল স্থলেই যে সেই আসন সাধকেরা  
অধিকার করেছেন এমন গর্ব করি নে। কিন্তু এখানকার  
আবহাওয়ার মধ্যে একটি আহ্বান আছে: আয়ত্ত সর্বতঃ  
স্বাহা।

আমাদের মনে বিশ্বাস হয়েছে, আমাদের চেষ্টা ব্যর্থ  
হয় নি, যদিও ফসলের পূর্ণপরিষ্ঠত রূপ আমরা দেখতে  
পাচ্ছি না। যারা আমাদের স্বদীর্ঘ এবং দুর্ক্ষ প্রয়াসের  
মধ্যে এমন-কিছু দেখতে পেয়েছেন যার সর্বকালীন মূল্য  
আছে, তাদের সেই অঙ্কুল দৃষ্টি থেকে আমরা বরজাভ  
করেছি। তাদের দৃষ্টির সেই আবিষ্কার শক্তি জাগিয়েছে  
আমাদের কর্ম। দূরের থেকে এসেছেন মনীষীরা  
অতিথিরা, ফিরেছেন বন্ধুদেশ, তাদের আশ্বাস ও আনন্দ  
সঞ্চিত হয়েছে আশ্রমের সম্পদভাণ্ডারে।

বছরিনের ত্যাগের ধারা, চেষ্টার ধারা এই আশ্রমকে  
দেশের বেদীমূলে স্থাপন করবার জন্য নৈবেষ্টসংবচনকার্য  
আমার আয়ুর সঙ্গে সঙ্গেই একরূপ শেষ করে এনেছি।  
দূরের অতিথি-অভ্যাগতদের অনুমোদনের ধারা আমাদের  
কাছে এই কথা স্পষ্ট হয়েছে যে, এখানে প্রাণশক্তি রয়েছে।  
ফুলে ফলে বাইরের ফসলের কিছু-একটা প্রকাশ এবং  
দেখেছেন, তা ছাড়া তারা এবং অস্তরের ক্রিয়াকেও  
দেখেছেন। দূরের সেই অতিথিরা-মনীষীরা আমাদের

## বিখ্যাতী

পরম বস্তু, কারণ তাদের আশ্চর্য আমরা পেয়েছি।  
আমাদের এই আশ্চর্যের কর্মতে আমি যে আপনাকে  
সমর্পণ করেছি তা সার্থক হবে যদি আমার এই স্থষ্টি আমি  
যাবার পূর্বে দেশকে সঁপে দিতে পারি। শ্রদ্ধা দেওয়া-  
যেমন, তেমনি শ্রদ্ধা আদেওয়া। যেমন শ্রদ্ধার দিতে চাই,  
তেমনি শ্রদ্ধায় একে গ্রহণ করতে হবে। এই দেওয়া-  
নেওয়া যেদিন পূর্ণ হবে সেদিন আমার সারা জীবনের কর্ম-  
সাধনার এই ক্ষেত্র পূর্ণতার রূপ লাভ করবে।

৮ পৌষ ১৩৪৯

শাস্তিনিকেতন

## বিশ্বভারতী

১৯

অনেক দিন পরে আজ আমি তোমাদের সম্মুখে এই মন্দিরে  
উপস্থিত হয়েছি। অত্যন্ত সংকোচের সঙ্গেই আজ এসেছি।  
এ কথা জানি যে, দীর্ঘকালের অনুপস্থিতির ব্যবধানে আমাৰ  
বহুকালের অনেক সংকলনের গ্রন্থি শিথিল হয়ে এসেছে। যে  
কাৰণেই হোক, তোমাদের মন এখন আৱ প্ৰস্তুত নেই  
আশ্রমেৰ সকল অৰুণানেৰ সকল কৰ্তব্যকৰ্মেৰ অন্তৰেৱ  
উদ্দেশ্যটি গ্ৰহণ কৱতে, এ কথা অস্বীকাৰ কৱে লাভ নেই।  
এৱ জন্মে শুধু তোমৰা নও, আমৰা সকলেই দায়ী।

আজ মনে পড়ছে চলিশ বৎসৰ পূৰ্বেৰ একটি দিনেৰ  
কথা। বাংলাৰ নিভৃত এক প্ৰান্তে আমি তখন ছিলাম পদ্মা-  
নদীৰ নিৰ্জন তীৰে। মন যথন সে দিকে তাকায়, দেখতে  
পায় যেন এক দূৰ যুগেৰ প্ৰত্যুষেৰ আভা। কথন এক  
উদ্বোধনেৰ মন্ত্ৰ হঠাৎ এল আমাৰ প্ৰাণে। তখন কেবল-  
মাত্ৰ কবিতা লিখে দিন কাটিয়েছি; অধ্যয়ন ও সাহিত্যা-  
লোচনাৰ মধ্যে ডুবে ছিলাম, তাৰই সঙ্গে ছিল বিষয়কৰ্মেৰ  
বিপুল বোৰা।

কেন সেই শাস্তিময় পল্লীশীৱ স্মিন্দ আবেষ্টন থেকে টেনে  
নিয়ে এল আমাকে এই ৱৌদ্রদৰ্শ মনুপ্রান্তৰে তা বলতে  
পাৰি না।

এখানে তখন বাইৱে ছিল সব দিকেই বিৱলতা ও

## বিশ্বভারতী

বিজ্ঞতা, কিন্তু সব সময়েই যনের মধ্যে ছিল একটি পরিপূর্ণতার আশ্বাস। একাগ্রচিত্তে সর্বদা আকাঙ্ক্ষা করেছি, বর্তমান কালের তুচ্ছতা ইতরতা প্রগল্ভতা সমস্ত দূর করতে হবে। ধারের শিক্ষাদানের ভার গ্রহণ করেছি, ভারতের যুগান্তরব্যাপী সাধনার অযুত-উৎসে তারের পৌছে দিতে পারব, এই আশাই ছিল অন্তরের গভীরে।

কতদিন এই মন্দিরের সামনের চাতালে দুটি-একটি মাত্র উপাসক নিয়ে সববেত হয়েছি— অবিরত চেষ্টা ছিল স্থপ্ত প্রাণকে জাগাবার। তারই সঙ্গে আরও চেষ্টা ছিল ছেলেদের মনে তারের স্বাধীন কর্মশক্তি ও মননশক্তিকে উদ্বৃক্ত করতে। কোনোদিনই খণ্ডভাবে আমি শিক্ষা দিতে চাই নি। ক্লাসের বিচ্ছিন্ন ব্যবস্থায় তারের শিক্ষার সমগ্রতাকে আমি কথনও বিপর্যস্ত করি নি।

সেদিনের সে আয়োজন অঙ্ক-অর্হুষানের ধারা স্নান ছিল না, অপমানিত ছিল না অভ্যাসের ক্লাস্তিতে। এমন কোনো কাজ ছিল না যার সঙ্গে নিবিড় ষেগ ছিল না আশ্রয়ের কেন্দ্রস্থলবর্তী শ্রদ্ধার একটি মূল উৎসের সঙ্গে। স্নান পান আহারে সেদিনের সমগ্র জীবনকে অভিষিক্ত করেছিল এই উৎস। শাস্তিনিকেতনের আকাশ বাতাস পূর্ণ ছিল এবং চেতনায়। সেদিন কেউ একে অবজ্ঞা করে অন্তর্মনস্ক হতে পারত না।

আজ বার্ধক্যের ভাটার টানে তোমাদের জীবন থেকে দূরে পড়ে গেছি। প্রথম যে আদর্শ বহন করে এখানে

## বিশ্বভারতী

এসেছিলুম, আমার জীর্ণ শক্তির অপটুতা থেকে তাকে, উদ্ধার করে নিয়ে দৃঢ় সংকলনের সঙ্গে নিজের হাতে বহন করবার আনন্দিত উত্তম কোথাও দেখতে পাচ্ছি নে। মনে হয় এ যেন বর্তমান কালেরই বৈশিষ্ট্য। সব-কিছুকে সন্দেহ করা, অপমান করা, এতেই যেন তার স্পর্ধা। তাই তো বীভৎস শক্তি মারৌবিস্তার করে ফুটে উঠেছে দেশে বিদেশে আজকের দিনের রাষ্ট্রে সমাজে, বিজ্ঞপ্তি করছে তাকে যা মানবসভ্যতার চিরদিনের সাধনার সামগ্রী।

চলিশ বৎসর পূর্বে যখন এখানে প্রথম আসি তখন আশ্রমের আকাশ ছিল নির্মল। কেবল তাই নয়, তখন বিষবাস্প ব্যাপ্ত হয় নি মানবসমাজের দিগ্দিগন্তে।

আজ আবার আসছি তোমাদের সামনে যেন বহুদূরের থেকে। আর-একবার মনে পড়ছে এই আশ্রমে প্রথম প্রবেশ করবার দীর্ঘ বন্ধুর পথ। বিরুদ্ধ ভাগ্যের নির্মতা ভেদ করে সেই-ষে পথ্যাত্মা চলেছিল সমুদ্রের দিকে তার দুঃসহ দুঃখের ইতিহাস কেউ জানবে না। আজ এসেছি সেই দুঃখস্মৃতির ভিতর দিয়ে। উৎকণ্ঠিত মনে তোমাদের মধ্যে খুঁজতে এলাম তার সার্থকতা। আধুনিক যুগের শ্রদ্ধাহীন স্পর্ধা-স্বার্থা এই তপস্তাকে মন থেকে প্রত্যাখ্যান কোরো না— একে স্বীকার করে নাও।

ইতিহাসে বিপর্যয় বহু ঘটেছে, সভ্যতার বহু কৌর্তিমন্দির যুগে যুগে বিধ্বস্ত হয়েছে, তবু মানুষের শক্তি আজও সম্পূর্ণ লোপ পায় নি। সেই ভবসার 'পরে ভব' করে মজ্জমান

## বিশ্বভারতী

তরী -উদ্ধারচেষ্টা করতে হবে, নতুন হাওয়ার পালে সে  
আবার যাত্রা শুরু করবে। কালের শ্রেত বর্তমান যুগের  
নবীন কর্ণধারদেরকেও ভিতরে ভিতরে যে এগিয়ে নিয়ে  
চলেছে, তা সব সময় ঠাদের অনুভূতিতে পৌঁছয় না।  
একদিন যখন প্রগল্ভ তর্কের এবং বিজ্ঞপমুখের অট্টহাস্তের  
ভিতর দিয়ে ঠাদেরও বয়সের অঙ্গ বেড়ে যাবে, তখন  
সংশয়শুল্ক বন্ধ্যা বৃক্ষিক অভিযান প্রাণে শান্তি দেবে না।  
অমৃত-উৎসের অম্বেষণ তখন আরম্ভ হবে জীবনে।

সেই আশা-পথের পথিক আমরা, নৃতন প্রভাতের  
উদ্বোধনমন্ত্র শ্রদ্ধার সঙ্গে গান করবার জন্যে প্রস্তুত হচ্ছি,  
যে শ্রদ্ধায় আছে অপরাজেয় বীর্য, নাস্তিবাদের অঙ্ককারে  
যার দৃষ্টি পরাহত হবে না, যে ঘোষণা করবে—

রেদাহমেতঃ পুরুষঃ মহাস্তম্  
আদিত্যবর্ণঃ তমসঃ পরস্তাৎ ।

৮ শ্রাবণ ১৩৪৭

শান্তিরিক্তেন



## পরিশিষ্ট

এই আশ্রমের গুরুর অনুজ্ঞায় ও আপনাদের অনুমতিতে আমাকে যে সভাপতির ভার দেওয়া হল তাহা আমি শিরোধার্য করে নিছি। আমি এ ভাবের সম্পূর্ণ অযোগ্য। কিন্তু আজকের এই প্রতিষ্ঠান বিপুল ও বহুগব্যাপী। তাই ব্যক্তিগত বিনয় পরিহার করে আমি এই অনুষ্ঠানে ভৱতী হলাম। বহু বৎসর ধরে এই আশ্রমে একটা শিক্ষার কেন্দ্র গড়ে উঠেছে। এই ধরনের এডুকেশনাল এক্সপ্রিমেন্ট দেশে খুব বিরল। এই দেশ তো আশ্রম-সংঘ-বিহারের দেশ। কোথাও কোথাও ‘গুরুকুল’ এর মতো দু-একটা এমনি বিদ্যালয় থাকলেও, এটি এক নৃতন ভাবে অনুপ্রাণিত। এর স্থান আর কিছুতে পূর্ণ হতে পারে না। এখানে খোলা আকাশের নৌচে প্রকৃতির ক্ষেত্রে মেঘরৌদ্রবৃষ্টিবাতাসে বালকবালিকারা লালিতপালিত হচ্ছে। এখানে শুধু বহিরঙ্গ-প্রকৃতির আবির্ভাব নয়, কলাসৃষ্টির দ্বারা অন্তরঙ্গ-প্রকৃতির পারিপার্শ্বিক অবস্থায় জেগে উঠেছে। এখানকার বালক-বালিকারা এক-পরিবার-ভুক্ত হয়ে আচার্যদের মধ্যে রয়েছে। একজন বিশ্বপ্রাণ পার্সনালিটি এখানে সর্বদাই এর মধ্যে জাগ্রত রয়েছেন। এমনিভাবে এই বিদ্যালয় গড়ে উঠেছে। আজ সেই ভিত্তির প্রসার ও পূর্ণাঙ্গতা সাধন হতে চলল। আজ এখানে বিশ্বভারতীর অভ্যন্তরের

## বিশ্বভারতী

দিন। ‘বিশ্বভারতী’র কোষাহুষায়িক অর্থের ঘারা আমরা বুঝি ষে, ষে ‘ভারতী’ এতদিন অঙ্গকৃত হয়ে কাজ করছিলেন আজ তিনি প্রকট হলেন। কিন্তু এর মধ্যে আর-একটি খনিগত অর্থও আছে— বিশ্ব ভারতের কাছে এসে পৌছবে, সেই বিশ্বকে ভারতীয় করে নিয়ে আমাদের যন্ত্রণাগে অনুরঞ্জিত ক’রে ভারতের মহাপ্রাণে অনুপ্রাণিত ক’রে আবার সেই প্রাণকে বিশ্বের কাছে উপস্থিত করব। সেই ভাবেই বিশ্বভারতীর নামের সাৰ্থকতা আছে।

একটা কথা আমাদের স্মরণ রাখতে হবে— ভারতের মহাপ্রাণ কোন্টা। ষে মহাপ্রাণ লৃপ্তপ্রায় হয়ে এসেছে তাকে ধূলতে গিয়ে আমরা যদি বিশ্বের সঙ্গে কারবার স্থাপন ও আদানপ্রদান না করি তবে আমাদের আত্মপরিচয় হবে না। Each can realize himself only by helping others as a whole to realize themselves এ যেমন সত্য, এর converse অর্থাৎ others can realize themselves by helping each individual to realize himselfও তেমনি সত্য। অপরে আমার লক্ষ্যের পথে, ষাবার পথে যেমন মধ্যবর্তী, তেমনি আমিও তার মধ্যবর্তী ; কারণ আমাদের উভয়কে যেখানে ব্রহ্ম বেষ্টন করে আছেন সেখানে আমরা এক, একটি মহা ঐক্য অস্তরণ হয়ে আছি। এ ভাবে দেখতে গেলে বিশ্বভারতীতে ভারতের প্রাণ কী তাৰ পরিচয় পেতে হবে,

## বিশ্বভারতী

তাতে করে জগতের যে পরিচয় ঘটবে তাৰ কল্পে আম্ভাকে  
প্রতিফলিত দেখতে পাৰ।

আমি আজ ভাৱতবৰ্ষ সম্বন্ধে কিছু বলতে চাই। আজ  
জগৎ জুড়ে একটি সমস্তা রয়েছে। সৰ্বত্রই একটা বিশ্বোহেৱ  
ভাৱ দেখা যাচ্ছে— সে বিশ্বোহ প্ৰাচীন সভ্যতা, সমাজতন্ত্র,  
বিচাবুদ্ধি, অনুষ্ঠান, সকলেৱ বিকল্প। আমাদেৱ আশ্রম  
দেৰালয় প্ৰতিষ্ঠা-কিছু হয়েছিল তা যেন সব ধূলিসাং হয়ে  
যাচ্ছে। বিশ্বোহেৱ অনল জলছে, তা অৰ্ডাৱ-প্ৰগ্ৰেস'কে  
মানে না, রিফৰ্ম্ চায় না, কিছুই চায় না। যে মহাযুক্ত হয়ে  
গেল এই বিশ্বোহেৱ মধ্য দিয়ে তাৰ চেয়ে বড়ো যুক্ত চলে  
আসছে, গত মহাযুক্ত তাৱই একটা প্ৰকাশ মাত্ৰ। এই  
সমস্তাৱ পূৱণ কেমন কৱে হবে, শাস্তি কোথায় পাওয়া  
যাবে, সকল জাতিই এৱ উত্তৰ দেৱাৱ অধিকাৰী। এই  
সমস্তায় ভাৱতেৱ কী বলবাৱ আছে, দেৱাৱ আছে?

আমৰা এত কালেৱ ধ্যানধাৰণা থেকে যে অভিজ্ঞতা  
লাভ কৱেছি তাৱ জ্ঞাৱা এই সমস্তা পূৱণ কৱবাৱ কিছু  
আছে কি না। যুৱোপে এ সম্বন্ধে যে চেষ্টা হচ্ছে সেটা  
পোলিটিকাল অ্যাডমিনিস্ট্ৰেশনেৱ দিক দিয়ে হয়েছে।  
সেখানে রাজনৈতিক ডিভিৱ উপৱ ট্ৰীটি, কন্ডেনশন,  
প্যাক্ট-এৱ ভিতৱ দিয়ে শাস্তিস্থাপনেৱ চেষ্টা হচ্ছে। এ  
হবে এবং হবাৱ দৱকাৱও আছে। দেখছি সেখানে  
মাল্টিপ্ল অ্যালায়েন্স হয়েও হল না, বিৱোধ ঘটল।  
আৱিবিট্ৰেশন কোটি এবং হেগ-কন্ফাৰেন্সে হল না, শেষে

## বিশ্বভারতী

লীগ অব নেশনস্-এ গিয়ে দাঢ়াচ্ছে। তার অবলম্বন হচ্ছে limitation of armaments। কিন্তু আমি বিশ্বাস করি যে, এ ছাড়া আরও অন্য দিকে চেষ্টা করতে হবে : কেবল রাষ্ট্রীয় ক্ষেত্রে নয়, সামাজিক দিকে এর চেষ্টা হওয়া দরকার। Universal simultaneous disarmament of all nations -এর জন্য নৃতন হিউম্যানিজমের রিলিজ্যস মূড়মেন্ট হওয়া উচিত। তার ফলস্বরূপ যে যেশিনারি হবে তা পার্লামেন্ট বা ক্যাবিনেটের ডিপ্রো-ম্যাসিস অধীনে থাকবে না। পার্লামেন্টসমূহের জয়েন্ট সিটিং তো হবেই, সেইসঙ্গে বিভিন্ন people-এরও কন্ফারেন্স হলে তবেই শান্তির প্রতিষ্ঠা হতে পারে। কিন্তু একটা জিনিস আবশ্যক হবে— mass-এর life, mass-এর religion। বর্তমান কালে কেবলমাত্র individual salvation-এ চলবে না ; সর্বমুক্তিতেই এখন মুক্তি, না হলে মুক্তি নেই। ধর্মের এই mass life -এর দিকটা সমাজে স্থাপন করতে হবে।

ভারতের এ সম্বন্ধে কী বাণী হবে। ভারতও শান্তির অনুধাবন করেছে, চীনদেশও করেছে। চীনে সামাজিক দিক দিয়ে তার চেষ্টা হয়েছে। যদি social fellowship of man with man হয়, তবেই international peace হবে, নয়তো হবে না। কনফুসিয়সের গোড়ার কথাই এই যে, সমাজ একটা পরিবার, শান্তি সামাজিক ফেলো-শিপের উপর স্থাপিত ; সমাজে যদি শান্তি হয় তবেই বাইরে

## বিশ্বভারতী

শান্তি হতে পারে। ভারতবর্ষে এর আর-একটা ভিত্তি দেওয়া হয়েছে, তা হচ্ছে অহিংসা মৈত্রী শান্তি। প্রত্যেক individual-এ বিশ্বপদর্শন এবং তারই ভিতর ব্রহ্মের ঐক্যকে অনুভব করা ; এই ভাবের মধ্যে যে peace আছে ভারতবর্ষ তাকেই চেয়েছে। ব্রহ্মের ভিত্তিতে আত্মাকে স্থাপন করে যে peace compact হবে তাতেই শান্তি আনবে। এই সমস্যা সমাধানের চেষ্টায় চীনদেশের সোশ্যাল ফেলোশিপ এবং ভারতের আত্মার শান্তি এই দুইই চাই, নতুবা লৌগ অব নেশন্স-এ কিছু হবে না। গ্রেট ওয়ারের থেকেও বিশালতর যে দ্বন্দ্ব জগৎ জুড়ে চলছে, তার জন্য ভারতবর্ষের পক্ষ থেকে বিশ্বভারতীকে বাণী দিতে হবে।

ভারতবর্ষ দেখেছে যে, রাষ্ট্রনৈতিক ক্ষেত্রে যে state আছে তা কিছু নয়। সে বলেছে যে, নেশনের বাইরেও মহা সত্য আছে, সন্মান ধর্মেই তাৰ স্বাজ্ঞাত্য রয়েছে। যেখানে আত্মার বিকাশ ও ব্রহ্মের আবির্ভাব সেখানেই তাহার দেশ। ভারতবর্ষ ধর্মের বিস্তৃতির সঙ্গে সঙ্গে এই extra-territorial nationality-তে বিশ্বাস করেছে। এই ভাবের অনুসরণ করে লৌগ অব নেশন্সের গ্রান্থনালিটির ধারণাকে সংশোধিত করতে হবে। তেমনি আত্মার দিক দিয়ে extra-territorial sovereignty-র ভাবকে স্থান দিতে হবে। এমনিভাবে Federation of the World স্থাপিত হতে পারে, এখনকার সময়ের উপরোগী করে লৌগ অব নেশন্সে এই extra-territorial

## বিশ্বভারতী

nationality-র কথা উৎপন্ন করা ষেতে পারে। ভারতবর্ষের রাষ্ট্রীয় দিক দিয়ে এই বাণী দেবার আছে। আমরা দেখতে পাই যে, বৌদ্ধ প্রচারকগণ এই ভাবটি প্রচার করেছিলেন যে, প্রত্যেক রাজ্যার code এমন হওয়া উচিত যা শুধু নিজের জাতির নয়, অপর সব জাতির সমানভাবে হিতসাধন করতে পারবে। ভারতের ইতিহাসে এই বিধিটি সর্বদা রক্ষিত হয়েছে, তার রাজ্যাবৰ্ষা জয়ে পরাজয়ে, রাজচক্রবর্তী হয়েও, এমনি করে আন্তর্জাতিক সম্বন্ধকে স্বীকার করেছেন।

সামাজিক জীবন সম্বন্ধে ভারতবর্ষের মেসেজ কী। আমাদের এখানে গুপ ও কম্যুনিটির স্থান খুব বেশি। এরা intermediary body between state and individual। রোম প্রভৃতি দেশে রাষ্ট্রব্যবস্থার ফলে স্টেট ও ইন্ডিভিজুয়ালে বিরোধ বেধেছিল ; শেষে ইন্ডিভিজুয়ালিজ্মের পরিণতি হল অ্যানার্কিতে, এবং স্টেট—মিলিটারি সোশ্যালিজ্মে গিয়ে দাঢ়ালো। আমাদের দেশের ইতিহাসে গ্রামে বর্ণাশ্রমে এবং ধর্মসংঘের ভিতরে কম্যুনিটির জীবনকেই দেখতে পাই। বর্ণাশ্রমে যেমন প্রতি ব্যক্তির কিছু প্রাপ্য ছিল, তেমনি তার কিছু দেয়ও ছিল, তাকে কতকগুলি নির্ধারিত কর্তব্য পালন করতে হত। Community in the individual যেমন আছে তেমনি the individual in the community-ও আছে। প্রত্যেকের ব্যক্তিজীবনে গুপ পার্সনালিটি এবং ইন্ডিভিজুয়াল

## বিশ্বভারতী

পাস'নালিটি আগ্রহ আছে, এই উভয়েরই সমান প্রয়োজন আছে। গুপ্ত পাস'নালিটির ভিতৱ্ব ইন্ডিভিজুয়ালের স্বাধিকারকে স্থান দেওয়া দরকার। আমাদের দেশে ক্ষেত্রটি বর্যে গেছে যে, আমাদের ইন্ডিভিজুয়াল পাস'নালিটির বিকাশ হয় নি, co-ordination of power in the stateও হয় নি। আমরা ইন্ডিভিজুয়াল পাস'নালিটির দিক দিয়ে ক্ষতিগ্রস্ত হয়েছি, বৃহৎ শক্তির হাতে আমাদের লাহিত হতে হয়েছে।

আজকাল যুরোপে group principle-এর দরকার হচ্ছে। সেখানে political organization, economic organization, এসবই group গঠন করার দিকে যাচ্ছে। আমাদেরও এই পথে সমস্যাপূরণ করবার আছে। আমাদের যেমন যুরোপের কাছ থেকে স্টেটের centralization ও organization নেবার আছে তেমনি যুরোপকেও group principle দেবার আছে। আমরা সে দেশ থেকে economic organizationকে গ্রহণ করে আমাদের village communityকে গড়ে তুলব। কৃষ্ণ আমাদের জীবন-যাত্রার প্রধান অবলম্বন, স্থুতৰাঃ ruralization-এর দিকে আমাদের চেষ্টাকে নিয়োগ করতে হবে। অবশ্য আমি সেজন্তি বলছি না যে, town lifeকে develop করতে হবে না ; তারও প্রয়োজন আছে। কিন্তু আমাদের ভূমির সঙ্গে প্রাণের ষোগ-সাধন করতে হবে। ভূমির সঙ্গে ownership-এর সম্বন্ধ হলে তবে স্বাধীনতা থাকতে পারে।

## বিশ্বভারতী

কারখানার জীবনও দরকার আছে, কিন্তু ভূমি ও বাস্তৱ  
সঙ্গে individual ownership-এর যোগকে ছেড়ে না  
দিয়ে large-scale production আনতে হবে। বড়ো  
আকারে energyকে আনতে হবে, কিন্তু দেখতে হবে—  
কলের energy মাঝের আত্মাকে পীড়িত অভিভূত না  
করে, যেন জড় না করে দেয়। সমবায়প্রণালীর দ্বারা  
হাতের কলকেও দেশে স্থান দিতে হবে। এমনিভাবে  
economic organization-এ ভারতকে আন্তরিচয় দিতে  
হবে। আমাদের স্ট্যাণ্ডার্ড অব লাইফ এত নিম্ন স্তরে  
আছে যে, আমরা decadent হয়ে যাবতে বসেছি। যে  
প্রণালীতে efficient organization-এর নির্দেশ করলাম  
তাকে না ছেড়ে বিজ্ঞানকে আমাদের প্রয়োজনসাধনে  
লাগাতে হবে। আমাদের বিশ্বভারতীতে তাই, রাষ্ট্রনীতি  
সমাজধর্ম ও অর্থনীতির যে যে ইন্সিটিউশন পৃথিবীতে  
আছে, সে-সবকেই স্টডি করতে হবে, এবং আমাদের দৈন্য  
কেন ও কোথায় তা বুঝে নিয়ে আমাদের অভাব পূরণ  
করতে হবে। কিন্তু এতে করে নিজের প্রাণকে ও স্বজনী-  
শক্তিকে যেন বাইরের চাপে নষ্ট না করি। যা-কিছু  
গ্রহণ করব তাকে ভারতের ছাঁচে টেলে নিতে হবে।  
আমাদের স্বজনীশক্তির দ্বারা তারা coined into our  
flesh and blood হয়ে যাওয়া চাই।

ভিন্ন ভিন্ন জাতির স্বীক অব লাইফ আছে কিন্তু  
তাদের ইতিহাস ও ভূপরিচয়ের মধ্যেও একটি বৃহৎ ঐক্য

## বিশ্বভারতী

আছে, এই বিভিন্নতার মধ্যেও এক জায়গায় unity of human race আছে। তাদের সেই ইতিহাস ও ভূগোলের বিভিন্ন environment-এর জন্য যে life values সৃষ্টি হয়েছে, পরম্পরার যোগাযোগের স্বার্থা তাদের বিস্তৃতি হওয়া প্রয়োজন। এই লাইফ-স্কীমগুলির আদান-প্রদানে বিশ্বে তাদের বৃহৎ লীলাক্ষেত্র তৈরি হবে।

আমাদের জাতীয় চরিত্রে কী কী অভাব আছে, কী কী আমাদের বাইরে থেকে আহরণ করতে হবে? আমাদের মূল ক্রটি হচ্ছে, আমরা বড়ো একপেশে—ইমোশনাল। আমাদের ভিতরে will ও intellect-এর মধ্যে, সব্জেক্টিভিটি ও অব্জেক্টিভিটির মধ্যে চির-বিচ্ছেদ ঘটেছে। আমরা হয় খুব সব্জেক্টিভ, নয়তো খুব যুনিভার্সাল। অনেক সময়েই আমরা যুনিভার্সালিজ্মের বা সাম্যাব চরম সীমায় চলে যাই, কিন্তু differentiation-এ যাই না। আমাদের অব্জেক্টিভিটির পূর্ণ বিকাশ হওয়া দরকার। প্রক্রিয়াবেক্ষণ ও অব্জার্ভেশনের ভিতর দিয়ে মনের সত্যাহৃতিতাকে ও শৃঙ্খলাকে প্রতিষ্ঠিত করতে হবে। আমাদের intellect-এর character-এর অভাব আছে, স্বতরাং আমাদের intellectual honesty-এর প্রতি দৃষ্টি রাখতে হবে। তা হলেই দেখব যে, কর্তব্যবোধ জাগ্রত হয়েছে। অন্য দিকে আমাদের moral ও personal responsibility-এর বোধকে জাগাতে হবে, Law, Justice ও Equality-এ

## বিশ্বভারতী

যা লুপ্ত হয়ে গেছে তাকে ফিরিয়ে আনতে হবে— এসকল  
বিষয়ে আমাদের শিক্ষা আহরণ করতে হবে। আমাদের  
মধ্যে বিশ্বকে না পেলে আমরা নিজেকে পাব না। তাই  
বিশ্বকে প্রতিষ্ঠিত করে আমরা আত্মপরিচয় লাভ করব  
এবং আমাদের বাণী বিশ্বকে দেব।

এ দেশে অনেক বিশ্ববিদ্যালয় অনেক প্রতিষ্ঠান আছে,  
কিন্তু সেখান থেকে cast iron ও rigid standardized  
product তৈরি হচ্ছে। শাস্তিনিকেতনে natural-  
ness-এর স্থান হয়েছে, আশা করি বিশ্বভারতীতে সেই  
spontaneity-র বিকাশের দিকে দৃষ্টি থাকবে। যুনিভার্সিটিকে জাতীয় প্রতিষ্ঠান বলা যেতে পারে। এশিয়ার  
genius যুনিভার্সাল হিউম্যানিজ্মের দিকে, অতএব  
ভারতের এবং এশিয়ার interest-এ একটি  
যুনিভার্সিটির প্রয়োজন আছে। পূর্বে যে সংঘ ও বিহারের  
দ্বারা ভারতের সার্থকতা-সাধন হয়েছিল, তাদেরই এ যুগের  
উপর্যোগী ক'রে, সেই পুরাতন আবণ্যককে বিশ্বভারতী রূপে  
এখানে প্রতিষ্ঠা করা হয়েছে।

৮ পৌষ ১৩২৮

শ্রীব্রজেন্দ্রনাথ শীল

শাস্তিনিকেতন

বিশ্বভারতী পরিষদ-সভার প্রতিষ্ঠা-উৎসবে

সভাপতির অভিভাষণ

## গ্রন্থপরিচয়

১৩০৮ সালের ৭ পৌষ শাস্তিনিকেতন ব্রহ্মবিদ্যালয়  
স্থাপিত হয় ; ১৩২৮ সালের ৮ পৌষ বিশ্বভারতী  
পরিষদ্ সভার প্রতিষ্ঠা ।

আনুষ্ঠানিকভাবে বিশ্বভারতী প্রতিষ্ঠিত হইবার  
বহু পূর্ব হইতেই শাস্তিনিকেতনে ‘সর্বমানবের ষোগ-  
সাধনের সেতু’ - রচনার কল্পনা রবীন্দ্রনাথের মনকে  
ক্রমশ অধিকার করিতে থাকে ; শাস্তিনিকেতনের  
অধ্যাপক ও ছাত্রদিগকে লিখিত কোনো কোনো পত্রে  
তাহার আভাস পাওয়া ষাট ।

‘সিকাগো । ৩ মার্চ [ ১৯১৩ ] ।... এখানে মানুষের  
শক্তির মূর্তি যে পরিমাণে দেখি পূর্ণতার মূর্তি সে  
পরিমাণে দেখতে পাই নে ।... মানুষের শক্তির ষতদুর  
বাড় হবার তা হয়েছে, এখন সময় হয়েছে ষথন  
ষোগের জন্যে সাধনা করতে হবে । আমাদের  
বিদ্যালয়ে আমরা কি সেই যুগসাধনার প্রবর্তন করতে  
পারব না ? মনুষ্যজুকে বিশ্বের সঙ্গে যোগযুক্ত করে  
তার আদর্শ কি আমরা পৃথিবীর সামনে ধরব না ?...  
মানুষকে তার সফলতার স্তুরটি ধরিয়ে দেবার সময়  
এসেছে । আমাদের শাস্তিনিকেতনের পাখিদের কঠো

## বিশ্বভারতী

সেই স্মরণ কি ভোরের আলোয় ফুটে উঠবে না ?'...  
—তত্ত্ববোধিনী পত্রিকা, বৈশাখ ১৩২০। প্রবাসী, জ্যৈষ্ঠ  
১৩২০, কঠিপাথুর

‘লস এঞ্জেলস। ১১ অক্টোবর ১৯১৬।  
... তার পরে এও আমার মনে আছে যে, শাস্তি-  
নিকেতন বিদ্যালয়কে বিশ্বের সঙ্গে ভারতের যোগের  
স্তুতি করে তুলতে হবে— ঐখানে সার্বজাতিক  
মহামুদ্ধুত্তর্চার কেন্দ্র স্থাপন করতে হবে— স্বাজাতিক  
সংকীর্ণতার যুগ শেষ হয়ে আসছে— ভবিষ্যতের জন্য  
যে বিশ্বজাতিক মহামিলনযজ্ঞের প্রতিষ্ঠা হচ্ছে তাৰ  
প্রথম আয়োজন এ বোলপুরের প্রাস্তরেই হবে।  
এ জায়গাটিকে সমস্ত জাতিগত ভূগোলবৃত্তান্তের  
অতীত করে তুলব এই আমার মনে আছে— সর্ব-  
মানবের প্রথম জয়ধৰ্ম। ঐখানে রোপণ হবে।’

—চিঠিপত্র ২

‘...বিশ্বভারতীর উত্থাপন। গত [ ১৩২৫ ] ৮ই  
পৌষে তাহার স্থচনা হয় এবং গত বৎসরই চিত্র,  
সংগীত প্রভৃতি কলা এবং সংস্কৃত, পালি, ইংরেজি  
প্রভৃতি সাহিত্যের অধ্যাপনার কাজ আরম্ভ হয়।’  
‘গত বৎসর [ ১৩২৫ ] ৮ই পৌষে আশ্রমের বার্ষিক  
উৎসবের দিনে বিশ্বভারতী স্থাপিত হয়, এবং বর্তমান  
বৎসরে [ ১৩২৬ ] ১৮ই আষাঢ় ইহার নিয়মানুযায়ী

## গ্রন্থপরিচয়

কার্যের আরম্ভ হয়।’ ‘বিগত ২৩ ডিসেম্বর [ ১৯২১ ]  
৮ পৌষ [ ১৩২৮ ]... বিশ্বভারতীর সাংবৎসরিক...  
সভায় বিশ্বভারতী পরিষদ্ গঠিত হয় এবং ‘বিশ্ব-  
ভারতীর জন্য যে সংস্থিতি (constitution) গ্রন্তি  
হইয়াছে তাহা গৃহীত হয়’ — এই তারিখই বর্তমানে  
বিশ্বভারতীর প্রতিষ্ঠাদিবস বলিয়া স্বীকৃত ; এই দিন  
‘সর্বসাধারণের হাতে তাকে সমর্পণ’ করা হয় ।

বিশ্বভারতীর সূচনা হইবার পর, ১৯১৯ খ্রিস্টাব্দে  
রবীন্দ্রনাথ ভারতবর্ষের বিভিন্ন স্থানে নিমজ্ঞিত  
হইয়া The Centre of Indian Culture প্রতিষ্ঠিত  
প্রবন্ধে শিক্ষার সম্বন্ধে তাহার আদর্শ ব্যাখ্যা করেন ।  
‘আমাদের দেশে শিক্ষার আদর্শ কী হওয়া উচিত সে  
সম্বন্ধে আমার প্রবন্ধ আমি কলিকাতায় এবং অন্য  
অনেক শহরে পাঠ করিয়াছি । বিষয়টি এত বড়ে  
যে আমাদের এই ছোটো পত্রপুটে তাহা ধরিবে  
না । সংক্ষেপে তাহার মর্মটুকু এখানে বলি ।’ এই  
'মর্ম' শাস্তিনিকেতন পত্রের ১৩২৬ বৈশাখ সংখ্যায়  
'বিশ্বভারতী' নামে প্রকাশিত হয় ; উহাই বর্তমান  
গ্রন্থের প্রথম প্রবন্ধ ।

‘শিক্ষাকে কেমন করিয়া সত্য এবং প্রাণের  
জিনিস করা ষাট’ এই প্রসঙ্গে রবীন্দ্রনাথের নানা

## বিশ্বভারতী

চিন্তা এই সময় শাস্তিনিকেতন পত্রে ধারাবাহিকভাবে  
প্রকাশিত হইতে থাকে— বিশ্বভারতী প্রসঙ্গে ইহার  
কোনো কোনো রচনা অংশতঃ উল্কৃত হইল—

‘আমাদের দেশে বর্তমানে দুই রকমের ভৌকৃতা  
দেখা যায়। কাহারও ভৌকৃতা দেশী প্রকৃতিকে বন্ধা  
করিতে ; কাহারও ভৌকৃতা যুরোপীয় শিক্ষা গ্রহণ  
করিতে। ধাহারা এই দুই ভৌকৃতাকেই অতির্জন্ম  
করিয়াছেন তাহারাই ভারতবর্ষকে বাঁচাইবেন।  
মেস্তুরের রাজাসন এই দুই ভয়কেই ছাড়াইয়া  
উঠিয়াছে।

‘এইজন্যই যখন মেস্তুরের নৃতন বিশ্ববিদ্যালয়  
দেখিলাম সেটা এতই বেস্তুরা বোধ হইল। ইহার  
মধ্যে আমাদের আপন কিছুই নাই, ইহা একেবারেই  
নকল। ইহাতেই বুঝিলাম, বিদ্যা সম্বন্ধে ভারতবর্ষ  
আপন সাহস একেবারেই হারাইয়া ফেলিয়াছে।  
যে বিদ্যালয়কে আমরা বিশ্ববিদ্যালয় বলিয়া থাকি  
তাহার মধ্যে ভারতবর্ষকে বড়ো জ্ঞানগা দিতে আমরা  
কুষ্টি। যেন বিদ্যাশিক্ষা সম্বন্ধে যুরোপের বাহিরে  
বিশ্বই নাই। যেন বিশ্বের মধ্যে ভারতবর্ষ বলিয়া  
পদার্থের অস্তিত্ব মেলে না, অথবা অগুরীক্ষণের  
সাহায্যে ধূলিকণার মধ্যে তাহাকে খুঁটিয়া পাওয়া  
যায় ; সেইজন্য মেস্তুরের মতো স্থানেও বিশ্ববিদ্যালয়ের  
ইটকাঠ, তাহার চৌকিটেবিল, তাহার পুঁথিপত্র,

## গ্রন্থপরিচয়

তাহার বিষয় ও আশয়ের মধ্যে ভারতবর্ষ নিতাঙ্গই সংকুচিত ও প্রচল্ল হইয়া আছে। বিদ্যাগারের মধ্যে ভারতবর্ষের প্রতি এই আঙ্গার অভাব, এই সম্মানের অভাব যে কিন্তু গভীরভাবে আমাদের মনকে আত্ম-অবিশ্বাসের মধ্যে চিরদিনের মতো মজ্জিত করিয়া দিতেছে সে কথা ভালো করিয়া বুঝিয়া দেখিবার পর্যন্ত শক্তি আমরা হারাইয়াছি। মৈশুরে আমাদের ভৱসার বিষয় অনেক দেখিয়াছি তাই এখনও এই আশা মনে রাখিলাম যে... একদিন মৈশুরের বিশ্ববিদ্যালয়ে পশ্চিমের বাণীর সঙ্গে আমাদের ভারতীর একাসনে মিলন ঘটিবে— কিন্তু সেই আসনটি হইবে ভারতীরই আসন।'

—মৈশুরের কথা, শাস্তিনিকেতন, বৈশাখ ১৩২৬

‘ভারতবর্ষের নানা স্থানেই নৃতন নৃতন বিশ্ববিদ্যালয় স্থাপনের চেষ্টা চলিতেছে। ইহাতেই বুকা যাব শিক্ষা সম্বন্ধে আমাদের মনে একটা অসন্তোষ জনিয়াছে।...

‘বর্তমান শিক্ষাপ্রণালীটাই যে আমাদের ব্যর্থতার কারণ, অভ্যাসগত অস্ত মমতার মোহে সেটা আমরা কিছুতেই মনে ভাবিতে পারি না। যুরিয়া ফিরিয়া নৃতন বিশ্ববিদ্যালয় গড়িবার বেলাতেও প্রণালী বদল করিবার কথা মনেই আসে না, তাই নৃতনের ঢালাই করিতেছি সেই পুরাতনের ছাঁচে। নৃতনের অশ্ব

## বিশ্বভাৰতী

ইচ্ছা খুবই হইতেছে, অথচ ভৱসা কিছুই হইতেছে না।  
কেননা ঐটেই যে রোগ, গতদিনেৱ শিক্ষা-বোৰাম  
চাপে সেই ভৱসাটাই যে সমূলে ঘৰিয়াছে।'

—অসমৰ্জনৰ কাৰণ, শাস্তিনিকেতন, জ্যৈষ্ঠ ১৩২৬

‘আমাদেৱ দেশে বিদ্যাসমবায়েৱ একটি বড়ো ক্ষেত্ৰ  
চাই, যেখানে বিদ্যার আদান প্ৰদান ও তুলনা হইবে,  
যেখানে ভাৰতীয় বিদ্যাকে মানবেৱ সকল বিদ্যার  
ক্ৰমবিকাশেৱ মধ্যে রাখিয়া বিচাৰ কৰিতে হইবে।

‘তাহা কৰিতে গেলে ভাৰতীয় বিদ্যাকে তাহাৰ  
সমস্ত শাখা-উপশাখাৰ ঘোগে সমগ্ৰ কৰিয়া জানা চাই।  
ভাৰতীয় বিদ্যার সমগ্ৰতাৰ জ্ঞানটিকে মনেৱ মধ্যে  
পাইলে তাহাৰ সঙ্গে বিশ্বেৱ সমস্ত বিদ্যার সম্বন্ধনিৰ্ণয়  
স্বাভাৱিক প্ৰণালীতে হইতে পাৱে। কাছেৱ  
জিনিসেৱ বোধ দূৰেৱ জিনিসেৱ বোধেৱ সহজ ভিত্তি।

‘বিদ্যার নদী আমাদেৱ দেশে বৈদিক, পৌৱাণিক,  
বৌদ্ধ, জৈন, প্ৰধানত এই চাৰি শাখায় প্ৰবাহিত।  
ভাৰতচিত্তগঙ্গোত্ৰীতে ইহাৰ উন্নৰ্ব। কিন্তু, দেশে  
যে নদী চলিতেছে, কেবল সেই দেশেৱ জলেই সেই  
নদী পুষ্ট না হইতেও পাৱে। ভাৰতেৱ গঙ্গাৰ সঙ্গে  
তিকৰতেৱ ব্ৰহ্মপুত্ৰ মিলিয়াছে। ভাৰতেৱ বিদ্যার  
শ্ৰোতেও সেইৱৰ মিলন ঘটিয়াছে। বাহিৰ হইতে  
মুসলমান যে জ্ঞান ও ভাবেৱ ধাৰা এখানে বহন  
কৰিয়া আনিয়াছে সেই ধাৰা ভাৰতেৱ চিত্ৰকে স্তৰে

## ଅହପରିଚୟ

କୁରେ ଅଭିର୍ବିକ୍ତ କରିଯାଛେ, ତାହା ଆମାଦେର ଭାଷାଙ୍କ  
ଆଚାରେ ଶିଳ୍ପେ ସାହିତ୍ୟ ସଂଗୀତେ ନାନା ଆକାରେ  
ପ୍ରକାଶମାନ । ଅବଶେଷେ ସମ୍ପ୍ରତି ଯୁରୋପୀୟ ବିଦ୍ୟାର  
ବନ୍ଧୀ ସକଳ ବୀଧ ଭାଙ୍ଗିଯା ଦେଶକେ ପ୍ରାବିତ କରିଯାଛେ ;  
ତାହାକେ ହାସିଯା ଉଡ଼ାଇତେও ପାରି ନା, କାନ୍ଦିଯା  
ଠେକାନୋଓ ସଞ୍ଜବପର ନହେ ।

‘ଅତେବ, ଆମାଦେର ବିଦ୍ୟାଯତନେ ବୈଦିକ, ପୌରାଣିକ,  
ବୌଦ୍ଧ, ଜୈନ, ମୁସଲମାନ ଓ ପାର୍ସି ବିଦ୍ୟାର ସମବେତ ଚର୍ଚାଯ  
ଆନୁଷ୍ଠିକଭାବେ ଯୁରୋପୀୟ ବିଦ୍ୟାକେ ସ୍ଥାନ ଦିତେ ହିବେ ।

‘ସମସ୍ତ ପୃଥିବୀକେ ବାଦ ଦିଯା ଯାହାରା ଭାରତକେ  
ଏକାନ୍ତ କରିଯା ଦେଖେ ତାହାରା ଭାରତକେ ସତ୍ୟ କରିଯା  
ଦେଖେ ନା । ତେମନି ଯାହାରା ଭାରତେର କେବଳ ଏକ  
ଅଂଶକେଇ ଭାରତେର ସମଗ୍ରତା ହିତେ ଥଣ୍ଡିତ କରିଯା  
ଦେଖେ ତାହାରାଓ ଭାରତଚିତ୍କକେ ନିଜେର ଚିତ୍ରେ ମଧ୍ୟ  
ଉପଲବ୍ଧି କରିତେ ପାରେ ନା । ...

‘ଭାରତେ ମେଇ ଚିତ୍ରେ ଐକ୍ୟକେ ପୋଲିଟିକାଲ  
ଐକ୍ୟର ଚେଯେ ବଡ଼ୋ ବଲିଯା ଜାନିତେ ହିବେ ; କାରଣ,  
ଏହି ଐକ୍ୟ ସମସ୍ତ ପୃଥିବୀକେ ଭାରତବର୍ଷ ଆପନ ଅଙ୍ଗନେ  
ଆହ୍ଵାନ କରିତେ ପାରେ । ଅର୍ଥଚ, ଦୁର୍ଭାଗ୍ୟକ୍ରମେ ଆମାଦେର  
ବର୍ତ୍ତମାନ ଶିକ୍ଷା ଏମନ ଯେ, ମେଇ ଶିକ୍ଷାର ଗୁଣେଇ ଭାରତୀୟ  
ଚିତ୍କକେ ଆମରା ତାହାର ସ୍ଵରାଜ୍ୟ ପ୍ରତିଷ୍ଠିତ କରିତେ  
ପାରିତେଛି ନା ।

‘ଭାରତେର ହିନ୍ଦୁ ବୌଦ୍ଧ ଜୈନ ମୁସଲମାନ ଶିଖ ପାର୍ସି

## বিশ্বভারতী

খুস্টানকে এক বিরাট চিত্রক্ষেত্রে সত্যসাধনার ঘজে  
সমবেত করাই ভারতীয় বিদ্যায়তনের প্রধান কাজ—  
ছাত্রদিগকে কেবল ইংরেজি মুখস্থ করানো, অঙ্ক  
করানো, সায়াস্ শেখানো নহে।’...

—বিদ্যাসমবায়<sup>></sup>, শাস্তিনিকেতন, আশ্বিন-কার্তিক

১৩২৬

‘গত [ ১৩২৬ ] ১৮ই আষাঢ় আশ্রমের অধিপতি  
শ্রীযুক্ত রবীন্দ্রনাথ ঠাকুর মহাশয়ের সভাপতিত্বে  
প্রারম্ভোৎসব সমাধা করিয়া বিশ্বভারতীর কার্য  
আরম্ভ করা হইয়াছে।’ এই কার্যারম্ভের দিনে রবীন্দ্র-  
নাথ যে বক্তৃতা দেন তাহার সারসংকলন বর্তমান  
গ্রন্থের প্রতীয় প্রবন্ধকূপে মুদ্রিত হইল ; প্রথমে ইহা  
শাস্তিনিকেতন পত্রের ১৩২৬ আবণ সংখ্যায় ‘বিশ্ব-  
ভারতী’ নামে প্রকাশিত হইয়াছিল।

‘বিগত ২৩ ডিসেম্বর [ ১৯২১ ] ৮ পৌষ [ ১৩২৮ ]  
বোলপুরে শাস্তিনিকেতন-আশ্রমের আয়কুণ্ডে শ্রীযুক্ত  
রবীন্দ্রনাথ ঠাকুর মহাশয়ের নৃতন শিক্ষার কেন্দ্র  
বিশ্বভারতীর সাংবৎসরিক সভার অধিবেশন হয়।

---

> ‘অসম্ভোষের কারণ’ ও ‘বিদ্যাসমবায়’ প্রবন্ধ দুইটি শিক্ষা  
গ্রন্থের প্রচলিত সংস্করণে সম্পূর্ণ মুদ্রিত আছে। উক্ত গ্রন্থে ‘বিদ্যার  
যাচাই’ ( শাস্তিনিকেতন, আষাঢ় ১৩২৬ ) প্রবন্ধটিও দ্রষ্টব্য।

## গ্রন্থপরিচয়

সেই সভায় বিশ্বভারতী পরিষদ্ গঠিত হয় এবং  
বিশ্বভারতীর জন্য যে সংস্থিতি (constitution)  
প্রণীত হইয়াছে তাহা গৃহীত হয়। ডাক্তার অজেন্ট-  
নাথ শীল মহাশয় সভাপতির আসন গ্রহণ করেন।  
সভায় শ্রীযুক্ত রবীন্দ্রনাথ ঠাকুর, আচার্য সিল্ভ্যা লেডি,  
ম্যাডাম লেডি, রাজগুরু ধর্মাধাৰ মহাপ্রবিৰ, ডাক্তার  
মিস্ ক্রাম্বিশ্, শ্রীযুক্ত উইলিয়াম পিয়ার্সন, শ্রীযুক্ত  
স্বেহলতা সেন, শ্রীযুক্তা হেমলতা দেবী, শ্রীমতী  
প্রতিমা দেবী, শ্রীযুক্ত নেপালচন্দ্ৰ রায়, স্বার নীলৱতন  
সরকার, দিল্লিৰ সেণ্ট স্টিফেন কলেজেৰ প্ৰিসিপ্যাল  
শ্রীযুক্ত এস্ কে কুন্দ, শ্রীযুক্ত মহিমচন্দ্ৰ ঠাকুৱ, শ্রীযুক্ত  
প্ৰশাস্তচন্দ্ৰ মহলানবিশ, ডাক্তার শিশিৱৰকুমাৰ মৈত্ৰ  
-প্ৰমুখ বহু বিশিষ্ট ব্যক্তি উপস্থিত ছিলেন।... সৰ্বপ্ৰথমে  
শ্রীযুক্ত রবীন্দ্রনাথ ঠাকুৱ মহাশয় ডাক্তার অজেন্টনাথ  
শীল মহাশয়কে সভাপতিত্বে বৱণ কৱিবাৰ প্ৰস্তাৱ  
কৱেন...।’—

‘আমি ইচ্ছা কৰি আচার্য অজেন্টনাথ শীল  
মহাশয় কিছু বলুন। আমাদেৱ কী কৰ্তব্য, এই  
বিশ্বভারতীৰ সঙ্গে তাঁৰ চিত্তেৰ যোগ কোথায়, তা  
আমৱা শুনতে চাই। আমি এই স্বযোগ গ্ৰহণ কৱে  
আপনাদেৱ অনুমতিক্রমে তাঁকে সভাপতিৰ পদে  
বৱণ কৱলুম।’

এই উপলক্ষে রবীন্দ্রনাথ যে বক্তৃতা কৱেন তাহা

## বিশ্বভারতী

এই গ্রন্থের তৃতীয় প্রকাশ রূপে মুদ্রিত হইল— পূর্বে  
তাহা শাস্তিনিকেতন পত্রের ১৩২৮ মাঘ সংখ্যায়  
'বিশ্বভারতী পরিষদ-সভার প্রতিষ্ঠা' নামে প্রকাশিত  
হইয়াছিল।

সভাপত্রিকারূপে আচার্য ব্রজেন্দ্রনাথ শীলের  
অভিভাবণের 'সংক্ষিপ্ত ও অসম্পূর্ণ প্রতিবেদন, শাস্তি-  
নিকেতন পত্রের ১৩২৮ মাঘ সংখ্যায় প্রকাশিত  
পূর্বোক্ত বিবরণ হইতে পরিশিষ্টে মুদ্রিত হইল।

৪-সংখ্যক রচনাটি 'আলোচনা : বিশ্বভারতীর  
কথা' নামে ১৩২৯ ভাদ্র ও আশ্বিন সংখ্যা শাস্তি-  
নিকেতন পত্রে প্রকাশিত হয়— 'গত ২০শে ফাল্গুন  
বিশ্বভারতীর কয়েকটি নবাগত ছাত্র আচার্য ব্রবীজ্ঞনাথ  
ঠাকুর মহাশয়ের নিকট বিশ্বভারতীর আদর্শ সম্বক্ষে  
কিছু শুনিতে চাহিলে তিনি ষাহা বলিয়াছেন তাহার  
মর্ম।' আলোচনার শেষে ব্রবীজ্ঞনাথ বলেন—

'আমি চাই, তোমরা বিশ্বভারতীর নৃতন ছাত্রেরা  
খুব উৎসাহ ও আনন্দের সঙ্গে এখানকার আদর্শকে  
সমর্থন করে কাজ করে যাবে, যাতে আমি তোমাদের  
সহযোগিতা লাভ করি। আমার অচুরোধ যে,  
তোমরা এখানকার তপস্যাকে শুন্দা করে চলবে,  
যাতে এই প্রাণ-দিয়ে-গ'ড়ে-তোলা প্রতিষ্ঠানটি  
অশ্রদ্ধার আঘাতে ভেঙ্গে না পড়ে।'

## গ্রন্থপরিচয়

‘বিশ্বভারতী’র আদর্শ-প্রচার-কলেজ কলিকাতায় বিশ্বভারতী সম্মিলনী নামে ষে-একটি সভা স্থাপিত হয়’, ১৩২৯ সালে তাহার একটি অধিবেশনে রবীন্দ্রনাথ বিশ্বভারতীর আদর্শ ব্যাখ্যা করেন, ৫-সংখ্যক রচনা সেই বক্তৃতার অনুলিপি ; ‘বিশ্বভারতী সম্মিলনী : লেভি-সাহেবের বিদ্যায়-সম্বর্ধনার পরে আলোচনাসভা’ এই নামে ইহা শাস্তিনিকেতন পত্রের ১৩২৯ পৌষ সংখ্যায় প্রকাশিত হয়।

১৯২২ সালের ২১ অগস্ট রবীন্দ্রনাথ কলিকাতায় প্রেসিডেন্সি কলেজে ছাত্রসভায় বিশ্বভারতী সম্বক্ষে ষে বক্তৃতা দেন, ৬-সংখ্যক রচনা তাহার অনুলিপি। Presidency College Magazine-এ (Vol IX, No I, September 1922) তাহা ‘বিশ্বভারতী’ নামে প্রকাশিত হয়। এই সংখ্যায় Welcome, Rabindranath শীর্ষক রচনায় এই বক্তৃতার আনুষঙ্গিক বিবরণ মুদ্রিত আছে।

৭-সংখ্যক রচনা, ১৩৩০ সালের নববর্ষে শাস্তি-নিকেতন মন্দিরে নববর্ষের উৎসবে আচার্যের উপদেশ ; ১৩৩০ ভাস্তু সংখ্যা শাস্তি-নিকেতন পত্রে ‘নববর্ষে মন্দিরের উপদেশ’ আখ্যায় প্রকাশিত হয়।

## বিশ্বভারতী

৮-সংখ্যক প্রবন্ধ শাস্ত্রনিকেতন মন্দিরে ৫ বৈশাখ  
১৩৩০ তারিখে কথিত আচার্যের উপদেশের অঙ্গ-  
লিপি— শাস্ত্রনিকেতন পত্রের ১৩৩০ অগ্রহায়ণ  
সংখ্যায় প্রকাশিত হয়। এই রচনাটি প্রবাসীর  
১৩৩০ মাঘ সংখ্যায় কষ্টিপাথু-বিভাগে ‘তীর্থ’ নামে  
অংশতঃ মুদ্রিত হয়।

৯-সংখ্যক রচনা ‘বিশ্বভারতী’ নামে ১৩৩০ পৌষ  
সংখ্যা শাস্ত্রনিকেতন পত্রে প্রকাশিত হয়।

১৩৩০ সালে শাস্ত্রনিকেতনে ১ পৌষের উৎসবে  
রবীন্দ্রনাথ ষে উপদেশ দেন তাহা এই গ্রন্থের ১০-  
সংখ্যক প্রবন্ধকূপে প্রকাশিত হইল। প্রথমে উহা  
শাস্ত্রনিকেতন পত্রের ১৩৩০ মাঘ সংখ্যায় ‘৭ই পৌষ :  
বিতীয় ব্যাখ্যান’ আখ্যায় মুদ্রিত হয়।

১১-সংখ্যক রচনা ‘দক্ষিণ আমেরিকা যাইবার জন্য  
কলিকাতায় আসিবার পূর্ব-রাত্রে (১৭ ভাদ্র ১৩৩১ )  
শাস্ত্রনিকেতন আশ্রমে কথিত’ ‘যাত্রার পূর্বকথা’  
নামে ১৩৩১ কার্তিক সংখ্যা প্রবাসীতে মুদ্রিত হয়।

১৩৩২ সালের ৯ পৌষ শাস্ত্রনিকেতনে বিশ-  
ভারতী পরিষদের বাধিক সভায় রবীন্দ্রনাথ ষে বক্তৃতা

## গ্রন্থপরিচয়

দিয়াছিলেন ১২-সংখ্যক রচনা তাহার অঙ্গলিপি। ১৩৩২ ফাস্টন সংখ্যা শাস্তিনিকেতন পত্রের ক্রোড়-পত্রকর্পে, পরে স্বতন্ত্র পুস্তিকাকারে ইহা প্রচারিত হয়।

১৩-সংখ্যক রচনা ১৩৩৩ জ্যেষ্ঠ সংখ্যা ভারতী-পত্রে প্রকাশিত ও ১৩৩৩ আবণ সংখ্যা প্রবাসীতে কষ্টিপাথর-বিভাগে ('ভিক্ষা') উন্নত।

১৪-সংখ্যক রচনা একটি আলোচনার অঙ্গলিপি; প্রথমে ১৩৩৭ জ্যেষ্ঠ সংখ্যা বিচিত্রায় 'কর্মের স্থায়িত্ব' নামে প্রকাশিত।

১৩৩৯ সালের ৯ পৌষ শাস্তিনিকেতনে বিশ্ব-ভারতীর বার্ষিক পরিষদ-সভায় রবীন্দ্রনাথের অভিভাষণ ১৫-সংখ্যক প্রবন্ধকর্পে মুদ্রিত হইল। ইহা প্রথমে Visva-Bharati News -এর January 1933 Paush Utsav Number-এ 'আচার্যদেবের অভিভাষণ' আখ্যায় প্রকাশিত হয়।

১৩৪১ সালের ৮ পৌষ শাস্তিনিকেতনে বিশ্ব-ভারতীর বার্ষিক পরিষদ-সভায় আচার্যের অভিভাষণ বর্তমান গ্রন্থের ষোড়শ প্রবন্ধ। ইহা পূর্বে ১৩৪১

## বিশ্বভারতী

ফাস্তন সংখ্যা প্রবাসী পত্রে ‘ধাৰাৰাহী’ প্ৰকাশে  
দ্বিতীয় অংশ কৃপে প্ৰকাশিত।

বিশ্বভারতীৰ বার্ষিক পৰিষদে ১৩৪২ সালেৱ ৮ পৌষ  
তাৰিখে ব্ৰহ্মজ্ঞনাথ যে বক্তৃতা দেন তাহা এই গ্ৰন্থেৰ  
সপ্তদশ রচনা। এই বক্তৃতাৰ অন্য একটি অনুলিপি  
‘বিশ্বভারতী বিদ্যায়তন’ নামে বিশ্বভারতী পত্ৰিকাৰ  
১৩৪৯ ভাজু সংখ্যায় প্ৰকাশিত হইয়াছে।

১৮-সংখ্যক রচনা, ১৩৪৫ সালেৱ ৮ পৌষ  
তাৰিখে শাস্তিনিকেতনে বিশ্বভারতীৰ বার্ষিক পৰিষদে  
প্ৰতিষ্ঠাতা-আচাৰ্যেৰ অভিভাৰণ— পূৰ্বে ১৩৪৫ মাঘ  
সংখ্যা প্রবাসীতে ‘বিশ্বভারতী’ নামে মুদ্ৰিত  
হইয়াছিল।

১৩৪৭ সালেৱ ৮ শ্রাবণ তাৰিখে শাস্তিনিকেতন  
মন্দিৱে সাপ্তাহিক উপাসনায় ব্ৰহ্মজ্ঞনাথ যে উপদেশ  
দেন, এই গ্ৰন্থেৰ উনবিংশ রচনা তাহাৰ অনুলিপি ;  
ইহা ১৩৪৭ ভাজু সংখ্যা প্রবাসীতে ‘আশ্রমেৰ আদৰ্শ’  
নামে প্ৰকাশিত।

## বিজ্ঞপ্তি

এই গ্রন্থে সংকলিত অভিভাষণগুলি বক্তৃতার তারিখ অনুযায়ী নিবিষ্ট হইয়াছে। যে ক্ষেত্রে সে তারিখ পাওয়া যায় নাই সে ক্ষেত্রে প্রকাশের তারিখ অনুযায়ী সাজানো হইয়াছে, রচনা-শেষে তারিখটি ‘প্র’ চিহ্নিত। ৫ সংখ্যক বক্তৃতার তারিখ, ভাস্ত্র-আশ্বিন ১৩২৯ সংখ্যা শাস্তিনিকেতন পত্রে ‘আশ্রম-সংবাদে’ প্রকাশিত সিলভ্যা লেডি -সম্পর্কিত বিবরণ হইতে অনুমিত।

গ্রন্থপরিচয়ে বিশ্বভারতীর সূচনা কার্যাবলম্বন প্রতৃতি সংক্রান্ত যে-সকল তারিখ ও বিবরণ উদ্ধৃত হইয়াছে সেগুলি শাস্তিনিকেতন পত্রে প্রকাশিত বিশ্বভারতী বার্ষিক প্রতিবেদন, ও অন্তান্ত বিবরণী হইতে গৃহীত।

গ্রন্থপরিচয়ে উল্লিখিত হইয়াছে যে, এই গ্রন্থের অধিকাংশ রচনাই ব্রহ্মীজ্ঞনাথের বক্তৃতার অনুলিপি। তন্মধ্যে ৬, ১০, ১৫, ১৮ শ্রীপ্রদ্যোতকুমার সেনগুপ্ত -কর্তৃক ; ১৬, ১৭ শ্রীপুলিনবিহারী সেন -কর্তৃক ; ১২ শ্রীইজ্ঞকুমার চৌধুরী -কর্তৃক ; ১৪ শ্রীঅমিয় চক্রবর্তী -কর্তৃক ; ১৯ শ্রীনির্মলচন্দ্র চট্টোপাধ্যায় -কর্তৃক অনু-লিখিত। সাময়িক পত্রে বা অন্তত এই-সকল উল্লেখ

## বিশ্বভারতী

দেখা ষাট। এই অঙ্গলিপিময়ুহের অনেকগুলি, বজ্ঞা-  
কর্তৃক সংশোধিত ও অঙ্গমোদিত, সাময়িক পত্রে  
এইরূপ উল্লেখ আছে।

এই গ্রন্থে প্রকাশিত সিলভ্যা লেডি ও ব্রুবীস্ক-  
নাথের চিত্র শ্রীশান্তিদেব ঘোষের সৌজন্যে প্রাপ্ত।

১৩৯৮

## চিত্রশূটী

১. বিশ্বভারতী পরিষদ-সভার প্রতিষ্ঠা-উৎসব
২. সিল্ভ্যা লেভির ক্লাস
৩. সিল্ভ্যা লেভি রবীন্দ্রনাথের নিকট বাংলা শিখিতেছেন



